


1608

2(075)

U-15

03 AUG 2009




ՀԻՆ-ՈՒՍՈՒ

Հին-Ուսու
ԺԱ. արդ.

ՄՐԲԱԶԱՆ

2 (075)
Ս-15 սր.


ՊԱՏՄՈՒԹԻՒՆ



4061

Գինն է 55 կր

ՍԱՀԱԿ Ա. ՔՀ. ՍԱՀԱԿԵԱՆՆՑ



ԹԻՖԼԻՍ
Տպարան Ս. Բ. Խոտինեանցի, Գողթի. 39.
1915

25 JUL 2013

1608

ՀԱՅԱՍՏԱՆ

ԿԻՎԻՏԻՆՈՒՄՆԱՐ



4818-50

Ի ՀԱՅՐԱՊԵՏՈՒԹԵԱՆ

Տ. Տ. ԳԵՈՐԳ Ե.

Սրբազնագոյն Կաթողիկոսի Ամենայն Հայոց, ծայրագոյն Պատրիարքի Համազգական Ծախամեծար Արարատեան Առաքելական Մայր Աթոռոյ Սրբոյ Կաթողիկէ Էջմիածնի:

Ընթերցեալ գայս գրքոյկ «Սրբազան պատմութիւն Հին-Ուխտի», չգտի ինչ ընդդէմ ուղիղ վարդապետութեան եկեղեցւոյ, ուստի թոյլատրի տպագրութեամբ ի լոյս ընծայել: Ի 27 ապրիլ 1890 ամի ի Ս. Էջմիածին:

Նախագահ տպարանական ժողովոյ՝

Արիստակէս եպիսկոպոս:

Տ. Կ.

Ա Ջ Դ

«Սրբազան պատմութիւն Հին Ուխտի» նիւթի մշակութիւնը տպագրուած է առանձին—Գասագիրք կրօնի Հին-Ուխտի անունով:

Մեր կարծիքով աշակերտաց ձեռը սրբազան պատմութեան մի առանձին դասագիրք տալն աւելորդ է, ամենաընտիր և նպատակաշարմար դասագիրքը հէնց Սուրբ գիրքը՝ բնագիրն է: Բայց որովհետև մեր մէջ այդ բանը մի քանի դժուարութիւններ ունի, չասեմ անկարելիութիւններ, մանաւանդ ստորին դասատանց համար—գործընկեր լեզուն, գրքի ստուարութիւնը, գիրը, հազուադիւս լինելը, ուստի, ի հարկէ ստիպեալ՝ մեր նպատակին հասնելու համար՝ այսինքն մեր ցանկացած կրօնական-բարոյական իմաստները սաներին հաղորդելու համար, քաղուածօրէն ընտրեցինք այս նիւթերը՝ ըստ կարելւոյն պահպանելով բնագրի ոճը:

Տայ Աստուած, որ հասակով և սրտով մանուկները նոյնչափ սիրեն այս գրքովը՝ որչափ և սրա բնագիրը:

Ս. քհ. Ս.

Տիփլիս 1887:

Հին Ուխտի առաջին տպագրութիւնը տեղի ունեցաւ տասն և ինն տարի առաջ: Մի տարուց ետոյ սրբազան Օրմանեանի առաջարկութեամբ փոխադրուեց տաճկահայ բարբառի, որ ներկայումս եօթերորդ տպագրութեան է արժանացել:

Իմ վաղեմի ցանկութիւնն էր պատկերազարդ հրատարակել սոյն դասագիրքը, բայց այդ ցանկութիւնը այսօր միայն հնարաւոր եղաւ իրագործել: Սա մի փորձ է, կաշխատենք հետևեալ դասագրերը ևս հետզհետէ պատկերազարդ հրատարակել՝ աւելի կատարելագործուած թէ քանակի և թէ որակի կողմից:

Մանկավարժական տեսակէտով աւելի նպատակաշարմար կլինէր, եթէ պատկերները դասագրի մէջ զետեղուած չլինէին, այլ առանձին տպագրուած—մեծ դիրքով և ղունաւոր, որպէսզի ամեն մի աւանդուած նիւթ հետզհետէ պատկերով աւելի լուսաբանուէր: Բայց որովհետև մի այդպիսի գործ նիւթական խոշոր ծախսի հետ կապուած է, հետևաբար դպրոցների և մանաւանդ աշակերտների համար ծանր, եթէ չասենք անկարելի մի հանգամանք կլինէր, ուստի լերկուց չարեաց փոքրագոյնն ընտրելով, գասագրի մէջ զետեղեցինք:

Պատկերազարդ դասագրեր քիչ ունենք, եղածներն էլ մեծ մասամբ առանց ընտրութեան են՝ թէ նիւթի և թէ մանաւանդ գեղարուեստի կողմից: Այդ դասագրերի մէջ յաճախ կարելի է այնպիսի պատկերների պատահել, որոնց զօլութիւնը ցանկալի չէր երևան հանել, որոնք ոչինչ չբացատրելուց զատ՝ ոչ ցանկալի զգացմունքներ են առաջ բերում: Հին-Ուխտի նիւթն այնքան առատ է, որ մենք սովորական պատկերներից զատ՝ կարող ենք այնպիսի կարևոր գաղափարների վրայ ևս մատնանիշ լինել, զոր. Ֆիզիքական քաջութեան գաղափար (Սամիսոն), ճշմարտութիւնը ճակատին ասել (Նաթան), արդարադատութիւն (Սողոմոն)...: Ինչպէս նիւթը մեր ձեռքում միջոց է դէպի նպատակ դիմելու—նիւթից բարոյական-կրօնական գաղափարներ ձեռք բերելու, այսպէս և պատկերները պէտք է նիւթի աղօտ, դժուար տեղերը բացատրեն, լուսաբանեն: Օրինակի հա-

մար Լուսաւորչի տեսիլը թէն պատմութեան սաները, բայց ես հաստատ համոզուած եմ, որ նրանք այն չեն ներկայացնում իրանց, ինչ որ իրողութիւնն է: Ես կասկածուած եմ նոյն իսկ, որ շատ կրօնուսուցիչների համար նիւթն ամբողջովին պարզ չէ, այն ինչ պատկերը միանգամայն պարզ և իրական հասկացողութիւն կտար (տես իմ դասատետր կրօնի Բ. տարի): Եւ կամ լաճախակի վիշոււմ է վկայութեան խորան, Սողոմոնի տաճար, տապանակ ուխտի, խնկոց, առաջաւորաց սեղան, եօթնջահան ոսկէ աշտանակ, գաւիթ, սրբութիւն, սրբութիւն սրբոց... ալս բոլորը պատկերով միայն հնարաւոր է պարզել:

Պատկերները նիւթը պարզելուց զատ՝ պէտք է սաների մէջ նաև գեղարուեստական ճաշակ զարթեցնեն, ուստի և պիտի աշխատել, որ դրանք նշանաւոր հեղինակների ընտիր գործեր լինեն: Իբրև փորձ, ըստ չափուկարողութեան, աշխատել եմ իմ գրաւոր բացատրած սկզբունքները և գործնականապէս իրագործել:

Յուսով եմ որ Հին-Ուխտի պատկերագարը հրատարակութիւնը ես ունենալ իւր բարեկամները, որպիսին ունեցել է նրա նախկին տպագրութիւնները:

Ս. ա. ք. Ս.

Տփլիս

20 Յունիսի 1912 թ.



Ա. Ն Ա Խ Ա Պ Ա Տ Մ Ա Կ Ա Ն Դ Ա Ր

1. ա. ԱՇԽԱՐՀԻ ՍՏԵՂԾԱԳՈՐԾՈՒԹԻՒՆԸ



Աստուած սկզբում ստեղծեց երկինքն ու երկիրը: Երկիրը խաւարով էր ծածկուած: Աստուած ասաց. «Թող լոյս լինի» և իսկոյն լոյս եղաւ: Աստուած բաժանեց լոյսը խաւարից. լուսոյ անունը դրաւ ցերեկ, իսկ խաւարինը՝ գիշեր: Այսպէս ցերեկից ու գիշերից կազմեց առաջին օրը:

Բ. Աստուած ասաց. «Թող հաստատութիւն լինի, որպէսզի բաժանէ վերևի ու ներքևի շրջերը միմեանցից»: Այդպէս էլ եղաւ. հաստատութեան անունը դրաւ երկինք: Այդպէս անցաւ էլի մի ցերեկ և մի գիշեր ու դարձաւ մի օր՝ երկրորդ օր:

Գ. Աստուած ասաց. «Թող ցամաքը բաժա-

հուլի ջրերից»։ Այդպէս էլ եղաւ։ Աստուած ցամաքի անունը դրաւ երկիր, իսկ ջրերինը՝ ծով։



Աստուած ասաց. «Թող երկրիս վրայ կանաչեն ըոյսեր և ամենքն էլ պտուղ տան։ Այդպէս

էլ եղաւ։ Անցաւ էլի մի գիշեր և մի ցերեկ ու դարձաւ մի օր՝ երրորդ օր։

դ. Աստուած ասաց. «Թող երկնքի վրայ լուսաւորներ երևան ու երկիրը լուսաւորեն»։ Աստուած պատրաստեց մի սնծ լուսաւոր ցերեկը և մի փոքր լուսաւոր գիշերը կառավարելու համար։ Բացի դրանցից ստեղծեց նաև շատ աստղեր։ Այդպէս անցաւ էլի մի ցերեկ և մի գիշեր ու դարձաւ էլի մի օր՝ չորրորդ օր։

և. Աստուած ասաց. «Թող ջրերը լցուեն ձկներով, իսկ օդը՝ թռչուններով»։ Այն ժամանակ ջրերը լցուեցան բազմաթիւ կենդանիներով, իսկ օդի մէջ թռչում էին ամեն տեսակ թռչուններ։ Այդպէս անցաւ էլի մի գիշեր և մի ցերեկ ու դարձաւ մի օր՝ հինգերորդ օր։

զ. Աստուած ասաց. «Թող երկրիս վրայ լինեն շորջոտանի կենդանիներ—զազաններ և զնոռաներ»։ Այդպէս էլ եղաւ։


1. Բ. ՄԱՐԴՈՒ ՍՏԵՂՇԱԳՈՐԾՈՒԹԻԻՆԸ

ա. Աստուած ասաց «Եկէք մարդ էլ ստեղծենք, որ տէր լինի բոլոր ստեղծուածներին»։

բ. Աստուած ստեղծեց մարդուն իւր պատկերի նման—վեր առաւ երկրից հող ու շունչ փչե-

լով՝ հոգի տուաւ և անունը դրաւ Ադամ:

Չ. Աստուած՝ ասաց. «Լաւ չէ մարդու համար



մենակ լինելը, ստեղծենք Ադամի նման մէկը, որ նրան օգնական լինի»: Այն ժամանակ Աս-

տուած Ադամին քնացրեց, հանեց կողերից մինն ու նրա համար մի օգնական՝ կին ստեղծեց և անունը դրաւ Յւա: Աստուած օրհնեց նրանց և ասաց. «Աճեցէք, բազմացէք և լցրէք երկիրն ու տէր եղէք բոլոր ստեղծուածներին»:

Պ. Այսպէս Աստուած երկինքն ու երկիրը վեց օրում ստեղծեց, իսկ եօթներորդ օրը հանգստացաւ և պատուիրեց սուրբ պահել այդ օրը:

2. ԴՐԱՆՏ

Աստուած եղեմ երկրի մէջ մի պարտէզ տնկեց՝ անունը Դրախտ դրաւ: Պարտէզը զարդարեց ամեն տեսակ ծառերով, Ադամին ու Յւային այնտեղ բնակեցրեց, որ մշակեն և պահպանեն:

Պարտիզի մէջ տեղում երկու ծառ կար՝ մինի անունն էր «ծառ կենաց», իսկ միւսինը՝ «ծառ գիտութեան բարույ եւ չարի»:

Աստուած պատուիրեց նրանց և ասաց. «Պարտիզի բոլոր ծառերի պտուղներից կարող էք ուտել, բացի «ծառ գիտութեան բարույ և չարի» ծառի պտղից—եթէ նրանից ուտէք, իսկոյն կ'մեռնէք»:


3. ՊԱՏՈՒԻՐԱՆԱԶԱՆՅՈՒԹԻՒՆ

Ա. Օձը բոլոր կենդանիներից իմաստունն էր. նա եկաւ Եւայի մօտ և ասաց. «Ուզի՞ր է, որ Աստուած ասել է ձեզ, թէ պարտի՞ր բոլոր ծառերի պտուղներից չուտէք»: Կինը պատասխանեց օձին. «Ո՛ր, մի ծառի պտղից միայն պէտք է չուտենք, եթէ ուտենք, կմեռնենք»: Օձը նորից խօսեց կնոջ հետ և ասաց. «Ի՞նչ չէք մեռնի, ընդհակառակն՝ եթէ ուտէք, Աստուած կդառնաք»:

Բ. Կինը հաւատաց օձին և կերաւ պտուղը: Նա մարդուն ևս տուաւ. նա էլ առաւ և կերաւ:

Գ. Այս բանից ետոյ լսեցին Աստուած ոտի ձայնը պարտի՞ր մէջ, վախեցան, ամաչում էին, դրա համար էլ թաք կացան. Աստուած ձայն տուաւ Ադամին. «Ո՞րտեղ ես»: Ադամը պատասխանեց. «Վախենում եմ, դրա համար էլ թաք կացայ»: Աստուած ասաց. «Զլինի՞ թէ այն ծառի պտղիցը կերար»: Ադամը պատասխանեց. «Ի՞նչ ստեղծած կինը տուաւ ինձ, ես էլ կերայ»: Աստուած ասաց կնոջը. «Այդ ի՞նչ ես արել»: Կինը պատասխանեց. «Օձը խօսեց ինձ»:

Դ. Այն ժամանակ Աստուած պատժեց մեղաւորներին—նա ասաց օձին. «Անիծեալ լինիս բոլոր կենդանիների մէջ. փորիդ վրայ սողաս և հող ուտես քո ամբողջ կեանքում»: Ետոյ կնոջն



ասաց. «Ցաւով որդի ծնես»: Վերջն Ադամին ասաց. «Կերած հացը քրտինքով ձեռք բերես՝ մինչև որ նորից հող դառնաս»:

Մրանից ետոյ Աստուած Ադամին ու Եւային դրախտից դուրս արաւ: Նրանք սկսեցին հողագործութիւնով պարապել: Իրախտի դրանը սուրը ձեռին մի պահապան հրեշտակ նշանակեց, որ ետ չգան:

4. ԿԱՅԷՆ ԵՒ ԱԲԷԼ

Ա. Ադամն ու Եւան երկու որդի ունեցան

— առաջինի անունն էր Կայէն, իսկ երկրորդինը՝ Աբէլ: Աբէլը խաշնարած էր, իսկ Կայէնը՝ երկրագործ: Մի անգամ երկու եղբայրներն Աստուծուն զոհ բերին — Կայէնը իւր գաշտի պտուղներից, իսկ Աբէլը՝ գեղեցիկ, պարարտ գառներից: Աստուած Աբէլի զոհն ընդունեց, իսկ Կայէնինը՝ ոչ: Այս բանի վրայ Կայէնը խիստ բարկացաւ: Աստուած ասաց. «Կայէն, ի՞նչու ես բարկացել, եթէ բարի բան գործես, Աստուած կսիրէ քեզ, իսկ եթէ չար՝ կպատժուես»:

Ք. Չնայելով որ Աստուած նրան զգուշացրեց, բայց նա ոխը սրտից չհանեց և մի անգամ դաշտումը խփեց Աբէլին ու սպանեց:

Այն ժամանակ Աստուած հարցրեց Կայէնին. «Ո՛ւր է Աբէլ եղբայրդ»: Կայէնը կոպիտ կերպով պատասխանեց. «Զգիտեմ, մի՞թէ ես նրա պահապանն եմ»: Աստուած ասաց. «Քո եղբոր արիւնը գանգատւում է ինձ. անիծեալ լինես. թափառական շրջես երկրի վրայ. այսուհետև քո մշակած երկիրը պտուղ չտայ քեզ համար»:

Կայէնը փախաւ, ուրիշ երկիր գնաց և իւր ամբողջ կեանքում խիղճը տանջում էր նրան:

Աստուած նրանց մխիթարելու համար՝ մի նոր որդի պարգևեց, որին անուանեցին Սէթ: Սրա որդիները բարեպաշտ մարդիկ էին:




5. Զ Ր Հ Ե Ղ Ե Ղ

Ա. Կայէնի և Սէթի որդիները երկրիս վրայ կամաց կամաց բազմանում էին: Նրանք հետզհետէ վատանում էին: Մի մարդ միայն Սէթի ցեղից՝ անունը Նոյ, արդար էր, իսկ մնացածը բոլորն էլ մոռացել էին Աստուծուն: Աստուած 120 տարի համբերեց այս բաներին, բայց երբ նրանց չարութիւնը չափից անցաւ,

Ք. Աստուած ասաց Նոյին. «Ես կամենում եմ ջրով պատժել չար մարդկանց. դու քեզ հա-

մար մի մեծ տապան շինիր՝ կարով ծեփիր թէ զբսից և թէ ներսից: Տապանի մէջ կմտնես դու և քո որդիները. հետզ կվերցնես ամեն տեսակ



կենդանիներից մի-մի զոյգ. նոյնպէս ամեն տեսակ կերակուր՝ թէ քեզ և թէ կենդանիների համար»: Նոյըն էլ այնպէս արեց:


Պ. Երբ նաւը պատրաստ էր, Աստուած ասաց Նոյին. «Տապան մտիր դու և քո ընտանիքը»: Նոյըն էլ մտաւ տապան իւր երեք որդիներով, կնոջով, հարսներով և ամեն տեսակ կենդանիներով:

Սրանից ետոյ սկսեց քառասուն օր ու գիշեր սաստիկ անձրև գալ: Զուրը մեծացաւ—տապանն սկսեց լողալ: Զուրն այնքան բարձրացաւ, որ ամենամեծ լեռների գագաթներն անգամ ծածկուեցան—ամենքն էլ խեղդուեցան:

Պ. Հարիւր յիսուն օրից ետոյ անձրևները դադարեցին, ջուրը ցածրացաւ: Տապանը լողալով՝ եկաւ Արարատ լեռան վրայ հանգստացաւ: Նոյը բաց արաւ տապանի պատուհանը և մի ագռաւ բաց թողեց: Սա ետ չեկաւ: Ետոյ մի աղաւնի արձակեց, բայց որովհետև նա ոչ մի հանգստանալու տեղ չգտաւ, սա ևս ետ դարձաւ: Նոյը մեկնեց ձեռը և ներս առաւ:

Եօթն օրից ետոյ Նոյըն էլի մի աղաւնի բաց թողեց: Աղաւնին երեկոյեան դէմ վերադարձաւ՝ բերանին ձիթենու շիւղ բռնած: Նոյըն էլի եօթն օր սպասեց և նորից մի աղաւնի արձակեց: Այս անգամ աղաւնին ետ չեկաւ: Նոյըն իմացաւ, որ Երկրիս երեսից ջուրը ցամաքել է:

Ա. Այն ժամանակ Նոյը զուրս եկաւ տապան



նից իւր ընտանիքով, Արարատի ներքևում սե-
ղան շինեց ու զոհ արաւ:


Այս բանն Աստծուն զուր եկաւ, ուստի Նոյին
օրհնեց, նրա հետ դաշը կապեց և ասաց. «Քա-
նի որ այս աղեղը երկնքի վրայ տեսնես, իմա-
ցիր, որ այլ ևս չըհեղեղ չի լինի»:

Նոյն սկսաւ երկրագործութիւնով պարապել
և այգի տնկել: Նա երեք որդի ունեցաւ Սեմ,
Քամ և Յաբէթ: Դրանց որդիները բազմացան և
լցրին երկիրը:

6. ԲԱԲԵԼՈՆԻ ԱՇՏԱՐԱԿԸ

Ա. Նոյի թոռները բազմացան Արարատի
ներքևում և տեղափոխուեցին դէպի արևելք—
Նիւբատ ու Տիգրիս գետերի միջում պատահեցան
մի ընդարձակ դաշտավայրի, որի անունն էր
Սեննար: Այդ մարդիկն ամենքն էլ մի լեզուով
էին խօսում, սրանք ասացին միմեանց. «Յկէք
մի այնպիսի աշտարակ շինենք, որի ծայրը եր-
կնք հասնի, որ չըհեղեղ լինելիս, բարձրանանք
այնտեղ և ազատուենք»: Շինութիւնն սկսեցին:
Աստուած տեսաւ, որ իրանց ոյժից վեր բան են
կատարում, խառնեց նրանց լեզուները, այնպէս
որ մէկ մէկու այլ ևս չկարողացան հասկանալ:
Այդ տեղի անունը Բաբելոն դրուեց, որ նշանա-
կում է խառնակութիւն:

բ. Շինութիւնը դադարեց. մարդիկ սկսեցին



Բաբելոնից հեռանալ ու նորից ցրուել երկրի
զանազան կողմերը:



Բ. ՆԱՀԱՊԵՏՆԵՐԻ ԴԱՐ

Ա. ԱՐՐՈՂՆԵՐ



7. ԱՍՏՈՒԱԾ ԿԱՆՉՈՒՄ Է ԱՐՐԱՀԱՄԻՆ

Ա. Եղիշտը երկրի յտառան քաղաքում Սեթի ցեղից մի մարդ էր ապրում՝ անունն Աբրահամ: Նրա հայրը կուռք էր պաշտում, իսկ ինքը՝ ճշմարիտ Աստծուն: Աստուած ասաց Աբրահամին. «Թող քո հայրենիքը, բարեկամներդ, հորդ տունը և գնահ այն երկիրը, որ ես քեզ ցոյց կտամ. ես քեզ մեծ ազգ կղարձնեմ և կօրհնեմ: Քո ձեռով պէտք է օրհնուեն երկրիս բոլոր ազգերը: Քո ցեղից մինը կձնուի, որ բոլոր մարդոց մեղքից կազատէ»:



հասաւ ու Սիւքէմ հովիտը եկաւ, Աստուած նորից ասաց Աբրահամին. «Այս երկիրը տալիս եմ քեզ և քո որդւոց»: Աբրահամն այնտեղ սեղան շինեց և Աստծուն շնորհակալութիւն արաւ:

8. ԱՐՐԱՀԱՄԸ ԵՒ ՂՈՎՏԸ ԲՍԺԱՆՎՈՒՄ ԵՆ

Աբրահամը մի հարուստ մարդ էր—ունէր շատ խաշներ, ոսկի և արծաթ: Ղովտը ևս հարուստ էր—նա էլ ունէր բազմաթիւ խաշներ: Նրանց բնակութեան երկիրը շատ փոքր էր, այն-

յարձակուեց նրանց վրայ. շարդեց թշնամուն-
ետ առաւ բոլոր աւարը և ազատեց Ղովտին:

Երբ Աբրահամը պատերազմից վերադառնում-
էր, Սողոմի թագաւորը նրա առաջ դուրս եկաւ
և ասաց. «Գերի առած մարդիկն ինձ, իսկ ա-
ւարը քեզ լինի»: Աբրահամը պատասխանեց.
«Ոչ, ես մի տրեխի թել անգամ չեմ վերցնի—բո-
լորն էլ քեզ կտամ»: Աբրահամը դարձաւ Քեբբոն:

10. ԱՍՏՕՈՒ ԽՈՍՏՈՒՄՆ ԱՐՐԱՀԱՄԻՆ

Աստուած Խառանում խոստացաւ Աբրահա-
մին մեծ ազգ դարձնել. այդ օրից անցել էր 24
տարի. նա արդէն 99, իսկ Սառան 90 տարե-
կան էր, բայց դեռ ոչ մի որդի չունէին: Աստուած
Աբրահամին վերջին անգամ փորձելու համար,
մի օր ճաշուայ խիստ շոգի ժամանակ եկաւ
նրա մօտ: Աբրահամը նստած էր վրանի դրանը՝
Մամբրէի անտառում: Յանկարծ տեսաւ, որ
երեք ճանապարհորդ հեռուից դէպի ինքն են
գալիս, իսկոյն վազեց նրանց առաջ, երկրպա-
գութիւն տուաւ և ասաց. «Տէր, եթէ քո ծառա-
յին սիրում ես, եկ նրա վրանը. հանգստացիր
այս ծառի տակ. ես շուր կբերեմ. ձեր ոտները
կլուանամ. նախաճաշիկ կանէք՝ ետոյ ճանապար-
հը կշարունակէք»: Նրանք պատասխանեցին. «Թող
այդպէս լինի»:

Աբրահամը գնաց վրանը Սառայի մօտ և ասաց. «Շուտ արած, նկաններ թխիր շարմաղ ա-
լիւրից», իսկ ինքը գնաց հանդը. մի երինջ բե-
րաւ. տուաւ ծառաներին, որ մորթեն և հիւրե-



րի համար կերակուր պատրաստեն: Աբրահամը՝
չնայելով որ 318 ծառայ ունէր, բայց ինքն էր
ծառայում սեղանին—բերաւ կարագ, կաթը և
հորթի մսից պատրաստած կերակուր, դրաւ հիւ-
րերի առաջ և նրանք էլ կերան:

Այն ժամանակ հիւրերն ասացին Աբրահամին.
«Ո՛ւր է քո կին Սառան»: Նա պատասխանեց.
«Վրանումն է»: Հիւրերից մինն ասաց. «Եկող
տարի այս ժամանակ Սառան մի որդի կունե-

նայ»: Սառան լսեց և մտքում ծիծաղեց այս խօսքերի վրայ: Աստուած հարցրեց Աբրահամին. «Սառան ի՞նչու է ծիծաղում, մի՞թէ Աստծու



համար անկարելի բան կայ»: Օտարականները վեր կացան և գնացին դէպի Սոգոմ:

11. ԱՔՐԱՀԱՄԸ ԲԱՐԵՆՈՍՈՒՄ Է ԱՍՏԾՈՒՆ

Օտարականները գնացին դէպի Սոգոմ: Աբրահամն էլ ճանապարհ ձգելու համար՝ հետները գնաց: Աստուած ասաց. «Սոգոմի և Գոմորի մարդկանց անկարգութիւնը չափիցն անցել է,

գնում եմ տեսնելու, արդեօք ուղիղ է թէ ոչ»: Աբրահամն իսկոյն հասկացաւ, որ նրանք պէտք է պատժուեն, ուստի մտածում էր, թէ ինչպէս օգնէ նրանց:

Երկու ճանապարհորդները գնացին դէպի Սոգոմ, իսկ Աբրահամն Աստծու առաջ կանգնեց և ասաց. «Եթէ քաղաքի մէջ յիսուն արդար լինի, մի՞թէ չես ների միւսներին էլ»: Աստուած ասաց. «Եթէ յիսուն արդար գտնեմ, միւսներին էլ կններեմ»:

Աբրահամը նորից ասաց. «Թերևս քառասուն արդար լինի»: Աստուած պատասխանեց. «Քառասունի համար էլ կններեմ»: Իսկ եթէ երեսուն հոգի գտնուեն»: «Եթէ երեսուն հոգի գտնուեն, դարձեալ կններեմ»: Աբրահամը նորից ասաց. «Եթէ քսան հոգի լինեն»: Աստուած պատասխանեց. «Քսանի համար էլ չեմ պատժի»:

Աբրահամը կրկնեց. «Մի բարկանար, Տէր, եթէ մի անգամ էլ խօսեմ, իսկ եթէ տասն հոգի լինի»: Աստուած պատասխանեց. «Տասնի համար ևս չեմ պատժի»:

Երբ այս խօսակցութիւնը վերջացաւ, Աստուած աներևութացաւ. հրեշտակները գնացին դէպի Սոգոմ, իսկ Աբրահամը դարձաւ տուն:

Հրեշտակները Սոգոմ և Գոմոր քաղաքներում միայն Ղովտին արդար գտան, իսկ մնացեալնե-

ըին՝ մեղաւոր: Հրեշտակները արդարին իւր ընտանիքով ազատեցին, իսկ մեղաւորներին պատժեցին—երկնքից կրակ թափուեց և այրեց բոլորին:

Միւս օրն առաւօտեան վաղ՝ Աբրահամն եկաւ այնտեղ, որտեղից բաժանուել էր Աստծուց և ինչ տեսաւ—Սողոմ և Գոմորից ծուխ էր բարձրանում:

Այս քաղաքների տեղը ջրով լցուեց—ծովը մեծացաւ և մինչև այսօր էլ կոչւում է Մեռնալ ծով:

12. ԻՍՍՀԱԿԻ ԾՆՈՒՆԴԸ ԵՒ ԶՈՀՈՒԻԼԸ

Ա. Տարին անցնելուց ետոյ, ինչպէս Աստուած խոստացել էր, Սառան մի որդի ունեցաւ, որի անունն իսահակ դրին: Աբրահամն արդէն հարիւր տարեկան էր: Նա շատ էր ուրախանում:

Բ. Մի քանի տարուց ետոյ Աստուած Աբրահամին էլի մի սնգամ փորձելու համար՝ ասաց. «Աբրահամ, վեր առ քո միակ որդի Իսահակին և գնա Մորէայի երկիրն ու այնտեղ իմ ցոյց տուած լեռան վրայ գոհիր նրան»: Աբրահամն առաւօտը վաղ վեր կացաւ. համետեց էջը. փայտ պատրաստեց գոհի համար. հետն առաւ Իսահակին և երկու ծառայ ու գնաց Աստծու ցոյց տուած երկիրը: Երեք օրից ետոյ տեղ հասաւ:


Աբրահամն ասաց իւր ծառաներին. «Մնացէք այստեղ, իսկ ես Իսահակի հետ պէտք է գնամ վերև աղօթելու»:



Իսահակը ողջակիզի փայտը շալակեց, իսկ Աբրահամը ձեռին բռնած ունէր կրակն ու դանակը: Ճանապարհին Իսահակը հարցրեց հօրը. «Հայր, կրակն ու փայտն այստեղ են, բայց ո՞ւր է ողջակիզի ոչխարը»: Աբրահամը պատասխանեց. «Աստուած տեսնում է ողջակիզի ոչխարը»:

Երբ նրանք լեռան գագաթը հասան, Աբրահամը

սեղան շինեց. փայտը դարսեց վրան. որդուն կապեց փայտերի վրայ. առաւ դանակը, որ զօհէ:



Այն ժամանակ Աստծու հրեշտակը ձայն տուաւ երկնքից ու ասաց. «Աբրահամ, Աբրահամ, ձեռք ետ քաշիր, ես իմացայ, որ դու Աստծուն սիրում ես: Ահա այն թուփը, որի մէջ մի ոչխար

կայ, վեր ա՛ռ և զօհիր Իսահակի փոխարէն»: Աբրահամն այնպէս էլ արաւ:

Աստծու հրեշտակը նորից ձայն տուաւ Աբրահամին ու ասաց. «Որովհետեւ քո միակ որդուն չինայեցիր, ուստի ես քեզ օրհնում եմ. քո զաւակները թո՛ղ երկնքի աստղերի և ծովի ափի աւազի չափ բազմանան, քեզնով պէտք է օրհնուեն երկրիս բոլոր ազգերը»: Աբրահամն եկաւ ծառաների մօտ և միասին դարձան տուն:


13. Մ Ա Ռ Ա Յ Ի Մ Ա Հ Ը

Մառան հարիւր քսան և եօթը տարեկան հասակում մեռաւ Զներոնում: Աբրահամն սկսաւ լալ և սուգ անել: Երբ սգի օրերն անցան, վեր կացաւ ու ասաց այն երկրի բնակիչներին. «Խընդրեցէք Նփրոնին, որ իմ ազարակի ծայրումը գանուող Կրկին-Այրն ինձ վաճառէ, որպէսզի իմ մեռելն այնտեղ թաղեմ»: Նփրոնն ինքը եկաւ և ասաց. «Ազարակն արժէ չորս հարիւր սատեր (սատերն 80 կպ.), թաղիր քո մեռելն այնտեղ»: Մարդկանց առաջ Աբրահամը կշռեց արծաթը և տուաւ նրան: Աբրահամը Սառային թաղեց Կըրկին-Այրի մէջ:

14. ԻՍՍՀԱԿԻ ՊՍԱԿՈՒԻԼԸ ԵՒ ԱՒՐԱՀԱՄԻ ՄԱՀԸ

Աբրահամը շատ էր ծերացել: Մեռնելուց առաջ ցանկանում էր որդու ուրախութիւնը տես-

նել, ուստի կանչեց իւր աւագ ծառայ Եղիազարին
ու ասաց. «Կգնաս Խառան և այնտեղից Իսահա-



կի համար մի կին կբերես»: Եղիազարն առաւ
իւր հետ մի քանի ծառաներ, տասն ուղտ և

չատ ընծաներ ու ճանապարհ ընկաւ դէպի Խա-
ռան քաղաքը: Երբ տեղ հասաւ, ուղտերին հան-
գիստ տուաւ քաղաքից դուրս մի ջրհորի մօտ:

Արևը մտնելու ժամանակն էր: Աղջկերքն այդ
ժամին գալիս էին ջուր տանելու: Եղիազարն ա-
ղօթեց և ասաց. «Աբրահամի Աստուած, յաջո-
ղիւր իմ գործը—այս քաղաքի աղջիկներն ահա
կգան ջուր հանելու: Եթէ մի կոյս աղջիկ գայ
և ես նրան ասեմ, ինձ ջուր խմացրու և նա
չմերժէ, նա կլինի Իսահակի կինը»:

Հագիւ թէ այս խօսքերը վերջացրել էր, եկաւ
Բաթուէլի դուստր Ռեքեկան՝ սափորն ուսին:
Նա մի գեղեցիկ աղջիկ էր: Իջաւ ջրհորը, լցրեց
սափորը և բարձրացաւ: Եղիազարը դիմեց նրան
և ասաց. «Թոյլ տուր ինձ փոքր ինչ ջուր խմեմ
քո սափորից»: Նա էլ պատասխանեց. «Խմիր»:
Այս ասաց, շտապով սափորը կռան վրայ իջեցրեց
և օտարականին ջուր տուաւ: Նա ուղտերին էլ
խմացրեց: Խմելուց ետոյ՝ Եղիազարը Ռեքեկային
մի ոսկեայ գինտ և երկու ապարանջան ընծայեց:


Ռեքեկան վազեց և պատմեց մօրն այս ամե-
նը: Նա մի եղբայր ունէր՝ Լաքան անուշով: Երբ
նա տեսաւ քրոջ գնտերը և ապարանջանը, վա-
զեց դէպի ջրհորն ու ասաց այն օտարականին.
«Ո՞վ Աստծու օրհնեալ մարդ, եկ մեր տուն»:
Նա Եղիազարին տուն առաջնորդեց, ջուր բերեց ու-
նեքը լուանալու, որից ետոյ կերակուր ևս բե-

բաւ: Եղիազարը պատասխանեց. «Ես հաց չեմ ուտի՛ մինչև իմ միտքը չյայտնեմ»: Եղիազարը յայտնեց իւր ով լինելը, թէ ինչու է եկել և թէ ինչ է ազօթել ջրհորի մօտ:



Բաթուէլը և Լաբանը պատասխանեցին. «Ուրեմն այդ Աստծու կամքն է, մենք զրա դէմ ինչ կարող ենք ասել: Մի քանի օրից ետոյ Ռեբեկան իւր նաժիշտների հետ ուղտերի վրայ նստած ճանապարհ ընկաւ դէպի Բեքորոն:

Իսահակը երեկոյեան ժամանակ դաշտ էր դուրս եկել զբօսնելու, նա տեսաւ հեռուից, որ տասն ուղտ է գալիս: Ռեբեկան նկատեց Իսահակին և հարցրեց ծառային. «Ո՞վ է այն մարդը, որ դաշտի մէջ զբօսնում է»: Ծառան պատասխանեց.



«Նա իմ տէրն է»: Եղիազարը պատմեց Իսահակին ամեն բան: Այնուհետև Իսահակը և Ռեբեկան միասին էին ապրում:

Աբրահամը իւր բոլոր հարստութիւնը Իսահակին տուաւ և մեռաւ հարիւր եօթանասուն հինգ տարեկան հասակում:

Իսահակը թաղեց նրան Կրկին-Այրում—Սառայի մօտ:



Բ. ԻՍՈՆՆՍ

15. ԵՍԱԻ ԵՒ ՅԱԿՈՎԲ



Իսահակը երկու որդի ունեցաւ—մեծի անունը Եսաւ էր, իսկ փոքրինը՝ Յակովբ: Եսաւը մագոտ էր, պարապում էր որսորդութիւնով և հողագործութիւնով, իսկ Յակովբը մնում էր տանը և մօրն օգնում տան գործերում: Իսահակը Եսաւին էր սիրում, որովհետև նրա բերած որսի միսը ախորժակով էր ուտում, իսկ Ռեբեկան՝ Յակովբին:

Մի անգամ Յակովբը ոսպէ թան էր եփել: Եսաւը դաշտից դադրած տուն դարձաւ և ասաց եղբօրը. «Քո ոսպէ թանից մի քիչ էլ ինձ տո՛ւր»: Յակովբը պատասխանեց. «Ծախիր ինձ վրայ քո անդրանկութիւնը՝ ետոյ կտամ»: Եսաւն ասաց ինքն իրան. «Ես սովից մեռնում եմ, ինչիս է պէտք անդրանկութիւնը»: Յակովբն ասաց. «Ուրեմն երդուիր, որ խօսքդ ետ չես առնի»: Եսաւը երգուեց: Այն ժամանակ միայն Յակովբը տուաւ նրան ոսպէ թանից: Եսաւը կերաւ, խմեց, վեր-

կացաւ և գնաց: Այսպէս Եսաւը մի բաժին ոսպէ թանով ծախեց իւր անդրանկութիւնը:

16. ՅԱԿՈՎԲԻ ԽԱԲԵԲԱՅՈՒԹԻՒՆԸ


Իսահակը հարիւր երեսուն եօթը տարեկան էր—նրա աչքերը լաւ չէին տեսնում: Կանչեց Եսաւին և ասաց. «Ես այսօր կամ վաղը գուցէ մեռնեմ. գնա՛ դաշտ. որսի միս բեր. ինձ համար խորտիկ պատրաստիր, որ ուտեմ և օրհնեմ քեզ»:

Ռեբեկան լսեց այս խօսքերը. կանչեց Յակովբին և ասաց. «Լսեցի որ հայրդ Եսաւին ասաց գնա՛ դաշտ. որսի միս բեր. ուտեմ և օրհնեմ քեզ. Ուրեմն լսիր ինձ—գնա՛ դաշտ երկու ուլ բեր, հօրդ համար խորտիկ պատրաստեմ, տանք որ ուտէ և օրհնէ քեզ մեռնելուց առաջ»: Յակովբը պատասխանեց. «Իմ եղբայր Եսաւը մագոտ է, իսկ ես լերկ, գուցէ շօշափէ ինձ և ես խաբեբայ դուրս գամ»: Մայրը պատասխանեց. «Գնա՛ և այնպէս արա՛, ինչպէս քեզ ասացի»:

Յակովբը գնաց, ուլերը բերաւ և մօրը տուաւ: Նա էլ կերակուր պատրաստեց, Եսաւի թանկագին շորերը հազցրեց Յակովբին. ուլի մորթին թևերին ու պարանոցին փաթաթեց, որ հայրը չճանաչէ: Յակովբը գնաց հօր մօտ և ասաց. «Հայր, վեր կաց իմ բերած խորտիկը կեր ու օրհնիր ինձ»: Իսահակը հարցրեց. «Այդ ինչպէս շուտ


գտար որսը»: Նա պատասխանեց. «Աստուած ինքն էր պատրաստել այդ»:

Իսահակն ասաց. «Մօտ արի, որդեակ, քեզ շօշափեմ, տեսնեմ իմ որդի Նսաւն ես՝ թէ ոչ»: Յակովբը մօտեցաւ, հայրը շօշափեց և ասաց.



«Չայնդ՝ Յակովբինն է, իսկ ձեռներդ՝ Նսաւինը»: Հայրը չճանաչեց, բայց կասկածեց, ուստի մի անգամ էլ հարցրեց. «Ի ու իմ որդի Նսաւն ես»: Նա պատասխանեց. Այո, ես եմ»: Իսահակն ասաց. «Ուրեմն մօտ բեր խորտիկը»: Յակովբը մօտեցրեց նրան կերակուրը—գինի և տուաւ:

Հայրը կերաւ, խմեց, օրհնեց և ասաց. «Թող երկընքի ցօղը անպակաս լինի դաշտերիդ համար, քո արտերը և այգիները ցորենով ու գինիով լցուեն. ազգերը ծառայեն քեզ, եղբօրդ վրայ տէր լինես»:



Յակովբը դեռ նոր էր հեռացել, որ Նսաւը որսից վերադարձաւ: Նա նոյնպէս խորտիկ պատրաստեց և հօրը տարաւ: Իսահակը հարցրեց նրան. «Ո՞վ ես դու»: Նա պատասխանեց. «Քո անդրանիկ որդի Նսաւն եմ»: Իսահակը շատ զար-

մացաւ այս բանի վրայ և ասաց. «Հապա այն
նով էր, որ մի փոքր առաջ ինձ համար խորտիկ
բերաւ, ես էլ կերայ ու օրհնեցի նրան»:

Եսաւը հասկացաւ, թէ ինչ է պատահել, բարձր
ձայնով լաց եղաւ ու ասաց. «Հայր, ինձ ևս օրհ-
նիր»: Իսահակը պատասխանեց. «Քո եղբայրը խո-
րամանկ կերպով ինձ մօտ եկաւ և քո օրհնու-
թիւնն ստացաւ»: Եսաւը նեղացած սրտով ասաց.
«Միթէ դու մի օրհնութիւն ունիս, հայր, ինձ
ևս օրհնիր»: Իսահակը պատասխանեց և ասաց.
«Թող քո բնակած երկիրը ևս պտղաւէտ լինի,
միայն Յակովբին պիտի լսես—անդրանիկը նա
կլինի»:



Գ. Յ Ա Ն Ո Վ Բ

17. ՅԱԿՈՎԻՒՄ ՓԱՆՈՒՍՏԸ



րանից ետոյ Եսաւը խիստ ատում էր
Յակովբին: Նա ասում էր. «Հայրս ծերացել է,
երբ մեռնի, ես կսպանեմ նրան»:

Այս բանը Ռեբեկան իմացաւ, ուստի Յակով-
բին իւր մօտ կանչեց և ասաց. «Եսաւը մտա-
ծում է քեզ սպանել. գնա՛ Խառան իմ եղբայր Յա-
կովբի մօտ՝ մինչև եղբօրդ բարկութիւնը կանց-
նի»: Ռեբեկան Իսահակի հետ ևս խօսեց այդ
մասին: Նա էլ կանչեց Յակովբին, որ արդէն եօ-
թանասուն եօթը տարեկան էր և ղեռ չէր ամուսնացել ու ասաց. «Գնա՛ Միջագետք՝ Բաթու-
էլի մօտ և ամուսնացիր Լաբանի աղջիկներից
մէկի հետ»: Յակովբը լսեց ծնողներին և ճանա-
պարհ ընկաւ դէպի Միջագետք:

Յակովբը դուրս եկաւ Բերսաբէից ու գնաց
դէպի Խառան: Երեք օրից ետոյ՝ արևը մտնելու
ժամանակ մի քար վեր առաւ, զրեց զլիւ տակն
ու քնեց:

Այստեղ տեսիլքում մի սանդուխտ տեսաւ, որի ծայրը երկնքումն էր, վրայով Աստծու հրեշտակները բարձրանում, իջնում էին, իսկ Աստուած սանդուխտի վերևից ասում է. «Ես եմ Աբրահամի և Իսահակի Աստուածը. այս երկիրը



քեզ և քո ժառանգներին եմ տալիս. քո գաւակները երկնքի աստղերի և ծովի աւազի չափ կբազմանան. ես քեզ կպաշտպանեմ և նորից կվերագարձնեմ»:

Երբ Յակովբը քնից գարթեց, ասաց. «Աստուած այստեղ է եղել, իսկ ես չեմ իմացել—այս տեղը


սուրբ է, Աստծու տունն է»: Յակովբը վեր առաւ այն քարը, որի վրայ քնել էր. արձան կանգնեցրեց. իւր ածեց վրան և այն տեղն անուանեց Բեթէլ, այսինքն Աստծու տուն:

18. ՅԱԿՈՎԲԸ ԼԱԲԱՆԻ ՄՕՏ

ա. Բեթէլից Յակովբը ուրախ-ուրախ գնաց իւր մօրեղբայր Լաբանի մօտ: Խառանի մօտ մի շրհոր տեսաւ, որի շուրջը երեք ոչխարի հոտ կար: Չրհորի բերանին ձգած էր մի մեծ քար: Յակովբը հարցրեց հովիւներին. «Մը տեղացի էք, եղբայրներ»: Նրանք պատասխանեցին. «Խառանիցն ենք»: Յակովբը շարունակեց. «Ճանաչո՞ւմ էք Բաթուէլի որդի Լաբանին»: Նրանք պատասխանեցին. «Այո, անհ նրա աղջիկ Հոաքէլն էլ գալիս է իւր ոչխարների հետ»: Յակովբը Հոաքէլին տեսնելուն պէս՝ մօտեցաւ, համբուրեց նրան, լաց եղաւ և յայտնեց, որ ինքը Ռեբեկայի որդին է: Հոաքէլը տուն վազեց՝ հօրն իմաց տալու: Երբ Լաբանն իմացաւ, շտապեց նրա մօտ, համբուրեց և տուն տարաւ: Յակովբը պատմեց Լաբանին զլիովն անցածը և վերջը ծառայում էր նրան:


բ. Մի ամիս անցնելուց ետոյ՝ Լաբանն ասաց Յակովբին. «Թէև դու իմ ազգականն ես, բայց

և այնպէս չէի կամենայ, որ ինձ ձրի ծառայես, ասա, ի՞նչ է քո աշխատանքի վարձը»: Լաբանը երկու աղջիկ ունէր—մեծի անունը Լիա էր, փոքրինը՝ Հոաբէլ: Լիան տգեղ էր, իսկ Հոաբէլը՝ գեղեցիկ: Յակովբը Հոաբէլին հաւանում էր, դրա



համար էլ ասաց Լաբանին. «Ես քեզ եօթը տարի կ'ծառայեմ, եթէ Հոաբէլին ինձ կին տաս»: Լաբանը պատասխանեց. «Շատ բարի, աւելի լաւ է քեզ տամ՝ քան թէ ուրիշին»: Յակովբը եօթը տարի ծառայեց Լաբանին.

Երբ եօթը տարին անցաւ, Լաբանը հարսանիք արաւ, բայց փոխանակ Հոաբէլին՝ Լիային տուաւ: Այն ժամանակ Յակովբն ասաց Լաբանին. «Ի՞նչ-



չու խաբեցիր ինձ, ես քեզ Հոաբէլի համար եօթը տարի ծառայեցի և ոչ թէ Լիայի». Լաբանը պատասխանեց. «Մեր երկրում սովորութիւն չէ, որ փոքր քոյրը մեծից վաղ մարդու գնայ, եթէ դու ինձ նորից եօթը տարի ծառայես, Հոաբէլին էլ կտամ»: Յակովբը համաձայնեց—եօթը տարի ևս ծառայեց ու Հոաբէլին էլ առաւ:

Յակովբը շատ որդիներ ունեցաւ: Նա Լաբանին վեց տարի ևս ծառայեց և փոխարէնն ստացաւ շատ ոչխարներ: Բացի դրանից ունէր բազմաթիւ ծառաներ, աղախիներ, ուղտեր և էջեր:

19. ՅԱԿՈՎԲԻ ԴԱՐՁԸ ԼԱԲԱՆԻՑ

Լաբանի որդիները նախանձում էին Յակովբին—նրանք ասում էին. «Յակովբը մեր հօր կայքով հարստացաւ»:



Յակովբն ինքն ևս նկատում էր այդ նախանձը, դրա համար Աստուած ասաց նրան. «Դարձիր Քանան, ես քեզ կաշտպանեմ»: Յակովբը այս բանը յայտնեց Լիային ու Հոաբէլին: Նրանք էլ ասացին. «Արձ, ինչպէս որ Աստուած հրամայել է»: Այսպէս Յակովբը վեր առաւ իւր որդիներին, կանանցը, խաշներն ու բոլոր հարստութիւնը և փախաւ Քանան:

Այդ ժամանակ Լաբանը տանը չէր, դաշտ էր գնացել ոչխարները խուզելու:

Երրորդ օրը Լաբանն իմացաւ, որ Յակովբը փախել է, ուստի բարկացաւ և ընկաւ նրա ետևից: Եօթն օրից ետոյ հասաւ նրան Գաղատա լեռան մօտ: Աստուած ճանապարհին տեսիլքով զգուշացրեց Լաբանին ու ասաց. «Զգո՛յ՛ կաց, Յակովբի հետ սիրով վարուի՛ր»: Լաբանը հասաւ Յակովբին և հարցրեց. «Ի՞նչու ծածուկ հեռացար, ես քեզ երգով, թմբուկով ճանապարհ կձրգէի. ի՞նչու իմ աղջիկներն ու թոռներն առանց համբոյրի հեռացրիր, քո արածը լաւ բան չէ»:

Յակովբը բարկացած պատասխանեց և ասաց. «Ի՞նչ եմ արել քեզ, որ ետևիցս ես ընկել. այդքան այժ ու ոչխար որ ունիս, բոլորն էլ իմ բրտնքի պտուղն է—ինչ որ գազանները պատառում էին, այն էլ ինձնից էիր պահանջում. ցերեկները արևակէզ էի լինում, իսկ գիշերները ցրտից շորանում—այս ձեռով ես քսան տարի ծառայել եմ քեզ»:

Լաբանը պատասխանեց. «Ես ի՞նչ կարող եմ անել աղջիկներին ու թոռներին, լաւն այն է, որ դաշը կապենք»: Յակովբն ու Լաբանը հաշտուեցին: Պայմաններից մէկն էլ այն էր, որ Յակովբը Լաբանի աղջիկներին չպէտք է ծեծէր: Յակովբը գոհ արաւ և հացի հրաւիրեց բոլորին: Առաւօտը Լաբանը համբուրեց աղջիկներին ու թոռ-

ներին, օրհնեց նրանց և ետ դարձաւ տուն, իսկ Յակովբը շարունակեց իւր ճանապարհը:

20. ԵՍԱԻ ԵՒ ՅԱԿՈՎԲԻ ՀԱՇՏՈՒԹԻՒՆԸ

Յակովբը մարդ ուղարկեց Եղով (Սէիր) երկիրը՝ Եսաւի մօտ: Նա պատուիրեց նրանց այսպէս ասելու. «Քո ծառայ Յակովբն այսքան ժամանակ Լաբանի մօտ էր. այժմ վերադառնում է մեզ ուղարկել է քեզ մօտ և ներողութիւն է խնդրում»: Գնացողները դարձան և ասացին. «Եսաւ եղբայրդ 400 մարդով գալիս է քեզ դիմաւորելու»: Յակովբը շատ վախեցաւ այս բանից, իսկոյն ծառաներն ու խաչները երկու մասի բաժանեց այն մտքով, որ եթէ եղբայրը մի մասը խլի, միւսը կարողանայ ազատել:

Յակովբն առաւօտը վաղ՝ առաւ իւր կանանցն ու որդիներին և գնաց Եսաւի առաջ: Յակովբը երբ տեսաւ, որ եղբայրը չորս հարիւր մարդով է գալիս, իսկոյն որդիները մայրերին յանձնեց. ինքն առաջ գնաց և եօթն անգամ ծնկաչոք գլուխ տուաւ: Եսաւն այս տեսնելուն պէս՝ առաջ վագեց, զրկեց Յակովբին, վզովն ընկաւ ու համբուրեց երկուսն էլ լալիս էին:

Եսաւն ասաց. «Շտապենք, միասին գնանք»: Յակովբը պատասխանեց. «Ծժկեր մանուկներ ունեմ, ոչխարները ևս նոր են ծնել, եթէ ստիպեմ շուտ-շուտ գնալու, բոլորն էլ կկոտորուեն. դու

առաջ գնա, իսկ ես կամաց-կամաց կգամ»: Եսաւը Եղով դարձաւ, իսկ Յակովբը գնաց զէպի Սիւքէմ: Այնտեղից անցաւ Բեթէլ և Տիրոջ համար սեղան պատրաստեց: Նրանք փոքր ևս առաջ



գնացին: Բեթղեհէմ քաղաքում Հոաբէլը մեռաւ: Յակովբը թաղեց նրան և վրան մի արձան կանգնեցրեց:

Յակովբն եկաւ Իսահակի մօտ, որ բնակւում էր Մամբրէում՝ ոչ հեռի Քերրոնից: Իսահակը ծերացել էր. նա մեռաւ հարիւր և ութսուն տարեկան հասակում: Եսաւն ու Յակովբը թաղեցին Իսահակին Աբրահամի գնած Կրկին-Այրի մէջ:



Գ. ՅՈՎՍԷՓ

21. ԵՂԲԱՅՐՆԵՐԸ ՎՍՃԱՌՈՒՄ ԵՆ ՅՈՎՍԷՓԻՆ

Ա. ակովբը տասն և երկու որդի ունէր: Նրանց անուններն են—1. Ռուբէն, 2. Շմաւոն, 3. Ղևի, 4. Յուդա, 5. Իսաքար, 6. Չաբուղոն, 7. Դան, 8. Նեփթաղիմ, 9, Գաթ, 10. Ասեր, 11. Յովսէփ և 12. Բենիամին: Յովսէփը և Բենիամինը Հոաքէլիցն էին ծնած: Յովսէփը տասըն եօթը տարեկան էր, երբ եղբայրների հետ ոչխարներ էր արածացնում: Նա պատմում էր հօրն այն սխալ բաները, որ եղբայրները գործում էին: Յակովբը Յովսէփին բոլոր որդկերանցից աւելի էր սիրում—նրա համար ծաղկեայ պատմութեան կարել տուաւ: Այս բանի վրայ եղբայրներն սկսեցին նախանձել:

Յովսէփը մի անգամ երազ տեսաւ ու պատմեց եղբայրներին: Նա ասաց. «Մենք դաշտում խուրձ էինք կապում, իմ կապածները ուղիղ կանգնեցին, իսկ ձերը՝ երկրպագութիւն էին տա-

լիս իմ խուրձերին»: Եղբայրները պատասխանեցին. «Միթէ կամենում ես թագաւոր լինել մեզ վրայ»: Եղբայրներն աւելի սկսեցին ատել Յովսէփին: Նա մի երկրորդ երազ ևս պատմեց եղբայրներին: «Ես տեսայ երազում, որ արևը, լուսինը և տասն ու մի աստղ ինձ երկրպագութիւն



էին տալիս»: Այս բանի վրայ հայրը բարկացաւ և ասաց. «Այդ ինչ երազ է, միթէ ես, մայրդ, եղբայրներդ պէտք է քեզ երկրպագութիւն տանք»: Եղբայրների ատելութիւնն աւելի զօրացաւ:


Բ. Յովսէփի եղբայրները Սիւքէմ հովտում արածացնում էին իրանց հօր խաշները: Մի օր Յակովբն ասաց Յովսէփին, «Գնա՛ եղբայրներդ

մօտ, իմացիր, թէ ինչպէս է նրանց առողջութիւնը և ինձ մի համբաւ բեր»։ Յովսէփը զնաց։ Եղբայրները հեռուից տեսան նրան, սկսեցին ծաղրել ու ասել. «Ահա երազատեսը գալիս է, եկէք սպանենք նրան և ասենք մեր հօրը, թէ չար գա-



զանները պատառել են, տեսնենք ի՞նչ կլինի նրա երազները»։ Մեծ եղբայր Ռուբէնը ասաց. «Մի սպանէք, այլ ձգեցէք այս անապատի անջուր փոսերից մինի մէջ»։ Նրա միտքն այն էր, որ Յովսէփին ծածուկ ագատէ և հօրը տանէ։ Երբ երազատեսը եղբայրների մօտ եկաւ, հանեցին

նրա ծաղկեայ պատմութեանը՝ ձգեցին անջուր փոսի մէջ և հացի նստեցին։



Այդ միջոցին մի խումբ իոմայէլացի վաճառականներ էին գալիս իրանց ուղտերով։ Նրանք

գնում էին Եղիպտոս: Յուդան խօսեց եղբայրներին հետ ու ասաց. «Մեզ ի՞նչ շահ սրա սպանելուց—եկէք ծախենք այս վաճառականներին»: Այս մտքին ամենքն էլ հաւանեցին: Յովսէփին դուրս հանեցին փոսից և քսան դահեկանով ծախեցին: Ռուբէնն այդտեղ չէր, եղբայրներից ծածուկ գնացել էր, որ Յովսէփին փոսից հանէ և հօրն ուղարկէ: Բայց երբ փոսի մօտ եկաւ ու Յովսէփին այնտեղ չգտաւ, պատառեց շորերը, եկաւ եղբայրների մօտ և ասաց. «Պատանին փոսի մէջ չէ»: Եղելութիւնը պատմեցին:

Ետոյ եղբայրները մի ուլ մորթեցին, Յովսէփի շորերը արիւնի մէջ թաթախեցին ու հօրն ուղարկեցին ասելով. «Այս միայն գտանք, տես, սա է քո որդու պատմութեանը թէ ոչ»:

Յակովբը պատառեց իւր շորերն ու երկար ժամանակ սուգ էր անում: Որդիները մխիթարում էին հօրը, բայց նա ասում էր. «Այս ցաւովն էլ պէտք է գերեզման իջնեմ իմ որդու մօտ»:

22. Յ Ո Վ Ս Է Փ Ը Պ Է Տ Ա Փ Ր Է Ս Ի Տ Ա Ն Ը

Վաճառականները Յովսէփին տարան Եգիպտոս և վաճառեցին Փարաւոնի դահճապետ Պետափրէսի վրայ: Աստուած Յովսէփին սիրում էր—ինչ որ անում էր, յաջողում էր նրան, այն-

պէս որ շուտով Պետափրէսի սիրելին դարձաւ: Նա իւր տան ամբողջ կառավարութիւնը նրան յանձնեց: Աստուած օրհնեց Եգիպտացու տունը Յովսէփի պատճառով:

Մի քանի ժամանակից ետոյ Յովսէփի և Պետափրէսի կնոջ մէջ անհամաձայնութիւն պատահեց. կինը գանգատուեց մարդուն և նա էլ հրամայեց նրան բանտ նստեցնել՝ առանց քննելու.

23. Յ Ո Վ Ս Է Փ Ի Բ Ա Ր Ձ Ր Ա Ն Ա Լ Ը

Ա. Աստուած անմեղ Յովսէփին պաշտպանում էր—բանտապետին այնպիսի միտք տուաւ, որ նրան սիրէ: Սա բոլոր յանցաւորներին և բանտը Յովսէփին էր յանձնել:

Մի քանի ժամանակից ետոյ թագաւորի տակաւնապետը և մատակարարոյ յանցանք գործեցին իրանց տիրոջ դէմ: Թագաւորը երկուսի վրայ ևս բարկացաւ և բանտ ուղարկեց: Մի գիշեր երկուսն էլ երազ տեսան: Առաւօտը Յովսէփը նըրանց մօտ եկաւ, շատ տխուր գտաւ ու հարցրեց. «Ի՞նչ է ձեր տխրութեան պատճառը»: Նըրանք պատասխանեցին. «Երազ ենք տեսել, մեկնող չկայ»: Յովսէփն ասաց. «Իսկ Աստուած գործն է, բայց և այնպէս ինձ էլ պատմեցէք»:

Տակաւնապետը առաջինն սկսաւ պատմել երազը. «Ես տեսայ մի որթ, նրա վրայ երեք հա-

սած ողկոյց կար: Փարաւոնի բաժակը ձեռիս էր, ողկոյզի հատիկները ճմլում էի բաժակիս մէջ և թագաւորին էի տալիս»: Յովսէփը պատասխանեց. «Քո երազի մեկնութիւնն այս է—երեք ողկոյզը երեք օր է նշանակում, որից ետոյ թագաւորը պաշտօնդ քեզ կղարձնէ: Երբ քո գործը յաջող անցնի, չմոռանաս ինձ - խնդրիր թագաւորին, որ ինձ ազատեն, ես յանցանք չունեմ, իզուր տեղը բանտ են ձգել ինձ»:

Մատակարարը, երբ տեսաւ, որ Յովսէփը ընկերոջ երազին լաւ մեկնութիւն տուաւ, սիրտ առաւ, սկսաւ ինքն էլ պատմել. «Ես էլ տեսայ երազումս երեք խան գլխիս դրած. վերին խանի մէջ հացագործի պատրաստած՝ թագաւորի սիրած կերակուրներն էին: Այս վերջին խանի կերակուրներից գալիս և ուտում էին թռչունները»: Քո երազի մեկնութիւնն էլ այս է—երեք խանը երեք օր է նշանակում. երեք օրից ետոյ Փարաւոնը գլուխդ կտրել կտայ. մարմինդ փայտից կկախէ. թռչունները կգան և կուտեն դիակդ»:

Իսկ երեք օր այդ բանից ետոյ՝ թագաւորի ծննդեան տօնն էր: Թագաւորն ուրախութեան մէջ յիշեց տակառապետին և մատակարարին ևս — առաջինին իւր պաշտօնը յանձնեց, իսկ երկրորդին՝ փայտից կախել տուաւ: Տակառապետը ուրախութիւնից՝ մոռացաւ Յովսէփին:

Ք. Երկու տարուց ետոյ Փարաւոնը մի երազ

տեսաւ, որպէս թէ ինքը կանգնած է նեղոս գետի ափին, որտեղից դուրս եկան Եօթը գեղեցիկ եւ գեր երինջ ու սկսեցին դաշտի վրայ արածել: Մրանից ետոյ Եօթը տգեղ ու լղար երինջ դուրս եկան և կուլ տուին առաջին Եօթը գեղեցիկ ու գեր երինջներին: Փարաւոնը զարթեց ու նորից քնեց:

Երկրորդ անգամ երազ տեսաւ, որպէս թէ մի փնջից Եօթը գեղեցիկ ու ընտիր հասկ դուրս եկան: Ետոյ տեսաւ Եօթը ժանգոտած ու լղար հասկ դուրս եկան և նախկին Եօթը գեղեցիկ, ընտիր հասկերին կուլ տուին. Փարաւոնը զարթեց, կանչել տուաւ Եգիպտոսի երազահաններին և պատմեց նրանց, բայց ոչ ոք չկարողացաւ մեկնել:

Այն ժամանակ տակառապետն ասաց. «Այսօր յիշեցի իմ յանցանքը—երբ թագաւորն ինձ և մատակարարին բանտարկել տուաւ, զիշերը երկուսս էլ երազ տեսանք: Մեզ մօտ մի երբայեցի տղայ եկաւ. մեր երազները մեկնեց և ինչպէս մեկնեց, այնպէս էլ կատարուեց—ես իմ պաշտօնն ստացայ, իսկ մատակարարը փայտից կախուեց»:

Թագաւորը հրամայեց բանտից դուրս բերել Յովսէփին և իրան ներկայացնել: Թագաւորն ասաց. «Ես երազ եմ տեսել, ոչ ոք չէ կարողանում մեկնել. ինձ պատմեցին՝ որ դու կարող ես մեկնել»: Յովսէփը պատասխանեց. «Տէր արքայ,

ինքս ոչինչ չեմ կարող, այդ Աստուծո՛ւ գործն է»:

Փարաւոնը պատմեց Յովսէփին իւր երազները: Յովսէփը պատասխանեց. «Երկու երազն էլ միևնոյն նշանակութիւնն ունեն: Եօթը տարի Եգիպտոսում առատութիւն կլինի, իսկ եօթը տարի՝ սով Առատութեան տարիները կանցնեն,



սովի տարիներում մարդիկ կկերակրուեն առատութեան տարիների բերքերով: Ուրեմն, թագաւոր, պէտք է մի խելօք մարդ գտնես և Եգիպտոսի կառավարիչ նշանակես, որպէսզի առատութեան եօթի տարիներում կերակրի պաշար հաւաքէ եօթը սովի տարիների համար»:

Փարաւոնն ասաց Յովսէփին. «Էլ ո՛վ պէտք է լինի քեզնից խելօքն ու իմաստունը—ամբողջ Եգիպտոսը քեզ եմ յանձնում՝ միայն ես քեզնից մեծ կյիշուեմ»:

Սրանից ետոյ Փարաւոնը պատուիրեց, որ Յովսէփին իւր կառքով քաղաքի մէջ շրջել տան: Ամենքն էլ նրա առաջ ծունկ էին չոքում: Քուրմերի աղջիկներից մէկի հետ էլ ամուսնացրեց: Յովսէփը երկու որդի ունեցաւ, մինի անունը Եփրեմ, իսկ միւսինը՝ Մանասէ գրաւ:

Յովսէփը երեսուն տարեկան էր: Լիութեան եօթը տարիներում ժողովել տուաւ ցորենը Փարաւոնի շտեմարանների մէջ: Ժողոված ցորենը նման էր ծովի աւազին:

Անցան լիութեան և եկան սովի տարիները: Ժողովուրդն աղաղակում էր և հաց խնդրում թագաւորից: Փարաւոնը պատասխանում էր եգիպտացիներին. «Գնացէ՛ք Յովսէփի մօտ և ինչ որ կասէ ձեզ, այնպէս էլ արէ՛ք»: Յովսէփը բաց ասանել տուաւ շտեմարանները և ամեն տեղ ցորեն էր ծախում եգիպտացիներին: Հեռաւոր երկրներից ևս Եգիպտոս էին գալիս ցորեն գնելու:

24. ՅՈՎՍԷՓԻ ԵՂԲԱՅՐՆԵՐԸ ԳԱՆՄ ԵՆ Ե- ԳԻՊՏՈՍ

Ա. Սովը ընդարձակուելով՝ հասել էր Քա-

նան: Յակովբը կանչեց իւր որդիներին և ասաց. «Գնացէք Եգիպտոս ցորեն գնելու, որ սովից չմեռնենք»: Յովսէփի տասն եղբայրները Եգիպտոս եկան: Յակովբը Բենիամինին շուղարկեց միւսների հետ, որովհետեւ վախենում էր, թէ մի գուցէ փորձանք պատահէ նրան:

Յովսէփի եղբայրները Եգիպտոս եկան: Նրանք Յովսէփին չճանաչեցին. երկրպագութիւն տուին և գլուխները քաշ՝ նրա առաջ կանգնեցին: Յովսէփը ճանաչեց եղբայրներին և յիշեց իւր երազները: Նա իբրև օտարական ներկայացաւ, խիստ լեզուով խօսեց նրանց հետ և հարցրեց. «Ո՞ր տեղից էք գալիս»: Նրանք պատասխանեցին. «Քանանից, որ ցորեն գնենք»: Յովսէփն ասաց. «Դուք լրտեսներ էք, եկել էք իմանալու մեր երկրի վիճակը»: Նրանք ասացին. «Ո՛չ, տէր, քո ծառաները եկել են ցորեն գնելու. լրտեսներ չենք. մենք տասներկու եղբայր ենք՝ մի հօր որդի. կրտսեր եղբայրներս տանն է՝ հօր մօտ, իսկ միւսը՝ այլ ևս չկայ»: Յովսէփը կրկնեց. «Դուք լրտեսներ էք» և երեք օր բանտարկել տուաւ նրանց:

Երրորդ օրը Յովսէփն ասաց եղբայրներին. «Չեզնից մէկը բանտում կապուած կմնայ. իսկ միւսները ազատ էք: Վերադարձին ձեր կրտսեր եղբորն ինձ մօտ կբերէք, այն ժամանակ միայն կհաւատամ ձեզ»: Եղբայրներն սկսեցին մի-

մեանց նայել և ասել. «Այս բոլոր անբաղտութիւնը Յովսէփի պատճառովն է»:

Նրանք այնպէս էին կարծում, թէ Յովսէփն իրանց լեզուն չէ հասկանում, որովհետեւ թարգմանի բերանով էր խօսում: Յովսէփը երեւոր շուտուաւ և սկսաւ լալ: Ետոյ Շմաւոնին կապել տուաւ, հրամայեց տուրակները ցորենով լցնել և ծածուկ իւրաքանչիւրի ցորենի գինն էլ պարկի մէջ գնել:


Թ. Եղբայրները ցորենը բեռնեցին էշերին և հեռացան Եգիպտոսից: Ծանապարհին նրանցից մէկը՝ պարկի թուլացած բերանն ամրացնելիս՝ նկատեց, որ ցորենի գինը պարկի մէջն է դրած: Իսկոյն իմաց տուաւ եղբայրներին: Երկիւղից ամենքը զարհուրեցան և ասում էին իրար. «Այս քինչ փորձանք է, որ Աստուած մեր գլխին բերում է»:

Երբ տուն հասան՝ ամեն բան պատմեցին հօրը:

Պարկերի ցորենները թափելիս՝ իւրաքանչիւրը ցորենի գինը տուրակի մէջ գտաւ— ամենքն էլ զարհուրանքի մէջ էին: Հայրն ասաց. «Դուք ինձ անորդի արիք, Յովսէփը և Շմաւոնը չկան, հիմայ էլ Բենիամինին էք ուղում տանել: Չէ, նրան չեմ թող տայ, նա միայն է մնացել Հուսիսից, եթէ ճանապարհին մի վտանգ պատահէ, ես այլ ևս կենդանի չեմ մնայ»:


Պ. Սովը սաստկանում էր Քանանացւոց երկ-

րում: Բերած ցորենը վերջացաւ: Յակովբն ասաց որդիներին. «Էլի գնացէք Եգիպտոս ու կերակուր գնեցէք»: Յուգան պատասխանեց. «Այն երկրի իշխանը մեզ ասաց—եթէ ձեր կրտսեր եղբօրը հեաներդ չբերէք, երեսո շտեանէք: Թոյլ տուր, հայրիկ, Բենիամինին, որ նա էլ մեզ հետ գայ: Եթէ նրան մի բան պատահէ, ինձնից պահանջիր»:



Յակովբը պատասխանեց. «Ուրեմն այնպէս արէք, ինչպէս ուզում էք—միայն վեր առէք հեաներդ մեր երկրի ընտիր բերքերից և իշխանին ընծայ տարէք: Չմոռանաք ձեր պարկերում գրանուած փողը ևս ետ տանել. ուրիշ փող էլ առէք հեաներդ»: Եղբայրները ճանապարհ ընկան զէպի Եգիպտոս:

դ. Երբ Յովսէփը եղբայրներին և Բենիամինին տեսաւ, ասաց հազարապետին. «Տուն տանր



այս մարդկանց և հացի պատրաստութիւն տես, սրանք պէտք է ինձ մօտ ճաշեն»:

Յովսէփը տուն եկաւ, եղբայրներն ընծաները ձեռներին՝ երեսները վրայ ընկած՝ երկրպագութիւն տուին: Նա սիրով ողջունեց և հարցրեց. «Ի՞նչպէս է ձեր ծերունի հայրը»: Նրանք պատասխանեցին. «Մեր հայրը՝ քո ծառան ողջ և առողջ է» ու գլուխ տուին: Յովսէփը նայեց ամենին, ճանաչեց Բենիամինին և ասաց. «Կարծեմ սօ պէտք է լինի ձեր կրտսեր եղբայրը»: Յովսէփը հեռացաւ իւր սենեակը ու սկսեց լաց լինել: Ետոյ երեսը լուաց. դուրս եկաւ և տատուիբեց՝ հաց բերեն: Ամեն մէկի համար առանձին առանձին ճաշ բերին:

Յովսէփի եղբայրներին իրանց տարիքի համաձայն նստացրին՝ առաջ մեծերին, ետոյ՝ կարգով փոքրերին և սկսեցին կերակուր բաժանել: Բենիամինի բաժինը հինգ անգամ աւելի էր լցրած: Այս բանի վրայ ևս եղբայրները շատ զարմացան:

25. ՅՈՎՍԷՓԸ ՅԱՅՏՆԻՈՒՄ Է ԵՂԲԱՅՐՆԵՐԻՆ

Ա. Յովսէփը ծածուկ հրամայեց հազարապետին և ասաց. «Իրանց պարկերը ցորենով լցնել տո՛ւր և իւրաքանչիւրի փոզն էլ իրա պարկի մէջ դիր, իսկ իմ սկիհը՝ կրտսեր եղբօր պարկում»: Հազարապետը կատարեց Յովսէփի հրամանը: Հետևեալ օրը եղբայրները ճանապարհ ընկան: Դեռ քաղաքից նոր էին դուրս եկել, որ Յովսէփը

փր հազարապետին կանչեց ու ասաց. «Հասիր այն մարդկանցն ու ասա՛—ինչո՞ւ իմ տիրոջ սկիհը գողացաք»:

Հազարապետը հասաւ նրանց և այնպէս էլ ասաց: Եղբայրները սարսափած պատասխանեցին. «Աստուած մի՛ արասցէ, որ մենք այդպիսի բան արած լինենք: Ում մօտ սկիհը գտնուի, թող նա մեռնի, իսկ միւսները քո տիրոջ ծառաները լինեն»: Նա պատասխանեց. «Ո՛չ, ում մօտ սկիհը գտնուի, թող նա լինի իմ տիրոջ ծառան, իսկ միւսները ազատ էք»:

Շտապով վեր բերին պարկերը: Հազարապետը նայեց՝ մեծից մինչև փոքրն ու վերջը Բենիամինի պարկի մէջ գտաւ սկիհը: Եղբայրները սկսեցին իրանց շորերը պատառել—ամեն մէկը իւր էջը բեռնեց ու նորից վերազարձան Եգիպտոս:

Բ. Յուդան իւր եղբայրների հետ դարձաւ Յովսէփի մօտ: Յովսէփն ասաց. «Այդ ի՞նչ արիք»: Յուդան պատասխանեց. «Ինչ պատասխանենք կամ ինչպէս արդարանանք. ահա այստեղ ենք ամենքս և նա, որի մօտ սկիհը գտնուեց—մենք բոլորս էլ քո ծառաներն ենք»:


Յովսէփը պատասխանեց. «Այդպիսի բան ես չեմ անի, որի մօտ սկիհը գտնուել է, նա միայն կլինի իմ ծառան, իսկ միւսներն ազատ են»:

Այն ժամանակ Յուդան մօտեցաւ նրան և ասաց. «Տէր, թո՛ղ տուր ծառայիդ քո առաջ մի խօսք ասելու: Մենք առաջ քեզ ասացինք, որ տանը ծերունի հայր և կրտսեր եղբայր ունենք և թէ մեր հայրը նրան շատ է սիրում: Գու մեզ պատասխանեցիր, եթէ ձեր կրտսեր եղբորը ինձ չբերէք, երես չտեսնէք: Մենք մեր հօրը հարցրինք և կամենում էինք մեր կրտսեր եղբորը ևս բերել: Բայց նա ասաց մեզ—գիտէք որ Հռաքելից երկու որդի ունեմ—մինից զրկուեցի, հիմա էլ սրան էք ուզում տանել: Եթէ ճանապարհին մի անբաղտութիւն պատահէ, ես էլ չեմ ապրի: Ես՝ քո ծառան երաշխաւոր եղայ հօրս: Դրա համար էլ ինձ ընդունիր մանկան փոխարէն, որպէս ծառայ, իսկ նա թո՛ղ եղբայրների հետ հօր մօտ դառնայ—ինչպէս տեսնեմ ես այն սրանեղութիւնը, երբ ծերունի հայրս Բենիամինին մեզ հետ չտեսնէ»:

Յովսէփն էլ չկարողացաւ իրան պահել, հրամայեց բոլոր եգիպտացիներին դուրս գնալ. սկըսաւ բարձր ձայնով լաց լինել և ասել եղբայրներին. «Ես Յովսէփն եմ»: Եղբայրները վախից չգիտէին, թէ ինչ պատասխանեն նրան, իսկ Յովսէփը շարունակեց. «Մօտ եկէք. ես Յովսէփն եմ՝ ձեր եղբայրը. մի վախէք. տուն դարձէք և ասացէք հօրս, որ Աստուած ինձ ամբողջ Եգիպտոսի տէր է դարձրել—թո՛ղ շուտով ինձ մօտ գայ:

Նա Գեսեմ երկրում կրնակի: Պատմեցէք հօրս՝ ինչ որ տեսաք»:

Նա ընկաւ Բենիամինի վզովն ու լաց եղաւ: Յովսէփը համբուրեց բոլոր եղբայրներին և շարունակ լաց էր լինում:



Գ. Երբ Փարաւոնն իմացաւ, որ Յովսէփի եղբայրներն եկել են, շատ ուրախացաւ: Նա Յովսէփի բերանով յայտնեց եղբայրներին, որ շտապեն Քանան, հօրը Եգիպտոս բերեն և շատ բարութիւններ խոստացաւ:

Յովսէփը կառքեր տուաւ, նմանապէս ճանա-

պարհի պաշար: Բացի դրանից հօր համար տասն էշ ուղարկեց՝ բարձած Եգիպտոսի բարիքներով, նոյնպէս տասը շորի ցորենով:

Եղբայրները հեռացան Եգիպտոսից. եկան Քանան և պատմեցին հօրն իրանց գլխովն անցածը: Յակովբը չէր հաւատում, բայց երբ կորած որդու ուղարկած կառքերը տեսաւ, սթափուեցաւ ու ասաց. «Մի՞թէ իմ Յովսէփը կենդանի է, շտապեմ նրան տեսնել՝ քանի որ չեմ մեռել»:

26. ՅԱԿՈՎԸԲԸ Ե ԳԻՊՏՈՍՈՒՄ

Ա. Յակովբը տեղափոխուեց Եգիպտոս 66 հոգով: Երբ Եգիպտոսի և Քանանի սահմանի մօտ գտնուող Բնրսաբէ քաղաքը հասաւ, Աստուած ասաց նրան տեսիլքում. «Ես քո հօր ամենակարող Աստուածն եմ. մի վախենար. զնա Եգիպտոս. այնտեղ քեզ մեծ ազգ կդարձնեմ — ես քեզ հետ եմ գալիս»:

Այս խօսքերից ետոյ Յակովբը հեռացաւ Բերսաբէից: Նա Յուդային առաջուց Յովսէփի մօտ ուղարկեց՝ իր գալուստը յայանելու: Յովսէփն այս լուրն առնելուն պէս՝ իսկոյն լծել տուաւ կառքը և եկաւ հօրն ընդունելու: Երբ Յովսէփը հօրը տեսաւ, վզովն ընկաւ ու երկար ժամանակ լաց էր լինում: Յակովբն ասաց. «Հիմա հանգիստ կմեռնեմ՝ քեզ տեսնելուց ետոյ»: Սրանից

ետոյ Յովսէփն ասաց. «Ես շտապում եմ Փարաւոնին իմաց տալու ձեր գալուստը»:

Ք. Յովսէփն եկաւ Փարաւոնի մօտ և ասաց. «Իմ հայրն ու եղբայրներն եկել են Քանանից ու Գեսեմումն են, թոյլ տո՛ւր զնամ նրանց ընդունելու»:



Փարաւոնն ասաց Յովսէփին. «Քո հօր և եղբայրների համար իմ երկրի ամենալաւ տեղն ընտրիր — բնակեցրո՛ւ նրանց Գեսեմում: Եթէ նրանց մէջ քաջ մարդիկ կան, նշանակիր խաշներին վրայ վերակացու»:

Յովսէփն ընդունեց հօրը և ներկայացրեց թագաւորին: Փարաւոնը հարցրեց Յակովբին. «Քանի տարեկան ես»: Յակովբը պատասխանեց. «Թէև ես 130 տարեկան եմ, բայց կեանքումս մի լաւ օր չեմ տեսել»: Յակովբն օրհնեց թագաւորին և հեռացաւ:

Յովսէփը հօրն ու եղբայրներին բնակեցրեց Գեսեմում:

Պ. Յակովբը իւր ընտանիքի հետ 17 տարի բնակուեց Գեսեմ երկրում: Երբ մահուան օրերը մօտեցան, կանչեց Յովսէփին և ասաց. «Իմ մարմինը կտանես Քանան և կթաղես պապերիս մօտ՝ Կրկին-Այրում»: Յովսէփը պատասխանեց. «Այնպէս կանեմ, ինչպէս քո կամքն է»:

Սրանից ետոյ նորից իմաց տուին Յովսէփին, որ հայրը հիւանդ է: Յովսէփն իսկոյն վեր առաւ իւր որդիներին՝ Եփրեմին և Մանասէին ու զնաց հօր մօտ: Յակովբը ոյժ ստացաւ. տեղից վեր կացաւ. նստեց անկողնի մէջ և ասաց Յովսէփին. «Քո երկու որդիներն էլ՝ Եփրեմն ու Մանասէն իմն են, ինչպէս Ռուբէնն ու Շմաւոնը»: Նա որդեգրեց թոռներին. ձեռները զլիններին դրաւ օրհնեց և ասաց. «Իմ հայրերի Աստուածը թող օրհնէ այս մանուկներին, որպէսզի սրանք աճեն և բազմանան երկրիս վրայ»:

Ետոյ Յովսէփի հետ խօսեց՝ մարգարէացաւ ու ասաց. «Ահն ես մեռնում եմ, բայց Աստուած

մի օր նորից ձեր հայրերի երկիրը կդարձնէ ձեզ»:



Սրանից ետոյ Յակովբը կանչեց միւս որդիները:

ըին, օրհնեց իւրաքանչիւրին առանձին-առանձին
և ասաց. «Ինձ կթաղէք Քանանացոց երկրում,
Կրկին-Այրի մէջ»: Երբ իւր պատուէրը վերջաց-
րեց, խփեց աչքերը և բաժանուեց ամենից:
Յովսէփն ընկաւ հօր վրայ և լաց էր լինում: Ե-
զիպտացիները նոյնպէս սգում էին Յակովբի մա-
հը եօթանասուն օր շարունակ:

Երբ սգի օրերն անցան, Յովսէփն ասաց Փա-
րաւոնին. «Հայրս ինձ խնդրել է, որ նրան Քա-
նանում թաղեմ. ես գնում եմ. թաղելուց ետոյ՝
կվերադառնամ»: Փարաւոնն ասաց. «Գնա և թա-
ղիր քո հօրը»:

Յովսէփը մեծ բազմութիւնով ճանապարհ ըն-
կաւ»: Իիակը տարան Քանան և թաղեցին Կըր-
կին-Այրի մէջ: Սրանից ետոյ ամենքն էլ եզիպ-
տոս վերադարձան:


27. Յ Ո Վ Ս Է Փ Ի Մ Ա Հ Ը

Ա. Յակովբի մահուանից ետոյ Յովսէփի եղ-
բայրները վախենում էին նրանք ասում էին.
«Յովսէփը մեր դէմ ոխ կունենայ»: Սրա համար
եկան նրա մօտ և ասացին. «Ներիր մեր յան-
ցանքը»: Այս բանի վրայ Յովսէփն սկսեց լաց
լինել և ասել. «Մի վախենաք, դուք իմ մասին
չար մտածեցիք, իսկ Աստուած՝ բարի: Մի վա-

խենաք, ես ձեզ էլ և ձեր որդիներին էլ կկե-
րակրեմ»:

Ք. Երբ Յովսէփը 110 տարեկան դարձաւ, ա-
սաց եղբայրներին. «Ահա ես մեռնում եմ, Աս-
տուած ձեզ մի օր պէտք է հանէ այս երկրից
ու տանէ Քանան: Երբ դուք տեղափոխուէք,
չմոռանաք իմ ոսկորներն էլ ձեզ հետ տա-
նելու»:

Այսպէս մեռաւ Յովսէփը: Նրան զմուսեցին և
թաղեցին Եզիպտոսում:





Գ. ԻՍՐԱՅԷԼԱՅԻՈՅ ԱԶԳԻ ՊԱՏՄՈՒԹԻՒՆԸ

Ա. ՄՈՂՍԷՍ

28. ԻՍՐԱՅԷԼԻ ՆԵՂՈՒԹԻՒՆՆԵՐԸ ԵԳԻՊՏՈՍՈՒՄ




Ուսեփը մեռել էր: Մեռել էին նրա բոլոր եղբայրները: Անցել էր 430 տարի, բայց նրանց ժառանգներն այնքան էին բազմացել, որ երկիրը լցուցուցել էր: Այդ ժամանակ Եգիպտոսում նոր Փարաոն էր իշխում, որը Յոսեփի մոռացել էր:



Փարաոն

Նա ասաց եգիպտացիներին. «Իսրայելացիները չափից դուրս բազմացել են, եթէ մի պատերազմ պատահէ, կարող են թշնամու հետ միանալ ու



մեր դէմ պատերազմել, ուստի պէտք է նրանց ոչնչացնել»:

Սրա համար թագաւորը վերակացուններ նշանակեց, որ շարշարեն նրանց: Եւ նրանք անգուլթ

կերպով ստիպում էին իսրայելացիներին աշխատելու թէ աղիւսի գործարաններում և թէ դաշտերում—Փարաւոնի համար ձրի՝ ամուր քաղաքներ և շտեմարաններ պէտք է շինէին: Բայց որքան եգիպտացիները չարչարում էին իսրայելացիներին, այնքան նրանք աճում և բազմանում էին: Փարաւոնը տեսաւ, որ այս միջոցով իւր նպատակին չէ հասնում, հրամայեց երբայեցիների նորածին արու գաւակներին ջուրը ձգեն, իսկ աղջիկներին՝ խնայեն:

29. ՄՈՎՍԷՍԻ ԾՆՈՒՆԴԸ ԵՒ ԱԶՍՏՈՒԹԻՒՆԸ

Ղևի ցեղից մէկը՝ Ղեւի անունով մի մարդու աղջկայ հետ ամուսնացաւ և նրանից մի գեղեցիկ արու գաւակ ունեցաւ: Մայրը երեք ամիս ծածուկ էր պահում: Երբ այլ ևս անկարող եղաւ թաք կացնել, եղեգնից մի զամբիւղ հիւսեց. կպրածիւթով ձեփեց. տղային նրա մէջը դրաւ և Նեղոսի եղեգնուտ ափը թողեց: Մանկան քոյրը հեռուից դիտում էր՝ տեսնելու թէ եղբօրն ինչ կպատահէ:

Փարաւոնի աղջիկը Նեղոսի ափն իջաւ լողանալու: Նաժիշտները գետի ափում շրջում էին: Թագաւորի աղջիկը հեռուից նկատեց զամբիւղը, նաժիշտներից մէկին ուղարկեց, որ բռնէ: Հրամանը կատարուեց, զամբիւղն իրան բերին, բաց

արեց ու տեսաւ, որ մէջը մի մանուկ լաց էր լինում: Թագաւորի դուստրը զթաշարժուեց և ասաց. «Սա երբայեցի մանուկներից պիտի լինի»:
Մանուկի քոյրը մօտեցաւ և ասաց Փարաւոնի



աղջկան. «Արդեօք չես կամենայ մի երբայեցի ծծամայր կանչեմ, որ մանկանը կերակրէ»: Փարաւոնի աղջիկն ասաց. «Գնա՛ և կանչիր»:

Աղջիկը շտապեց հարազատ մօրը կանչելու: Մայրն եկաւ: Փարաւոնի աղջիկն ասաց. «Տա՛ր այս մանուկը քեզ մօտ, մեծացրո՛ւ, ես քո վարձը կվճարեմ»: Մայրն առաւ մանկանը և պահում էր: Երբ մեծացաւ, թագաւորի աղջկայ

մօտ բերաւ: Իշխանուհին որդեգրեց նրան և անուանեց Մովսէս, որ նշանակում է ջրից հանած: Մովսէսն ուսաւ եգիպտոսում այն բոլոր գիտութիւնները, որոնք յայտնի էին այն ժամանակ և դարձաւ մի իմաստուն մարդ:

30. Մ Ո Վ Ս Է Ս Ի Փ Ա Խ Ո Ի Ս Տ Ը

Երբ Մովսէսը չափահաս դարձաւ, գնաց իսրայէլացիների մօտ նրանց շարժարանները տեսնելու: Մի անգամ նկատեց, որ վերակացուն մի իսրայէլացու ծեծում էր: Նայեց իւր շուրջը և երբ ոչ ոքի չտեսաւ, սպանեց եգիպտացուն և թաղեց աւազի մէջ:

Միւս անգամ ևս դուրս գնաց և տեսաւ, որ երկու իսրայէլացիներ են միմեանց հետ կրուում: Մովսէսը դարձաւ յանցաւորին ու ասաց. «Ի՞նչու ես քո ընկերին ծեծում»: Նա պատասխանեց. «Քեզ ո՞վ նշանակեց մեզ վրայ դատաւոր, չլինի՞ ինձ էլ այն եգիպտացու նման ուզում ես սպանել»: Մովսէսը զարհուրեց, երբ իմացաւ՝ իւր սպանութեան յայտնի լինելը: Այս բանը փարաւոնի ահանջին հասաւ: Նա կամենում էր Մովսէսին սպանել, բայց սա փախաւ Մադիամացոց երկիրը:

Մադիամի քուրմը եօթն աղջիկ ունէր: Նրանք եկան ջրհորի մօտ՝ խաշները ջրելու համար: Ու-

րիշ հովիւներ ևս եկան և աղջիկներից խլեցին ջրի հերթը: Մովսէսը տեղից վեր կացաւ, օգնեց աղջիկներին և խաշներին խմացրեց:

Երբ աղջիկները տուն դարձան, հայրը հարցրեց. «Ի՞նչու այսօր վաղ եկաք»: Նրաք պա-



տասխանեցին. «Մի եգիպտացի օգնեց մեզ, ջուր հանեց և մեր ոչխարներին խմացրեց»: Եռօրոն ասաց. «Ո՞րտեղ է այն մարդը, ի՞նչու նրան հացի չկանչեցիք»: Մովսէսին տուն հրաւիրեցին: Յոթօրը յանձնեց նրան իւր ոչխարները, որ արածացնէ և վերջը իւր Սեպուփրա աղվայ հետ էլ ամուսնացրեց:

31. ԱՍՏՈՒԱԾ ԿԱՆՉՈՒՄ Է ՄՈՎՍԷՍԻՆ

Մովսէսն անապատում արածացնում էր Յոթորի խաչները: Մի անգամ մօտեցաւ Քորնը լեռանը և տեսաւ, որ մի մորենի վառվում էր, ըայց չէր այրվում: Մովսէսը մօտեցաւ իմանալու, թէ սա ինչ բան է: Իսկոյն թփի միջից ձայն եկաւ. «Մովսէս, Մովսէս»: Նա պատասխանեց. «Ի՞նչ է, Տէր»: Չայնը կրկնեց. «Հան կօշիկներդ, այդ տեղը սուրբ է: Ես եմ Աբրահամի, Իսահակի և Յակովբի Աստուածը: Ես տեսայ իմ ժողովրդի նեղութիւնները Եգիպտոսում, ես կամենում եմ նրան Քանան տանել, ուր մեղր և կաթն է բոխում: Գնա Եգիպտոս փարաւոնի մօտ և ասա, որ իմ ժողովուրդն ազատէ»: Մովսէսն ասաց Աստծուն. «Եթէ ես իսրայէլացիների մօտ գնամ և ասեմ, թէ ձեր հայրերի Աստուած Եհովան ինձ ուղարկել է, չեն հաւատայ»: Աստուած ասաց. «Չեո՞ղ գաւազանը գետին ձգիր»: Նա էլ ձգեց և գաւազանն օձ դարձաւ: Մովսէսը վախեց ու փախաւ: Աստուած ասաց. «Բռնիր օձին»: Նա բռնեց և օձն իսկոյն գաւազան դարձաւ: Աստուած շարունակեց. «Չեո՞ղ ծոցդ դիր»: Գրաւ, բայց դուրս հանելիս՝ տեսաւ, որ բորոտուել է՝ սպիտակ ինչպէս ձիւն: Աստուած ասաց նրան. «Չեո՞ղ նորից ծոցդ դիր»: Նա էլ կատարեց և տեսաւ, որ միւս ձեռի նման ա-

սող է: Աստուած ասաց. «Եթէ այս երկու-



հրաշքներին չեն հաւատայ. Նեղութից ջուր կա-

նես, կարսկես գետնի վրայ—գետի ջուրն իսկոյն արինն կդառնայ»:


Մովսէսն ասաց Աստծուն. «Տէր, ես ծանրալեզու եմ»: Աստուած ասաց. «Քո ձարտարախօս եղբայր Ահարոնը քեզ հետ կգայ, քո փոխարէն ժողովրդի հետ նա կխօսէ»:

Այս բանից ետոյ Մովսէսը Յոթորի մօտ գնաց և ասաց. «Ուզում եմ եզրիպտոս դառնալ և տեսնել, թէ իմ եղբայր իսրայէլացիները կենդանի են թէ ոչ»: Յոթորն էլ ասաց Մովսէսին. «Գնա խաղաղութեամբ»: Մովսէսն անապատում հանդիպեց Ահարոնին և յայտնեց նրան Աստծու կամքը: Մովսէսը տեղեկացաւ, որ հին փարաւոնն արդէն մեռել է: Երկու եղբայրները գնացին և իսրայէլի ժողովրդի ծերերին մի տեղ հաւաքեցին: Ահարոնը յայտնեց նրանց Աստծու կամքը, իսկ Մովսէսը ցոյց տուաւ հրաշքները ժողովրդի առաջ: Երբ ծերերն իմացան, որ Աստուած ուզում է իրանց ազատել, սկսեցին աղօթել և շնորհակալութիւն անել:

32. Ե Գ Ի Պ Տ Ո Ս Ի Յ Դ Ո Ի Ր Ս Գ Ա Լ Ը

Իսրայէլացիների համաձայնութիւնն առնուլուց ետոյ՝ Մովսէսն ու Ահարոնը գնացին փարաւոնի մօտ և ասացին. «Իսրայէլի Աստուածն ասում է—արձակի՛ր իմ ժողովրդին» և ցոյց

տուին հրաշքները: Փարաւոնը բարկացաւ և ասաց. «Այլ Աստծուն ես չեմ ճանաչում»:



Փարաւոնն իսկոյն հրամայեց վերակացուններին, որ ժողովրդին աւելի չարշարեն: Վերակա-

ցունները թագաւորի կամքը կատարեցին:


Իսրայէլացիները դանգատուեցին Մովսէսին, Ահարոնին և ասացին. «Աստուած ձեր դատաստանն անէ. դուք թագաւորին բարկացրիք մեզ վրայ»: Մովսէսն սկսեց խնդրել Աստծուն և ասել. «Տէր, ի՞նչու ես քո ժողովրդին չարչարում, այն օրից, երբ ես փարաւոնի մօտ գնացի, նրանց աւելի ես նեղացնում»: Աստուած ասաց Մովսէսին. «Այժմ դու կտեսնես, թէ ես Փարաւոնին ի՞նչ կանեմ»:

Սրանից ետոյ Աստուած մինը միւսի ետևից պատիժներ ուղարկեց եգիպտացիներին համար— գորտ, մուկ, կարկուտ, մորեխ..., միայն Գեսեմ երկիրն ազատ մնաց: Այն ժամանակ եգիպտացիներն ասացին. «Աստուած սրանց հետն է»: Հենց որ մի պատիժ գալիս էր, փարաւոնն ասում էր Մովսէսին և Ահարոնին. «Ժողովրդին կարձակեմ», իսկ երբ պատիժն անցնում էր, խօսքը փոխում էր:

Աստուած ասաց Մովսէսին. «Մի պատիժ էլ կուղարկեմ և Փարաւոնը կարձակէ ձեզ: Կէս գիշերին Նգիպտոսի բոլոր անդրանիկները կմեռնեն, իսկ իսրայէլացիներին ոչ ոք չի մնասուի»:

Աստուած շարունակեց խօսել Մովսէսի հետ. «Յայտնի՛ր ժողովրդին, որ այս ամիսը նրանց համար առաջին ամիսը (նիսան) պիտի լինի. այս ամսի տասն եւ չորսին ամեն տան տէր երեկո-

յեան պէտք է մի գառը մորթէ, ամբողջապէս խորովէ և իւր ընտանիքի հետ գիշերն ուտէ: Իրա հետ պէտք է ուտեն ըաղարջ հաց. Ընթրիքն այսպէս կանեն—գօտին կապած, կօշիկները հագած, գաւազանը ձեռին»: Այդպէս էլ արին:



Այդ միևնույն գիշերն Աստուած սպանեց Նգիպտոսի բոլոր անդրանիկներին: Փարաւոնը կանչեց Մովսէսին, Ահարոնին և ասաց. «Շտապեցէք, հեռացէք իմ երկրից»: Այսպէս իսրայէլացիները Նգիպտոսից գուրս եկան՝ թուով վեց հարիւր հազար՝ չհաշուելով կանանց և երեխաներին: Իս-

արաւ և ծովը միացաւ: Եգիպտացիներն սկսեցին փախչել, իսկ Ղուրը ծածկեց Փարաւոնի գորբին ոչ մէկն էլ կենդանի չմնաց:


Մովսէսի քոյր Մարիամը շատ խորայելացի կանանց հետ սկսեցին երգել և ասել. «Օրհնեցէք Աստուծոն, նա փառաւոր գործ կատարեց—Փարաւոնին պատժեց, Աստուած մեր օգնականն է»:

34. ԻՍՐԱՅԷԼԱՅԻՆԵՐՆ ԱՆՑՆՈՒՄ ԵՆ ԱՆՍՊԱՏՈՎ

Մովսէսը շարունակեց ճանապարհը կարմիր ծովից դէպի անապատ՝ երեք օր շարունակ: Վերջապէս հասան Մնուա, որտեղի Ղուրը դառն էր: Ժողովուրդը գանգատուեց Մովսէսին և ասաց. «Ի՞նչ պէտք է խմենք»: Մովսէսն աղօթեց Աստուծոն: Աստուած Մովսէսին մի փայտ ցոյց տուաւ, որը Ղուրը ձգեց և իսկոյն քաղցրացաւ:


Այդ տեղից խորայելացիները եկան Սին անապատը: Իսրայելացիները նորից գանգատուեցին Մովսէսին և Ահարոնին. «Նրանի մենք Եգիպտոսում մեռնէինք, այնտեղ կաթսաներով միս ունէինք և առատ հաց. դուք բերիք մեզ այս անապատ տեղը սովամահ անելու»: Աստուած ասաց Մովսէսին. «Նս երկնքից հաց կթափեմ նրանց համար. ժողովուրդը թող ամեն օր մի օրուայ պաշար ժողովէ, իսկ վեցերորդ օրը թող

երկու անգամ աւելի հաւաքէ»: Մովսէսն ու Ահարոնը յայտնեցին այս բանն խորայելացիներին և ասացին. «Երեկոյեան միս կուռենաք, իսկ ա-



ուաւօտեան՝ հաց»: Երեկոյեան դէմ եկան լորսմարգիները և ծածկեցին ամբողջ բանակը, իսկ առաւօտը գետինը պատած էր ցօղով: Երբ ցօղը

հեռանում էր, գետնի վրայ մնում էր կլոր և սպիտակ՝ եղեամի նման մի բան: Իսրայելացիները,



Մանանայի ծառ *

եղբ այս բանը տեսան, հարցնում էին իրար. «Այս ի՞նչ բան է»: Մովսէսն ասաց. «Սա Աստու-

* Արաբական թերակղզու վրայ, որտեղով Մովսէսը իսրայելացիներին Քանան պիտի տանէր, մի տեսակ թուփ կա՝ տամարիսի անունով: Արաբնի և Տիգրի վրայ կլոր, բրժոտ հատիկներ են գոյանում (ա.), (բ. նույնը մեծացրած), (գ. հատիկի ներքին մասը): Այդ հատիկները՝ արևի ջերմութիւնից հալւում և վազր են ծոթում (դ.): Այս կլոր, սպիտակ և բրժոտ հատիկները կոչւում են մանանայ:

ծու ուղարկած հացն է»: Իսրայելացիներն այս հացի անունը մանանայ դրին և առաւօտներն էին հաւաքում: Այսպէս նրանք միշտ մանանայ էին ուտում, քանի որ անապատումն էին:

35. Ս Ի Ն Ա Յ Ի Օ Ր Է Ն Ս Տ Ի Ո Ի Թ Ի Ի Ն Ը

Եգիպտոսից դուրս գալու երրորդ ամսում իսրայելացիները հասան Սինա լեւորը: Մովսէսը սարը բարձրացաւ: Աստուած ասաց նրան. «Իսրայելացիներին այսպէս կասես—դուք տեսաք, թէ ես եգիպտացիներին ի՞նչ արի. ինչպէս ձեզ ազատեցի. եթէ ինձ լսէք, ընտրեալ ժողովուրդս կլինէք բոլոր ազգերի մէջ: Գուք լսանանքի նման ուսուցիչ պիտի լինէք և բոլոր ազգերին քարոզէք իմ կամքը»: Մովսէսն իջաւ լեռնից և Աստծու կամքը յայտնեց նրանց, Բոլոր ժողովուրդն ի միասին պատասխանեց. «Աստծու բոլոր պահանջները կկատարենք»: Մովսէսը յայտնեց այս բանն Աստծուն: Աստուած ասաց նրան. «Եթէ այդպէս է, գնա՛ ժողովրդի մօտ և պատուիրիր, որ լուացուեն, մաքրուեն և երրորդ օրը մաքուր շորերով ինձ մօտ բեր»: Մովսէսն այդպէս էլ արաւ:

Վերջապէս հասաւ երրորդ օրը: Առաւօտը վաղ՝ լեռոն սկսաւ որոտալ և կայծակել. մութ ամպերը ծածկեցին սարի գլուխը և փողի ձայն էր

լւում: Մովսէսը ժողովրդին բանակից դուրս հանեց ու տարաւ սարի մօտ: Սինա լեռնն ամբողջապէս ծխի մէջ կորած էր. կրակի բոցեր էին բարձրանում և շարժւում էր—փողի ձայնը հետզհետէ սաստկանում էր:

Հէնց այդ ժամանակ Աստուած սկսաւ խօսել ժողովրդի հետ և ասել.

ա. 1. «Ես եմ՝ քո Տէր Աստուածը—բացի ինձնից ուրիշ Աստուած չունենաս,

բ. 2. Կուռք չշինես ու երկրպագութիւն չտաս նրան,

գ. 3. Բո Աստու անունով սուտ մի՛ նրդուիր,

դ. 4. Շարած օրը սուրջ պահի՛ր,

ե. 5. Պատուի՛ր քո հօրն ու մօրը, որ երկար կեանք ունենաս,

զ. 6. Մի՛ սպանիր,

է. 7. Մի՛ շնար,

ը. 8. Մի՛ գողանար,

թ. 9. Բո ընկերոջ մասին սուտ վկայութիւն մի՛ տուր,

ժ. 10. Մի՛ ցանկանար քո ընկերոջ աղախնին, ծառային, տանը, արտին, եզանը, էջին ևս ինչ որ նրանն է»:

Ժողովուրդը հեռացաւ, իսկ Մովսէսը նորից լեռը բարձրացաւ: Աստուած խօսում էր Մովսէսի հետ: Մովսէսը լեռնից վայր իջաւ և յայտնեց ժողովրդին Աստու բոլոր պատուէրները:

Մովսէսը դարձեալ բարձրացաւ լեռը և քառասուն օր այնտեղ մնաց: Երբ Աստուած իւր խօսակցութիւնը վերջացրեց Մովսէսի հետ Սինա լեռան վրայ, երկու քարէ տախտակներ տուաւ նրան, որի վրայ գրուած էին պատուիրանները, որպէսզի չմոռանան:




նա լեռան վրայ, երկու քարէ տախտակներ տուաւ նրան, որի վրայ գրուած էին պատուիրանները, որպէսզի չմոռանան:

36. Ո Ս Կ Է Հ Ո Ր Թ Ը


Երբ ժողովուրդը տեսաւ, որ Մովսէսն ուշացաւ, մի քանի խռովարար մարդիկ եկան Ահարոնի մօտ և ասացին. «Շինիր մեզ համար աս-

առաձներ, որոնք մեզ առաջնորդեն, Մովսէսը
չգիտենք, ինչ եղաւ»: Ահարոնը պատասխանեց-
«Բերէք ինձ ձեր կանանց և աղջիկների ոսկէ



գնդերը»: Նրանք էլ բերին: Ահարոնն այդ դար-
դերից մի ոսկէ հորթ ձուլեց: Նոր Աստուած ցան-
կացողները, երբ տեսան, որ իրանց գործը յա-

ջողեց, ժողովրդին ասացին. «Ահա ձեր Աստուա-
ծը»: Ահարոնն էլ սեղան շինեց և ասաց. «Վաղը
Աստուած տօնն է»: Առաւօտը վաղ՝ ժողովուրդը
ողջակէզ արաւ, սկսեց ուտել, խմել և պարել
ոսկէ հորթի շուրջը




Հէնց այդ ժամանակ Մովսէսն իջաւ լեռնից՝
ձեռին բռնած նրկու քարէ տախտակները: Երբ
բանակին մօտեցաւ, տեսաւ ոսկէ հորթը և պա-
րաւորներին, բարկացաւ, տախտակները ձեռից
վայր ձգեց և կոտրատեց: Ետոյ նրանց շինած
ոսկէ հորթն այրեց. փոշի դարձրեց. ջրի մէջ ա-
ծեց և իրանց խմացրեց: Ապա Ահարոնին դար-
ձաւ և ասաց. «Այս ժողովուրդը քեզ ինչ արեց,

որ այսպիսի յանցանքի մէջ ձգեցիր»: Ետոյ դարձաւ ժողովրդին ու ասաց. «Ճշմարիտ Աստծուն պաշտողները թող ինձ մօտ գան»: Աւիի բոլոր ցեղը նրա մօտ հաւաքուեց: Մովսէսն ասաց. «Հանէք ձեր սրերը, անցէք բանակի մի ծայրից միւսը և սպանեցէք կուռք պաշտողներին»: Աւիի որդիները կատարեցին Մովսէսի հրամանը: Այդ օրը երեք հազար մարդ սպանուեց:

Առաւօտը Մովսէսն ասաց ժողովրդին. «Ի՞նչ մեծ յանցանք էք գործել. ես լեւորը կբարձրանամ. Աստծուն կխնդրեմ, որ ձեր յանցանքը ներէ»: Մովսէսն ասաց Աստծուն. «Ժողովուրդը մեծ յանցանք է գործել, ների՛ր, իսկ եթէ չես ների, այն ժամանակ իմ անունն էլ ըստ ցուցակից ջնջիր»: Աստուած ասաց Մովսէսին. «Յանցաւորների անունները կջնջեմ, իսկ դու գնա և առաջնորդիր նրանց»: Աստուած ասաց Մովսէսին. «Երկու քարէ տախտակներ բեր, որ առաջին տախտակների պատգամները գրեմ»: Մովսէսը կատարեց Աստծու պատուէրը: Աստուած նորից գրեց տախտակների վրայ պատգամները:

Այդ տախտակները կոչւում են տասնաբանեայ պատգամներ, որոնց պահում էին մի ոսկէզօծ արկղի մէջ, որ կոչւում էր ուխտի տապանակ:




Տասանակ ուխտի

37. Լ Ր Տ Ե Ս Ն Ե Ր

Իսրայէլացիները մի ամբողջ տարի մնացին Սինա լեռան մօտ: Դրանից ետոյ գնացին դէպի Փառան անապատը: Այնտեղ Աստուած խօսեց Մովսէսի հետ և ասաց. «Իւրաքանչիւր ցեղից մի մարդ ընտրիր և ուղարկիր, որ Բանանը լրտեսեն»: Մովսէսը տասներկու մարդ ընտրեց և Քանան ուղարկեց: Դրանց մէջն էր և Յեսու անունով մէկը: Մովսէսը պատուիրեց նրանց և ասաց. «Գնացէք և տեսէք, թէ ինչպիսի երկիր է Քանանը. ո՞վքեր են նրա բնակիչները. զօրեղ թէ՞ թոյլ մարդիկ են. բազմամարդ է երկիրը, թէ՞ սակաւամարդ. հաստատուն և ամուր քաղաքներում են ապրում, թէ՞ վրանների տակ. երկիրը պտղաւէտ է՞ թէ ոչ: Վերադառնալիս երկրի պտուղներից հետներդ բերէք»:

Սրանք գնացին և լրտեսեցին ամբողջ երկիրը: Ետ դարձան Քեբբոն, ուր մի հատ որթ կտրեցին ողկուղով և երկու մարդիկ լծակով հետները բերին: Քառասուն օրից ետոյ վերադառնալով Փառան և ցոյց տուին հետները բերած պտուղները: Լրտեսողներից տասը հոգի ասում էին. «Մենք գնացինք այն երկիրը, ուր մեղք ու կաթն է ըղխում. բնակիչները զօրեղ մարդիկ են. քաղաքներն ամուր են և մեծ»: Իսկ Յեսուն և Բաղէբն ասում էին. «Մենք կարող ենք Քանանը


նուաճել: Միւսները հակառակում էին և ասում: «Մենք չենք կարող նրանց հետ կուռել, նրանք մեզնից շատ զօրեղ են—Քանանում այնպիսի հսկայ մարդիկ տեսանք, որ մենք մորեխ էինք երևում նրանց առաջ:



Ամբողջ ժողովուրդը ոտի կանգնեց, սկսաւ աղաղակել և լաց լինել: Կրկին արտնջացին Ահարոնին Մովսէսից և ասացին. «Նրանի՛ն Եգիպտոսում մեռած լինէինք: Ընտրե՛նք նոր առաջնորդներ և վերադառնանք Եգիպտոս»: Ժողովուրդը քիչ մնաց որ քարկոծէր երկուսին էլ:

Այս բանից ետոյ Աստուած ասաց Մովսէսին. «Մինչև երբ պէտք է այս ժողովուրդն ինձ բար-

կացնէ և իմ հրաշքներին չհաւատայ. ես կպատժեմ դրանց. նրանցից ոչ մինը չպիտի տեսնէ Սոստացեալ երկիրը. նրանց ոսկորները պիտի



փտեն անապատում. քսան տարեկանից մեծը չի մտնի Քանան, իսկ դուք քսուստուն տարի անապատում հովիւներ կլինէք: Առաւօտը վերա-

դարձէք կարմիր ծովի անապատը»: Մովսէսն այս բոլորը յայտնեց իսրայէլացիներին: Ժողովուրդը լաց էր լինում: Նրանք ետ դարձան անապատ:


Այստեղ իսրայէլացիները 40 տարի մնացին և մեծ նեղութիւն էին կրում—անապատում թունաւոր օձեր կային, խայթում էին և մահացնում: Ժողովուրդը գանգատուեց Մովսէսին և խնդրեց, որ ազատէ օձերից: Մովսէսն էլ Աստուծոյ հրամանով մի պղնձէ օձ շինել տուաւ, բարձրացրեց խաչաձև ձողի վրայ և ասաց. «Ումն օձը խայթէ, թող նայէ այս պղնձէ օձին և իսկոյն կբժշկուէ»: Խայթուողներն էլ այդպէս էին անում և բժշկուում:

Պղնձէ օձն օրինակ է Յիսուս Քրիստոսին—ով խաչի վրայ բարձրացած Յիսուսին կհաւատայ, նա կբժշկուէ—երջանիկ կլինի.

38. Մ Ո Վ Ս Է Ս Ի Մ Ա Հ Ը

Երբ քառասուն տարին անցաւ, իսրայէլացիները նորից գնացին դէպի Խոստացեալ երկրի սահմանները: Այնտեղ Աստուած խօսեց Մովսէսի հետ և ասաց. «Բարձրացիր Նաբաւ լեռը և տես Քանանը, իսկ տեսնելուց ետոյ՝ պիտի մեռնես»: Մովսէսը պատասխանեց. «Տէր, ժողովրդի վրայ մի առաջնորդ նշանակիր»: Աստուած պատասխանեց. «Վեր առ Նաւեայի որդի Յեսուէին, տա՛ր


Ժողովրդի մօտ, կանգնացրու Նղիազար քահանայի առաջ. զիր քո ձեռը նրա գլխին և տուր նրան քո իշխանութիւնն ու զօրութիւնը»:



Մովսէսը կանչեց ժողովրդին և Աստուծոյ պատուէրը յայտնեց նրանց: Նա ասաց. «Ես արդէն հարիւր քսան տարեկան ծերունի եմ. ձեզ այլևս առաջնորդել չեմ կարող. Աստուած ասաց ինձ, որ ես Քանան չեմ մտնի: Բայց մի վախենաք.

Աստուած ինքը կառաջնորդէ ձեզ. Յեսու Նաւեան կանցնէ ձեզ հետ Յորդանանը»:

Մովսէսը դարձաւ Յեսուին և ժողովրդի ներկայութեամբ ասաց. «Քաջացիր և զօրացիր, դու պէտք է տանես սրանց Աստուծու Խոստացած երկիրը, դու պէտք է բաժանես երկիրը նրանց մէջ»:



Սրանից ետոյ Մովսէսը ՆԱԶԱԼ լեառը բարձրացաւ: Աստուած ցոյց տուաւ նրան Քանանը, որից ետոյ Մովսէսը մեռաւ Մովաբացոց երկրում: Նրա գերեզմանի տեղը ոչ ոք չգիտէ մինչև այժմս էլ: Իսրայէլացիները Մովսէսի վրայ երեսուն օր սուգ արին:



Բ. ՅԵՍՈՒ



39. ՅԵՍՈՒՆ ՆՈՒԱՃՈՒՄ Է ՔԱՆԱՆԸ

Մովսէսի մահուանից ետոյ Աստուած ասաց Յեսուին. «Իմ ծառայ Մովսէսը մեռաւ, վեր կաց, անցիր Յորդանանը: Ինչպէս որ Մովսէսի հետ եմ եղել, այնպէս էլ քեզ հետ կլինեմ: Զօրացիր և քաջացիր. իմ պատուիրանները չմոռանաս. զիշեր ու ցերեկ նրանց վրայ մտածիր ու կատարիր»:

Յեսուն էլ պատուիրեց նրանց գլխաւորներին ու ասաց. «Ժողովրդին ասացէք, որ պաշար պատրաստեն, երեք օրից ետոյ պէտք է անցնենք Յորդանանը»: Յեսուն ծածուկ երկու մարդ ուղարկեց Նրիքովը լրտեսելու: Նրանք վերադարձան և պատմեցին, որ Աստուած Քանանը և Նրիքովը մեզ կտայ»:

Սրանից ետոյ Յեսուն ասաց քահանաներին. «Առէք տապանակ ուխտին և անցէք ժողովրդի



Քահանայ

շուրջը պատեն: Եօթներորդ օրը քահանաները թող փողերը փչելով տապանակի առջևից զնան: Վերջին օրը եօթն անգամ պտտեցէք պարսպի շուրջը: Եօթներորդ անգամին փողերը փչեցէք և փողի ձայնը լսելուն պէս՝ աղաղակ բարձրացրէք — այս աղաղակի ժամանակ պարիսպները կկործանուեն»:


առաջով»: Քահանաներն առաջ անցան, իսկ ժողովուրդը հետեւում էր նրանց Յորդանանի միջով: Այսպէս եկան մինչև Երիբով:

Ր. Երիբովի դռները կողպած էին: Աստուած ասաց Յեսուին. «Ահա քաղաքը քեզ եմ յանձնում, պատուիրիր զինուորներին, որ վեց օր շարունակ՝ օրը մի անգամ քաղաքի

Յեսուն այնպէս էլ արաւ: Քաղաքի պարիսպները կործանուեցան. ժողովուրդը ներս մտաւ. աւերեց և կոտորեց բոլորին՝ թէ մարդ և թէ կենդանի, իսկ մնացը կրակ տուին, այրեցին:



Ղ. Յեսուն երեսուն և մէկ թագաւորի ևս յաղթեց, նրանց երկիրները նուաճեց ու բաժանեց իսրայելի 12 ցեղի մէջ՝ իւրաքանչիւրին իրեն յարմար բաժինը տալով: Տապանակ ուխտին բերին Սնշով քաղաքը և դրին վկայութեան խորանի մէջ:




4. Խնկոց

Այն երկիրը, որ Աստուած խոստացել էր իւրախելացիներին, ստացան:

Յետո՛ւն մեռաւ հարիւր տասը տարեկան հասակում: Յովսէփի ոսկորները Թաղեցին Սիւբէմ քաղաքում:




1. Աւաղան




2. Զոհի սեղան




5. Աշտանակ



6. Առաջաւորաց սեղան



Վկայ ու թե ան խորան
 I, Գաւթ. II, Սրբութիւն. III, Սրբութիւն Սրբոց,
 ա, Զոհի սեղան. բ, Աւաղան:



Գ. ԴԱՏԱԻՈՐՆԵՐ



40. ԳԵԴԵՈՆԸ ՈՐՊԷՍ ԻՍՐԱՅԷԼԻ ԴԱՏԱԻՈՐ

Ա. Ետուն մեռաւ: Մեռել էին և նրա ժամանակակից մարդիկը: Իսրայէլացիներն սկըսեցին ամուսնանալ հեթանոս աղջիկներէ հետ և իրանց աղջիկներն էլ նրանց կնութեան տալ: Կրկին մոռացան ճշմարիտ Աստծուն և սկսեցին կուռքեր պաշտել: Աստուած պատժեց նրանց՝ մատնելով մազիամացիների ձեռք եօթը տարի շարունակ: Ինչ որ իսրայէլացիները ցանում էին, մազիամացիները գալիս էին հնձի ժամանակ, յափշտակում և ոչնչացնում: Իսրայէլացիները երբ յաջողութեան մէջ էին, մոռանում էին Աստուծուն, իսկ երբ անյաջողութիւն էր պատահում, յիշում էին նրան, այս պատճառով յիշեցին Աստուծուն և օգնութիւն խնդրեցին նրանից:

Աստուած էլ երևաց Գեդեոնին, որ Մանասէի ցեղիցն էր ու ասաց. «Ինչ, ազատի՞ր իսրայէլացիներին»: Գեդեոնը պատասխանեց. «Ինչպէս ազատեմ նրանց, ես Մանասէի ցեղի մէջ շատ քիչ բարեկամներ ունեմ, բացի դրանից՝ մեր



տանը ես ամենից փոքրն եմ»: Աստուած ասաց նրան. «Ես քեզ կօգնեմ—կործանի՞ր Բահաղի սեղանը, կոտորի՞ր նրա շուրջը գտնուող անտառը և Աստու համար սեղան շինի՞ր»:

Գեդեոնը հետն առաւ իւր ծառաներից տասը հոգի և գիշերով կատարեց Աստու հրամանը: Առաւօտը, երբ քաղաքի բնակիչները զարթեցին,

տեսան, որ Բահաղի սեղանը կործանուել է, իսկ անտառը կտրատուած ու մի ողջակէզ զրած Նոժվայի սեղանի առաջ: Սկսեցին միմեանց նայել և ասել. «Այս բանն անշուշտ Յովասի որդի Գեղէոնն արած կլինի»:

Քաղաքացիները Յովասի մօտ եկան և ասացին. «Մեզ յանձնիր քո որդուն, նա պէտք է մեռնի, որովհետև Բահաղի սեղանը կործանուել է»։ Իսկ Յովասն ասաց. «Գուք կամենում էք Բահաղի փոխարէն դատաւոր լինել. եթէ նա աստուած է, թո՛ղ ինքն իրան պաշտպանէ և վրէժխնդիր լինի իւր սեղանը կործանողից»:

Ր. Սրանից ետոյ Գեղէոնը հրամայեց իւրայելի միւս ցեղերին, որ իւր մօտ ժողովուեն: Անթիւ գէնք կրող մարդիկ հաւաքուեցան Գեղէոնի մօտ և նա առաջնորդեց նրանց դէպի մադիամացիները: Աստուած ասաց Գեղէոնին. «Քո հետ եղած ժողովուրդը շատ շատ է. թերևս իսրայէլացիները պարծենան և ասեն՝ մենք ազատեցինք մեզ—երկշտոններին հեռացրո՛ւ»: Քսան երկու հազար հոգի ետ դարձան, մնաց տասն հազար: Աստուած կրկին անգամ ասաց Գեղէոնին. «Իարձեալ շատ է զօրքդ, երեք հարիւր մարդ բաւական է»: Գեղէոնը կատարեց Աստծու հրամանը: Մադիամացիների բանակը հովտի մէջն էր, իսկ իսրայէլացիներինը՝ լեռան վրայ:

Կէս գիշերին Գեղէոնը երեք հարիւր հոգին ե-

րեք մասի բաժանեց, իւրաքանչիւրին մի հատ եղջիւրէ փող և մի հատ էլ վառած սափոր տուաւ ու ասաց. «Ինձ նայեցէք, ինչ որ ես անեմ, նոյնն էլ դուք արէք»:



Գեղէոնը գիշերով մադիամացիների բանակը մտաւ, հրամայեց փողերը փչել ու սափորները կոտրատել: Այդպէս էլ արին միւսները ու սկըսեցին աղաղակել. «Ահա Աստծու և Գեղէոնի սուրը»: Մադիամացիների զօրքը զարհուրեց—կարծեցին թէ իսրայէլացիները բազմաթիւ են, ուստի սկսեցին փախչել:

Այս յաղթութիւնից ետոյ իսրայէլացիներից


ոմանք ասացին Գեղէնին. «Մեզ վրայ իշխան եղիր՝ դու, քո որդին և քո որդու որդին»: Գեղէնը մերժեց. «Ո՛չ ես և ոչ իմ որդին, այլ Աստուած է ձեր իշխանը»: Գեղէնը դարձաւ դատաւոր և քառասուն տարի շարունակ երկիրը նրա կենդանութեան ժամանակ խաղաղ էր:

41. Ս Ս Մ Փ Ս Ո Ն

ա. Իսրայէլացիները նորից հեռացան Ասոր-ծուց և սկսեցին Բահաղին պաշտել: Աստուած նորից պատժեց նրանց և այս անգամ մատնեց փղշտացիների ձեռք: Աստուած Սամփսոն անու-նով մէկին դատաւոր ընտրեց: Մա փղշտացիների երկիրը գնաց՝ այնտեղի աղջիկներից իրեն համար մի կին ընտրելու: Երբ նրանց այգիներին հասաւ, մի երիտասարդ առիւծ նրա առաջը դուրս եկաւ: Սամփսոնն այս գազանի վրայ յարձակուեց և բերանը ձեղքեց: Մի ուրիշ անգամ, երբ նոյն ճանապարհով անցնում էր, կամեցաւ առիւծի գէշը տեսնել և գտաւ նրա բերնի մէջ մի գունդ մեղու և մեղր:

Սամփսոնը փղշտացիներից մի աղջիկ ընտրեց ու հարսանիք արաւ: Երեսուն փղշտացի երիտասարդ հիւր էին հարսանիքին: Սամփսոնն ասաց. «Ես ձեզ մի հանելուկ կասեմ, եթէ մինչև հարսանիքի եօթներորդ օրը լուծէք, երեսուն ձեռք

զգեստ կտանաք, իսկ եթէ չկարողանաք, դուք տուէք ինձ նոյնքան զգեստ»: Համաձայնեցան և նա պատմեց: Հանելուկն այս էր—«Ուտողից ուտելիք դուրս եկաւ, իսկ հզօրից՝ քաղցր»: Նրանք



չկարողացան գտնել այս հանելուկի միտքը, գնացին Սամփսոնի կնոջ մօտ և ասացին. «Սաբիր քո մարդուն և այս հանելուկն իմացիր, իսկ եթէ չես անի, մենք քեզ էլ, քո հօր տունն էլ կայ-

րենք»։ Կինն այնքան խնդրեց և լաց եղաւ՝ մինչև որ մարդը յայտնեց գաղտնիքը և նա էլ իւր հայրենակից երիտասարդներին պատմեց։ Եօթներորդ օրը փղշտացիներն ասացին Սամփսոնին. «Ի՞նչ կայ մեղրից քաղցր և առիւծից հոգոր»։ Սամփսոնը պատասխանեց. «Եթէ դուք իմ կնոջը չստիպէիք, չէիք կարող իմանալ»։

Սամփսոնը գնաց փղշտացիների մի ուրիշ քաղաք, երեսուն մարդ սպանեց, զգեստները բերեց և տուաւ հանելուկը լուծողներին, իսկ ինքը վերադարձաւ Յուդայի երկիրը։ Այդ ժամանակ Սամփսոնի աները նրա կնոջն ամուսնացրեց մի ուրիշի հետ։ Երբ Սամփսոնը իւր կնոջ մօտ վերադարձաւ, այս բանն իմացաւ, բարկացաւ և կամեցաւ պատժել բոլոր փղշտացիներին—երեք հարիւր աղուէս բռնեց, զոյգ-զոյգ ազիներից կապեց. ազիների մէջ վառած ջահ դրաւ. արձակեց փղշտացիների ցորենի արտերի մէջ և այրեց նրանց այգիները, ձիթենու ծառերն ու արտերը։ Դրա համար փղշտացիները եկան և Սամփսոնի աներոջն ու կնոջը միասին այրեցին։

Սամփսոնին բռնելու համար փղշտացիները յարձակուեցան Յուդայի երկրի վրայ և ստիպեցին իսրայէլացիներին՝ Սամփսոնին կապած իրենց յանձնել։ Բայց նա իւր կամքով թոյլ տուաւ հայրենակիցներին, որ կապեն իրան և թշնամու ձեռը մատնեն։ Երբ փղշտացիները տեսան նրան,

ուրախացան։ Սամփսոնը կտրատեց կապանքը՝ բարակ թելի նման, գտաւ մի սատկած իշի ծնօտ և նրանով հազար մարդ սպանեց։ Սամփսոնը չխրատուելով առաջին օրինակից՝ երկրորդ անգամ ամուսնացաւ փղշտացի աղջկայ հետ։

Ք. Փղշտացի իշխաններն եկան Սամփսոնի կնոջ մօտ և ասացին. «Եթէ քո մարդուն մեր ձեռը մատնես, ամեն մէկս կտանք քեզ հազար և հարիւր արծաթ»։ Երբ Սամփսոնը քնեց, կինը փղշտացիներին իւր մօտ կանչեց։ Նրանք բռնեցին Սամփսոնին. երկաթէ շղթաներով կապեցին. աչքերը բրեցին. Գազա քաղաքը տարան և բանադրին, որտեղ նա աղում էր։


Սրանից ետոյ փղշտացիները հաւաքուեցան Դաշոն կուռքին գոհ մատուցանելու, որ թշնամուն իրենց ձեռն է մատնել։ Սամփսոնին էլ բանտից դուրս բերին և կանգնեցրին տան երկու սիւնների մէջ տեղում։ Տունը լիքն էր բազմութիւնով, իսկ տանիքի վրայ մօտ երեք հազար հոգի էր կանգնած։ Սամփսոնը բռնեց երկու սիւններից և աղաղակեց. «Թո՛ղ ես էլ այս այլազգիների հետ մեռնեմ»։ Այս ասաց և ինչքան ոյժ ունէր, շարժեց երկու սիւները—տունը քանդուեց ուրախացողների գլխին։

Սամփսոնը 20 տարի դատաւոր եղաւ։

Դատաւորները կառավարութեան ժամանակ իսրայելացիները երկրում սով ընկաւ: Մի մարդ՝ Նոյմիէք անունով՝ իւր Նոյոմին կնոջ և երկու որդիների հետ Յուզայի Բէթղեհէմ քաղաքից գնաց Մովաբացիների երկիրը: Նոյմիէքն այնտեղ մեռաւ, իսկ որդիներն ամուսնացան հեթանոս մովաբացի աղջիկների հետ, որոնցից մինի անունը Որփա էր, իսկ միւսինը՝ Հոուլ:

Տասը տարուց ետոյ Նոյոմինի երկու որդին էլ մեռան: Սոֆն արդէն անցել էր: Նոյոմինը կամեցաւ հարսների հետ Յուզայի երկիրը վերագանալ: Ճանապարհին սկեսուրն ասաց հարսներին. «Իարձէք ձեր ծնողների մօտ. Աստուած օրհնէ ձեզ. դուք լաւ կնութիւն արիք իմ որդիների համար և ըստի հարսներ եղաք ինձ»: Որփան փաթաթուեց սկեսրոջը, համբուրեց և հրաժարական ողջոյն առաւ, իսկ Հոուլը չկամեցաւ դանալ: Այն ժամանակ Նոյոմինն ասաց. «Տեսնում ես՝ Որփան ետ դարձաւ իւր ծնողների մօտ, դու ևս հետևիր նրան»: Հոուլը պատասխանեց. «Աստուած մի արասցէ, որ ես քեզ միայնակ թողնեմ—ուր դու կլինես, այնտեղ էլ ես. քո ազգը իմ ազգը կլինի և քո Աստուածն՝ իմ Աստուածը. ուր դու կմեռնես, այնտեղ էլ ես—մահը միայն ինձ կբաժանէ քեզնից»: Երբ Նո-

յոմինը տեսաւ Հոուլի որոշումը, էլ ոչ մի խօսք չասաց: Այսպէս նրանք գնացին մինչև Բեթղեհէմ: Երբ տեղ հասան, Նոյոմին ասաց իւր ազգականներին. «Հարուստ հեռացայ ձեզնից, ազգատ դառնում եմ ձեզ մօտ»: Սկեսուրն ու հարսը բնակուում էին Բեթղեհէմում:




Հունձի ժամանակ էր: Հոուլը դաշտ էր գնում և հասկ էր հաւաքում, որովհետև աղքատ էին: Մի օր Հոուլը գնաց Բոոսի արտը: Այդ ժամանակ Բոոսն էլ եկաւ հնձուորների մօտ, ողջուեց նրանց և ասաց. «Աստուած ձեզ հետ լինի»: Հնձուորները պատասխանեցին. «Աստուած օրհ-

նէ քեզ»: Բոսոր հարցրեց Հոութին. «Ո՞ւմ աղջիկն ես»: Վերակացուն պատասխանեց. «Սա այն մովաբացի աղջիկն է, որ Նոյոմինի հետն է եկել»: Բոսոն ասաց Հոութին. «Աղջիկս, մի գնա ուրիշի արար հասկ ժողովելու, ամեն օր արի մեր արտը, կ'աց իմ աղջիկների մօտ, որտեղ նրանք կ'հնձեն, դու էլ նրանց ետևից հասկեր հաւաքիր, եթէ ծարաւես, իմ ծառաների ամաններից խմիր»: Հոութը պատասխանեց. «Ես մի օտարական կ'իմ եմ, իմ սր արժանաւորութեան համար է այդ ողորմութիւնը»: Բոսոր պատասխանեց. «Ինձ ամեն բան պատմել են, թէ դու ինչպէս ես վարուել սկեսրոջ հետ՝ քո մարդու մահուանից ետ, ինչպէս թողել ես քո հօրն ու մօրը, հայրենիքդ և սկեսրոջ համար եկել ես քեզ անծանօթ երկիր»: Ճաշի ժամանակ Բոսոր Հոութին հաց էլ տուաւ: Նա կերաւ, բայց մի կտոր էլ պահեց սկեսրոջ համար: Երբ Հոութը սկսաւ դարձեալ հասկ ժողովել, Բոսոր պատուիրեց ծառաներին ու ասաց. «Թողէք այդ կնոջը խուրձերի միջից ևս հաւաքէ և մի փոքր էլ աւելորդ թափեցէք, որ նա ժողովէ»: Այսպէս Հոութը մինչև երեկոյ հասկ հաւաքեց: Երբ մութն ընկաւ, շալակեց հաւաքածը և տուն դարձաւ:

Նոյոմին հարսի հաւաքած հասկերը և հետը բերած հացի կտորը որ տեսաւ, հարցրեց. «Այսօր սրտեղ էիր հասկ հաւաքում»: Հոութը պա-

տասխանեց. «Բոսոր արտում»: Նոյոմին ասաց. «Աստուած օրհնէ նրան, նա մեր ազգականն է»: Այսպէս Հոութն ամեն օր գնում էր Բոսոր արտը և հասկ էր ժողովում մինչև հնձի վերջանալը:



Բոսոր Հոութին հաւանեց և նրա հետ ամուսնացաւ: Աստուած նրանց մի որդի պարգևեց, որին անուանեցին Ովբէթ: Նոյոմին էլ երեխայի դայեակը դարձաւ: Ովբէթը Յէսսէյի հայրն էր, իսկ Յէսսէն էլ՝ Դաւիթ թագաւորի:

43. ՀԵՂԻ ԵՒ ՍԱՄՈՒԷԼ

Ս. Հեղիի քահանայապետութեան ժամանակ մի մարդ էր եպրում Նղիանա անունով՝ իւր կին Աննայի հետ: Նրանք անգաւակ էին: Սովորու-




թիւն ունէին ամեն տարի Սելով քաղաքը ուխտ գնալու և Աստուծոյ զոհ մատուցանելու: Աննան մի անգամ Սելով գնալիս՝ խիստ տրամեց. լաց եղաւ. աղօթեց Աստուծոյն և ասաց. «Տէր Սա-

լաւովդ, քեզ յայտնի է իմ նեղութիւնը. եթէ դու ինձ մի որդի պարգևես, քեզ կնուիրեմ, որ մինչև իւր մահը ծառայէ»: Հեղի քահանայապետը նստած էր վկայութեան խորանի դրանը և ուշադրութեամբ նայում էր Աննային: Եւ որովհետև երկար տեւց նրա աղօթքը, Հեղին ասաց. «Աննա, քանի՛ աղօթես»: Աննան պատասխանեց. «Ես մի վշտացած կին եմ, սիրտս Աստուծու առաջ բաց եմ անում»: Հեղին ասաց. «Թող իւրայելի Աստուածը քո խնդիրը կատարէ»: Կինը վերադարձաւ տուն, նրա սիրտն այլ ևս այնպէս տխուր չէր:

Աստուած լսեց Աննայի աղօթքը և նրան մի որդի պարգևեց, որին անուանեցին Սամուէլ, որ նշանակում է «Աստուածանից խնդրած—Աստուածատուր»: Երբ մանուկը մի քանի տարեկան դարձաւ, մայրը Սելով բերաւ՝ Հեղի քահանայապետի մօտ և ասաց. «Տէր, ես այն կինն եմ, որ քեզ մօտ կանգնած աղօթում էի այս մանկան համար. Աստուած լսեց իմ աղօթքը, դրա համար էլ ես նրան եմ ընծայում իւր տուածը»: Աննան շնորհակալութիւն արաւ Աստուծոյն և տունը դարձաւ, իսկ մանուկ Սամուէլը մնաց Հեղիի մօտ և Տիրոջ տանը սպասաւորութիւն էր անում:


Ք. Հեղիի որդիկները շատ վատ մարդիկ էին, խլում էին իւրայելաքի ուխտաւորներէից զոհի



մեծ մասը—փոխանակ էրին և մորթին ստանալու, որ օրէնքով Մովսէսը քահանաներին էր յատկացրել, պղնձի միջից էլ շոկում էին եփած գոհի լաւ կտորները և տանում էին: Ծերունի Հեղին գիտէր այս ամենը—նա յաճախ խրատում էր, բայց չէին լսում: Իսկ մանուկ Սամուէլը աճում էր և զօրանում: Նրան սիրում էին և Աստուած և՛ մարդիկ:

Մի անգամ, երբ Սամուէլը վկայութեան խորանի առջ քնած էր, ձայն լսուեց, որ ասում էր. «Սամուէլ, Սամուէլ»: Սամուէլը վազեց Հեղինի մօտ և ասաց. «Այստեղ եմ, ինչո՞ւ կանչեցիր»: Հեղին պատասխանեց. «Ես քեզ չեմ կանչել, դարձիր և քնիր»: Աստուած Սամուէլին երկրորդ, երրորդ անգամ կանչեց: Սամուէլը կրկին անգամ գնաց Հեղինի մօտ: Հեղին հասկացաւ, որ Աստուած է նրան կանչողը, ասաց. «Դարձիր և քնիր, եթէ մի անգամ էլ ձայն լսես, ասա՛, Տէր, քո ծառան լսում է քեզ»: Սամուէլը դարձաւ իւր տեղը: Աստուած նորից ձայն տուաւ. «Սամուէլ, Սամուէլ»: Սամուէլը պատասխանեց. «Ասա՛, Տէր, քո ծառան լսում է քեզ»: Աստուած ասաց. «Ես կամենում եմ Հեղին և իւր որդիներին պատժել»: Սամուէլը վախենում էր այս բանը Հեղինին յայտնելու:

Այն ժամանակ Հեղին կանչեց նրան և ասաց. «Աստուած ի՞նչ ասաց քեզ, մի ծածկիր ինձնից»:



Սամուէլը պատմեց նրան իւր լսածը: Հեղին ասաց. «Ի՞նչ որ բարի է, թող Աստուած այն կատարէ»:

Պ. Իսրայէլացիները պատերազմ ունեցան փղշտացիների հետ և յաղթուեցան: Իսրայէլի ձեռքերն ասացին.


«Ուխտի տապանակը Սելուլից բանակ բերենք, որ ազատէ մեզ» և բերել տուին: Տապանակի հետ եկան և Հեղիի երկու որդիները: Երբ տապանակը բանակ բերին, իսրայէլացիները սկսեցին ուրախանալ, իսկ փղշտացիներն ասուէին միմեանց. «Իսրայէլի Աստուածը բանակ է եկել, ո՞վ փղշտացիներ, քաջ պատերազմեցէք, որ ծառայ չլինենք նրանց»: Պատերազմում իսրայէլացիները յաղթուեցան: Հեղիի երկու որդիները սպանուեցան, ուխտի տապանակն էլ գերի ընկաւ:

Մինը պատերազմի դաշտից՝ հանգերձները պատուելով և գլխին հող ցանելով՝ եկաւ Սելուլ:

Հեղին վկայութեան խորանի դրանը աթոռի վրայ նստած էր: Նա հարցրեց եկող մարդուն բանակի մասին: Դեսպանը պատասխանեց. «Իսրայէլը յաղթուեց, քո երկու որդիներն սպանուեցան և ուխտի տապանակն էլ գերի ընկաւ»: Այս գուժը լսելուն պէս՝ Հեղին աթոռից վայր ընկաւ, մէջքը կոտրուեց ու մեռաւ:

Պ. Սամուէլը սկսաւ քարոզել և խրատել իսրայէլացիներին: Ժողովուրդը խոստովանեց, որ նա Աստուծո ճշմարիտ մարգարէն է, ուստի և նրան դատաւոր ընտրեց: Սամուէլը հաւաքեց բոլոր իսրայէլացիներին և ասաց. «Եթէ դուք սրտանց դառնաք դէպի ճյմարիտ Աստուածը, թողնէք օտար աստուածներին, այն ժամանակ ձեզ կազատէ փղշտացիների ձեռից»: Իսրայէլացիները հեռացան կուռքերից:

Երբ փղշտացիները Սամուէլի դատաւոր ընտրուեին իմացան, նորից եկան պատերազմելու: Թշնամին յաղթուեց: Փղշտացիները փախան և Սամուէլի կենդանութեան ժամանակ այլ ևս չհամարձակուեցան իսրայէլացիների դէմ զէնք բարձրացնել:



Ե. Թ Ա Գ Ա Ի Ո Ր Ն Ե Ր

Ը. Ս Ա Ի Ո Ի Գ

44. Ս Ա Ի Ո Ի Գ Ի Թ Ա Գ Ա Ի Ո Ր Ը Ն Տ Ր Ո Ի Ե Լ Ը

Ս. Ըր Սամուէլը ծերացաւ, իւր որդիներին իսրայէլի վրայ դատաւոր նշանակեց: Սրանք հօր ճանապարհով չէին գնում—կաշառքներ էին վերցնում և օրէնքից դուրս գործեր կատարում: Սրա համար ծերերը հաւաքուեցան Սամուէլի մօտ Արիմաթէմ՝ քաղաքում և ասացին. «Ռու ծերացել ես. որդիներդ քո ճանապարհով չեն գնում. մեզ մի թագաւոր տուր, ինչպիսին այլազգիներն ունին, որ մեզ դատէ և պատերազմում առաջնորդէ»: Նրանք կարծում էին՝ թշնամին նրա համար է յաղթում, որ թագաւոր ունէ: Այս բանը թէև դուր չեկաւ Սա-

մուէլին, բայց և այնպէս խնդրեց Աստուծոն այդ մասին: Աստուած ասաց նրան. «Հնազանդուիր ժողովրդի պահանջին և նրան մի թագաւոր տուր»:

Ք. Բենիամինի ցեղից մի մարդ՝ Կիս անունով մի որդի ունէր՝ անունը Սաուուդ: Սա գեղեցիկ մարդ էր: Մի անգամ Կիսի էջերը կորան: Սաւուղը փնտռելու գնաց և հասաւ մինչև Արիմաթէմ: Հէնց որ Սամուէլը Սաւուղին տեսաւ, Աստուած ասաց նրան. «Ահա, սա է իմ ժողովրդին կառավարողը»:


Այն ժամանակ Սամուէլն առաւ իւղի սրուակը, օծեց, համբուրեց և ասաց. «Աստուած քեզ իւր ժողովրդի վրայ կառավարիչ է նշանակում»:

Սրանից ետոյ Աստուած Սաւուղին մի ուրիշ սիրտ, ուրիշ հոգի տուաւ:

Սամուէլը հաւաքեց իսրայէլացիներին և յայտնեց, որ Աստուած Սաւուղին թագաւոր է ընտրել: Սաւուղը համեստութիւնից սկզբում կարասի տակ թաք կացաւ, բայց վերջը ժողովրդին ներկայացաւ: Նա ամենից բարձրն էր—միւսների հասակը հազիւ էր նրա ուսերին հասնում: Ժողովուրդը շատ ուրախացաւ և աղաղակեց. «Կեցցէ թագաւորը»: Բայց մի քանի մարդիկ ծաղրում էին և ասում. «Միթէ սա պիտի փրկէ մեզ»: Սաւուղն այնպէս էր ցոյց տալիս իրան՝ որպէս թէ չէ լսում:

Պ. Ամուսացիների թագաւորը պաշարեց իս-

բայելացիների Յաքիս քաղաքը և ասաց քաղա-
ցիներին. «Ես ձեր ամենի աջ աչքը պէտք է
հանեմ»: Յաքիսացիները մարդ ուղարկեցին ի-



քենց եղբայր իսրայելացիների մօտ և օգնութիւն
խնդրեցին: Սաւուղին էլ պատմեցին այս բանը:
Նա խիստ բարկացաւ, երկու եզն առաւ, կտոր-

կտոր արաւ. իսրայելի քաղաքներն ուղարկեց՝
ասելով. «Ով Սաւուղին և Սամուէլին չի հետևի,
նրա եզներն էլ այսպէս պատառ-պատառ կլի-
նեն»: Ժողովուրդը նոր թագաւորի շուրջը հա-
ւաքուեց: Սաւուղը մարդ ուղարկեց Յաքիսի
բնակիչներին մօտ, որ նրանց ասեն. «Վաղը ա-
րևը տաքանալուն պէս՝ ձեզ օգնութեան կգամ»: Յաքիսացիները շատ ուրախացան: Սաւուղը զօր-
քը երեք գնդի բաժանեց, յարձակուեց ամովա-
ցիների վրայ և ջարդեց նրանց մինչև արևի տա-
քանալը:

Այն ժամանակ Սաւուղի մարդիկն ասացին.
«Մօտ բերէք թագաւորի ծաղրողներին, նրանք
պէտք է պատժուեն»: Սաւուղը պատասխանեց.
«Այսօր՝ երբ Աստուած մեզ յաղթութիւն է պար-
գևել, ոչ մի իսրայելացի չպիտի մեռնէ»: Սա-
մուէլը Գաղգաղա հաւաքեց բոլոր իսրայելացի-
ներին և Սաւուղին նորից թագաւոր օձեց ժողո-
վրդի ներկայութեամբ: Նորընտիր թագաւորը
ժողովրդի հետ միասին ուրախանում էր:

45. ՍԱԻՈՒՂԻ ԱՆՀՆԱԶԱՆ ԳՈՒԹԻՒՆԸ

Նոր պատերազմ ծագեց փղշտացիների և իս-
րայելացիների մէջ: Սամուէլը զօրք հաւաքեց և
եկաւ Գաղգաղա թագաւորի հետ: Սամուէլն ա-
սաց թագաւորին՝ «Սպասիր ինձ այստեղ, չպա-

տերազմես՝ մինչև ես զամ և զոն մատուցանեմ, որ Սատուած մեզ յաղթութիւն տայ»: Սաւուղը եօթն օր անհամբեր սպասում էր: Սամուէլն ուշացաւ: Ժողովուրդն սկսեց ցրուել: Թագաւորն այս որ տեսաւ, ասաց. «Բերէք ողջակէզը, որ զոնեմ»: Բայց զեռ զոնը չվերջացրած՝ մարգարէն եկաւ:




Սամուէլը նեղացած ասաց. «Այդ ինչ ես արել, միթէ զու մարգարէ ես—զու զոնելու իրաւունք չունես, զու իմ իրաւունքը խլել ես»: Սաւուղը սկսաւ իրան արգարացնել և ասել. «Նս տեսայ, որ ժողովուրդն սկսեց հեռանալ. զու էլ

ուշացար. փղտացիները ուզում էին յարձակուել, ուստի և ողջակէզ արի»:

Սամուէլն ասաց. «Ի՞նչ անմիտ ես վարուել. Սատծու պատուիրանիցն անցել ես, զոնելու իրաւունքն իմն է. միթէ կարծում ես, որ Սատուած զոնը հնազանդութիւնից աւելի՞ կսիրէ: Եւ որովհետեւ զու Սատծու պատուիրանը չպահեցիր, այլեւ թագաւոր չես լինի իւրայէլի վրայ:

Սամուէլը հեռացաւ և մինչև իւր մահը նրա երեսը չտեսաւ: Թէև նա հեռացած էր, բայց և այնպէս ցաւում էր Սաւուղի վրայ:





Բ. ՍՇՐՈՒՂ ԵՒ ԳՇՐԻԹ



46. ԳԱԻԹԻ ԹԱԳԱԻՈՐ ԸՆԴՏ-
Ր ՈՒԻԼԸ

Աստուած ասաց Սամուէլին. «Մինչև
էրբ տիրես Սաւուղի համար—ես նրան այլ ևս չեմ
սիրում: Լցրու եղջիւրդ իւզով և գնա Բելթղեհէմ
Յեսսէի որդիներէից մինին թագաւոր եմ ընտրել»:
Սամուէլը գնաց Բեթղեհէմ, հրաւիրեց Յեսսէին
և իւր որդիներին զոհ մատուցանելու:

Որդիները եկան, Սամուէլը նայեց մեծին—
կարծում էր թէ նա պիտի լինի նոր թագաւորը:
Բայց Աստուած ասաց. «Դու նրա հասակին մի
նայիր. մեծ հասակ ունեցողներին ես էլ չեմ
սիրում—բանը հասակի մէջ չէ, այլ՝ սրտի»:

Ետոյ Յեսսէն եօթը որդիներին Սամուէլի ա-
ռաջով անցկացրեց: Մարգարէն պատասխանեց.
«Աստուած սրանցից ոչ մինին էլ չէ ընտրել
ուրիշ որդի չունեմ»:

Յեսսէն պատասխանեց. «Մի փոքրը ևս ունեմ՝
Դաւիթ անունով, նա խաչներ է արածացնում»:

Սամուէլն ասաց. «Մարդ ուղարկիր և կանչել
տուր»:

Դաւիթն եկաւ—նա կարմրաերես էր, գեղեցիկ
աչքեր ունէր և սիրուն հասակ: Աստուած ա-
սաց. «Վեր կաց և օժիր, ահա սա է իմ ընտ-
րածը»: Սամուէլն առաւ եղջիւրը և Դաւիթին թա-
գաւոր օծեց եղբայրների ներկայութեամբ:

Հէնց այդ օրից Աստու իողին Դաւիթի վրայ
իջաւ:

47. ԴԱԻԹԸ ԳԱԼԻՍ Է ՍԱԻՈՒՂԻ ԱՐՔՈՒՆԻՔԸ

Աստու իողին Սաւուղից հեռացել էր—չար
ոգին տանջում էր նրան: Ծառաներն ասացին
թագաւորին. «Քնարի վրայ ածող մի մարդ գլու-
նենք, երբ չար ոգին գալու լինի, նուազէ և
հանգստացնէ քեզ»:

Սաւուղը պատասխանեց. «Եթէ ճանաչում էք
այդպիսի մարդ, կանչեցէք»: Ծառաներից մինը
պատասխանեց. «Բեթղեհէմցի Յեսսէի փոքր որ-
դին մի իմաստուն և քաջ երիտասարդ է, զիտէ
քնարի վրայ ածել և Աստուած էլ նրան շատ է
սիրում»: Սաւուղը Դաւիթին իւր մօտ կանչեց:

Այսպէս Դաւիթը Սաւուղի պալատը եկաւ և
ծառայում էր նրան: Թագաւորը շատ սիրեց նը-
րան և իւր կապարճակիրը գարձրեց: Հէնց որ
չար ոգին Սաւուղի վրայ էր գալիս, Դաւիթն

առնում էր քնարը և երգում: Թագաւորն իսկոյն հանգստանում էր, երբ Դաւիթը սկսում էր երգել քնարի վրայ:



48. ԴԱՒԻԹ ԵՒ ԳՈՂԻԱԹ


Փղշտացիները երբ լսեցին իսրայէլի թագաւորի հիւանդութիւնը, զօրք առան և եկան Յուդայի երկիրը: Սաւուղը նոյնպէս զօրք հաւաքեց և բանակ ձգեց փղշտացիների հանդէպ: Թշնամու բանակից դուրս եկաւ մի հսկայ՝ Գողիաթ անունով, որի հասակի երկայնութիւնը վեց կանգուն մի թիզ էր և ձայն տուաւ իսրայէլացիներին. «Ընտրեցէք ձեզնից մէկին ինձ հետ մենա-

մարտելու»: Սաւուղը և իսրայէլացիները խիստ վախեցան:

Դաւիթի երեք մեծ եղբայրները Սաւուղի բանակումն էին, իսկ ինքն այդ ժամանակ տուն էր գնացել հօր ոչխարներն արածացնելու: Մի անգամ Յեսսէն ասաց Դաւիթին. «Ա՛ռ այս տասը նկանները, տա՛ր եղբայրներիդ և տես, ի՞նչպէս է նրանց առողջութիւնը»: Երբ Դաւիթը եղբայրների մօտ եկաւ, Գողիաթը դուրս եկաւ բանակից և սկսաւ նախատել իսրայէլացիներին: Ոչ ոք չէր վստահանում նրա դէմ դուրս գալ — ձայնը լսելուն պէս ամենքն էլ փախչում էին: Դաւիթը, երբ այս բանը տեսաւ, ասաց. «Մի՛թէ մի մարդ չկայ, որ իսրայէլին այս անպատուութիւնից ազատէ»: Փողովուրդն ասաց. «Ով նրան սպանէ, թագաւորին փեսայ կդառնայ»: Դաւիթ այս խօսքերը Սաւուղին յայտնեցին: Թագաւորն անմիջապէս Դաւիթին իւր մօտ կանչել տուաւ:

Դաւիթն ասաց Սաւուղին. «Մի՛ վախենար, թագաւոր, ես կմենամարտեմ նրա հետ»: Սաւուղը պատասխանեց. «Դու մանուկ ես, փղշտացու հետ չես կարող պատերազմել»: Դաւիթը պատասխանեց. «Հօրս խաչներն արածացնելիս՝ երբ առիւծ կամ արջ էր գալիս և յափշտակում էր, առիւծ կամ արջ էր գալիս և յափշտակում էր, ինչպարը իսրայէլացիները, ընկնում էի նրանց ետեից, ոչխարը խլում էի գազանների բերնից և իրանց էլ սպանում: Այն Աստուածը, որ ինձ առիւծից և արջից ազատեց, կազատէ և այս փղշտացուց»:

Սաւուղն ասաց Դաւթին. «Գնա՛, թող Սաւուած քեզ հետ լինի»: Դաւիթը հովուական գաւազանը ձեռն առաւ. հինգ ողորկ քար դրաւ մաղախի մէջ. պարսը վերցրեց և դիմեց դէպի փղշտացին:



Երբ այլազգին Դաւթին տեսաւ, ասաց. «Մի՛թէ ես շուն եմ, որ դու գաւազանով և քարով

ես գալիս ինձ վրայ: Դաւիթը պատասխանեց. «Դու գալիս ես ինձ վրայ սրով, նիզակով և վահանով, իսկ ես՝ իսրայէլի Սասծու անունով: Սաւուած քեզ այսօր իմ ձեռը կյանձնէ»: Դաւիթը մաղախից մի քար հանեց. դրաւ պարսի մէջ և ձգեց դէպի այլազգին: Քարը ճակատին դիպաւ և հսկան գետին փռուեց Բայց որովհետեւ Դաւիթը սուր չունէր, վազեց դէպի փղշտացին. հանեց նրա սուրը և զլուխը կտրեց: Երբ փղշտացիները տեսան Գողիաթի մահը, փախան:

49. ՍԱԻՈՒՂԸ ԱՏՈՒՄ, ԻՍԿ ՅՈՎՆԱԹԱՆԸ ՍԻՐՈՒՄ Է ԳԱԻԹԻՆ

Ա. Երբ Դաւիթը Գողիաթի զլուխը կտրեց, թագաւորի որդի Յովնաթանը Դաւթին շատ սիրեց և ընկերական դաշը կապեց: Սաւուղը չթողեց Դաւթին, որ փուն դառնայ, այլ զօրքի վերայ հրամանատար նշանակեց. ժողովուրդը սիրում էր Դաւթին: Գողիաթին սպանելուց ետոյ՝ երբ Դաւիթը տուն էր վերադառնում, կանայք դուրս էին գալիս Դաւթի առաջ թմբուկներով, ծնծղաներով՝ պարում, երգում և ասում էին. «Սաւուղը հազարին սպանեց, իսկ Դաւիթը՝ բիւրին»: Այս խօսքերը դուր չեկան թագաւորին, նախանձեց և ասաց. «Էլ ի՞նչ է պակաս նրան՝ բացի իմ թագաւորութիւնից»:

Հետևեալ օրը Սաւուղը նախանձից հիւանդացաւ: Դաւիթն սկսեց քնար ածել: Սաւուղը վեր առաւ գեղարդը և ձգեց Դաւիթի ետևից այն



մտքով, որ պատին մեխէ: Բայց նա խոյս տուաւ և գեղարդը պատի մէջ ցցուեց: Սաւուղը վախենում էր և Դաւիթին իրանից հեռացնելու

համար՝ հազարապետի պաշտօն տուաւ: Դաւիթն զգոյշ էր վարւում ամեն քայլափոխում:

Սաւուղի Մեղքոյ աղջիկը սիրում էր Դաւիթին: Եւ որովհետեւ թագաւորը խոստացել էր նրան փեսայ դարձնել, ասաց. «Դաւիթին փեսայ կդարձնեմ, փղշտացիների դէմ պատերազմ կուղարկեմ, այնտեղ էլ կսպանուի»: Սաւուղը պատուիրեց իւր ծառաներին, որ ծածուկ Դաւիթի հետ այսպէս խօսեն. «Թագաւորը և նրա բոլոր մարդիկը քեզ շատ են սիրում, եկ և նրան փեսայ դարձիր»: Այսպէս էլ արին ծառաները: Դաւիթն ասաց. «Ես մի աղքատ մարդ եմ»: Ծառաները պատասխանեցին. «Թագաւորը քեզնից ոչինչ չի պահանջում՝ բացի հարիւր փղշտացու գլխից»: Նրա միտքն այն էր, որ Դաւիթը թշնամու հետ պատերազմելիս՝ սպանուի: Դաւիթն իսկոյն վեր կացաւ, փղշտացիների դէմ գնաց և երկու հարիւր մարդ սպանեց: Թագաւորը իւր Մեղքոյ աղջկան Դաւիթին տուաւ: Սաւուղը նկատեց, որ Աստուած Դաւիթի հետն է, աւելի ևս վախեց և մինչև իւր մահը թշնամացաւ նրա հետ:

Ք. Սաւուղը, երբ տեսաւ, որ այս միջոցով նպատակին չհասաւ, սկսաւ իւր որդուն գրգռել Դաւիթի դէմ:


Յովթաթանն այս բանը յայտնեց Դաւիթին, վերջինս թաք կացաւ: Սրանից ետոյ Յովթաթանը խօսեց հօր հետ և ասաց, «Յանցանք մի գործիր,

հայր, Դաւիթն արդար է, նա քեզ համար իւր անձը վտանգի ենթարկեց և սպանեց փղշտացուն»։ Սաւուղը լսեց որդուն, երգուեց, որ Դաւիթ մահն այլ ևս չի ցանկայ։ Յոփնաթանը յայտնեց Դաւիթին այս բանը և նրան հօր մօտ բերաւ։ Դաւիթը դարձեալ այնպէս էր թագաւորի հետ՝ ինչպէս առաջ։

Նոր պատերազմ։ Դաւիթը դուրս եկաւ փղշտացիների դէմ և յաղթեց։ Չար ոգին դարձեալ յայտնուեց թագաւորին, վեր առաւ գեղարդը և կամենում էր Դաւիթին նորից պատին մեխել։ Նա դարձեալ խոյս տուաւ և ազատուեց։ Դաւիթը միևնոյն գիշերը փախաւ պալատից։ Սաւուղը մարդիկ ուղարկեց, որ գիշերով նրա տունը շրջապատեն և սպանեն։

Մեղքողը յայտնեց Դաւիթին եղելութիւնը և ասաց. «Եթէ դու այս գիշեր քո կեանքը չազատես, առաւօտը կենդանի չես մնայ»։ Կինը մարդուն պատուհանից վայր թողեց— Դաւիթն անյայտացաւ։ Ետոյ՝ Մեղքողը պաճուճապատան շինեց, զբաւ անկողնում. գլուխը այծի մորթով պատեց և ծածկեց վերմակով։ Սաւուղը դեսպաններ ուղարկեց, որ Դաւիթն բռնեն։ Մեղքողը պատասխանեց. «Հիւանդ է»։ Սաւուղը կրկին անգամ մարդ ուղարկեց և ասաց. «Մահճով բերէք ինձ մօտ, որ սպանեմ»։ Երբ դեսպաններն եկան, պաճուճապատանն անկողնում զբաւ էր։

Իրողութիւնը թագաւորին յայտնեցին։ Սաւուղը բարկացաւ և ասաց իւր աղջկան. «Ինչո՞ւ խաբե-



ցիր ինձ և փախցրիր իմ թշնամուն»։ Մողքողը

պատասխանեց. «Նա ինձ ասաց, եթէ չես թող տայ, կսպանեմ»:

Պ. Դաւիթը մի տեղից միւսը թափառելով՝ վերջապէս եկաւ Յովնաթանի մօտ և այսպէս զանգատուեց. «Ի՞նչ յանցանք եմ գործել քո հօր դէմ. ինչո՞ւ է ետևիցս ընկել»: Յովնաթանը պատասխանեց. «Դու չես մեռնի՝ ես նորից կխօսեմ հօրս հետ: Դու թաք կ'աց դաշտում մի քարի տակ. երեք օրից ետոյ քեզ իմաց կտան, թէ բանն ինչպէս է վերջացել»:

Հետևեալ օրը Սաւուղը, Յովնաթանը և զօրավար Արենները հացի էին նստած: Դաւիթի մասին խօսք եղաւ: Յովնաթանը նրա օգտին խօսեց: Սաւուղը բարկացաւ և ասաց. «Սարգանի, ես գիտեմ, որ դու Յեսսէի որդու հետ դաշնակից ես. ամօթ քեզ. քանի որ նա կենդանի է, քո թագաւորութիւնը հաստատ չէ. մարդ ուղարկիր նրա ետևից և բերել տո՛ւր՝ նա պէտք է մեռնի»: Սաւուղը բարկացաւ և այս անգամ գեղարդը Յովնաթանի վրայ նետեց: Յովնաթանը վեր կացաւ հացից. դուրս գնաց և ամբողջ օրը ոչինչ չկերաւ ու մտածում էր Դաւիթի վրայ:

Առաւօտը Յովնաթանը դաշտ գնաց և ամեն բան յայտնեց Դաւիթին: Երկուսն էլ զրկեցին իրար և լաց էին լինում: Նրանք երդուեցին հաւատարիմ լինել միմեաց: Յովնաթանն ասաց. «Գնա՛, հանգիստ եղիր, Աստուծո՛ւ անունով արած

երդումը թո՛ղ յաւիտեան անխախտ մնայ»: Յովնաթանը ետ դարձաւ քաղաք, իսկ Դաւիթը գնաց անապատ:


50. ԴԱՒԹԻ ՄԵԾԱՀՈԳՈՒԹԻԻՆԸ ԴԷՊԻ ՍԱԻՈՒՂ

Ա. Երբ Սաւուղն իմացաւ, որ Դաւիթը Դառուայի անապատումն է, երեք հազար զօրք առաւ ու գնաց Դաւիթին բռնելու: Այն անապատում մի մեծ այր կար: Սաւուղը մտաւ հանգստանալու, իսկ Դաւիթը իւր մարդկանց հետ արդէն այլի խորքումն էր: Դաւիթի մարդիկն ասացին. «Ահա այս այն օրն է, որ Աստուած թշնամուն քո ձեռն է մասնում»: Դաւիթը չթողեց, որ թագաւորին սպանեն, այլ ծածուկ կտրեց նրա փեշի ծայրը:

Երբ Սաւուղը զարթեց, դուրս եկաւ այրից և ձանապարհը շարունակեց: Նրանից ետոյ դուրս եկաւ Դաւիթն ու սկսաւ Սաւուղի ետևից ձայն տալ. «Ի՛մ Տէր թագաւոր»: Սաւուղը զարմացած ետ նայեց: Դաւիթն ասաց. «Այսօր Աստուած քեզ իմ ձեռը մատնեց այրի մէջ, բայց ես կեանքդ խնայեցի—տես, հայրիկ, փեշիդ ծայրը ձեռումս է: Թո՛ղ Աստուած դատաւոր լինի իմ և քո մէջ, ես իմ ձեռը քեզ վրայ չեմ բարձրացնի»:

Սաւուղն սկսաւ բարձր ձայնով լաց լինել և ասել. «Դու ինձնից արդար ես. դու ինձ բարի կամեցար, իսկ ես քեզ՝ չար. Աստուած դրա փո-

խարէն քեզ կվարձատրէ — ես գիտեմ՝ դու մի օր
Իսրայէլի թագաւոր պիտի դառնաս»:



Սաւուղը ամօթահար տուն դարձաւ, իսկ Դա-
ւիթը իւր մարդկանց հետ մնաց անապատում:

51. Մ Ա Ի Ո Ի Ղ Ի Մ Ա Հ Ը


Սամուէլը մեռաւ: Բոլոր իսրայէլացիները
սուգ արին նրա վրայ և թաղեցին Արիմաթէմում:

Փղշտացիները կրկին անգամ պատերազմ յայտ-
նեցին: Իսրայէլացիները փախան և Գեղձուայ լե-
ռան մօտ մեծ շարդ ստացան: Թշնամին շրջա-
պատեց Սաւուղին և նրա որդիներին: Սաւուղը
ծանր կերպով վիրաւորուեց:

Այն ժամանակ թագաւորն ասաց իւր կապար-
ճակրին. «Հան սուրդ և սպանիր ինձ, որ փղշտա-
ցիների ձեռը չընկնեմ»: Կապարճակիրը հրաժա-
րուեց: Սաւուղը ինքն առաւ սուրը և ընկաւ
նրա վրա: Երբ կապարճակիրը տեսաւ, որ Սա-
ւուղն ինքնասպան եղաւ, ինքն էլ իրան սպանեց:
Յոֆնաթանը, իւր երկու եղբայրները և հետն եղած
բոլոր ընկերները ընկան այս պատերազմի մէջ:

Սաւուղի մահուանից երեք օր ետոյ՝ մի ա-
մաղեկացի Դաւիթի մօտ եկաւ ու ասաց. «Իսրա-
յէլի բանակիցն եմ ազատուել. ժողովուրդը փա-
խաւ. Սաւուղն ու Յոֆնաթանը սպանուեցին»:
Դաւիթը հարցրեց. «Ո՞րտեղից գիտես, թէ Սա-
ւուղն ու Յոֆնաթանը մեռան»: Ամաղեկացին
պատասխանեց. «Գեբբուայ լեռների վրայ էի.
Սաւուղն ընկած էր նիզակին. թշնամու հեծե-
լագօրը դիմում էր դէպի նա: Սաւուղն ասաց —

սպանիր ինձ: Մօտ գնացի. սպանեցի նրան. վեր առայ թագն ու սպարանջանը և անս քեզ եմ բերել»: Դաւիթը բարկացաւ և ասաց. «Դու ի՞նչ-



պէս վստահացար Տիրոջ օծեալի վրայ ձեռք բարձրացնել»: Այս ասաց և նշան արաւ իւր մարդկանց, որ սպանեն ամաղեկացուն:

Դաւիթն սկսաւ սուգ անել Սաուղի, Յովթաթանի և բոլոր իսրայէլացիների վրայ:



Կ. ԴԵՒԻԹ


52. ԴԱՒԻԹԸ ԴԱՌՆՈՒՄ Է ԹԱԳԱՒՈՐ



Սաուղի մահուանից ետոյ Դաւիթը իւր մարդիկների հետ եկաւ Քեբրոն: Յուզայի ցեղը նրան թագաւոր օծեց միայն Յուզայի տան վրայ: Իսկ Սաուղի զօրավար Աբեհնեբը նրա ուղի Յեքուսթէին թագաւորեցրեց միւս ցեղերի վրայ: Դաւիթի և Սաուղի տան մէջ երկար պատերազմներ եղան: Դաւիթի տունը քանի գնում՝ զօրանում էր, իսկ Սաուղինը՝ տկարանում: Յեքուսթէին քնած ժամանակ սպանեցին և գլուխը կրտորելով՝ Դաւիթի մօտ բերին: Դաւիթը բարկացաւ և ասաց. «Դուք արդար մարդ էք սպանել և հրամայեց մարդասպաններին մահու պատիժ տալ: Այնուհետև Իսրայէլի բոլոր ցեղերը Քեբրոն եկան և Դաւիթին թագաւոր օծեցին ամբողջ Իսրայէլի վրայ:

Թէև Յեսուռն Քանանը նուաճել էր, բայց Նըուսաղէմ քաղաքը, ուր նըուսաղիներն էին կե-

նում, իւր անառիկ լինելու պատճառով, զեռ ևս անկախ էր: Այս պատճառով Թագաւորն արշաւեց Նրուսաղէմ երուսացւոց դէմ, առաւ քաղաքը, Սիօն լեաւը ու նրա վրայի աշտարակը: Աշ-



տարակն անուանեց Դաւթի քաղաք, ուր մի փառաւոր տուն շինեց և այնտեղ բնակուեց:

Սրանից ետոյ Սելով գնաց և մեծ հանդէսով տապանակ ուխտին Սիօնի աշտարակը տեղափո-

խեցին: Թագաւորը ղնտարիւններից մի քանիսին պաշտօնեայ նշանակեց ուխտի տապանակին ծառայելու, որոնք երգով և քնարով օրհնում և փառաբանում էին Աստծուն: Նմանապէս քահանաներ նշանակեց Ահարոնի ցեղից, որոնք ամեն օր ողջակէզ պիտի մատուցանէին. Բացի սրանից աստուածալ շտութեան կարգ սահմանեց, որի համար յատուկ մի քանի սաղմոսներ յօրինեց:

Նրա Թագաւորութիւնը ընդարձակուեց Միջերկրական ծովից մինչև Եփրատ և Դամասկոսից՝ Եգիպտոս: Դաւթի անունը հռչակուեց բոլոր երկրներում — հեթանոսները դողում էին նրա անունը լսելիս: Նա զատաւորներ ևս նշանակեց երկրի մէջ:

Այս ամենից ետոյ Դաւիթը հարցրեց. «Արդեօք Սաւուղի տանից որ և է ժառանգ չէ մնացել: Յովնաթանից մի կալ որդի է մնացել», ասաց նրա ծառաներից մինը: Իսկոյն Դաւիթը մարդ ուղարկեց նրա ետևից և բերել տրւաւ: Երբ Յովնաթանի որ-



Քահանայապետ


դի Մեմփիքոստէն Դաւթի մօտ եկաւ, երեսի վրայ ընկաւ: Դաւթին ասաց. «Մի վախիր, ես ուզում եմ քեզ ողորմութիւն անել՝ քո հայր Յովնաթանի սիրու համար—քեզ կտամ Սաւուղի բոլոր արտերը, դու ամեն օր իմ սեղանից կճաշես»: Այսպէս Դաւթը շնորհացաւ իւր սիրելի Յովնաթանին:

52. Դ Ա Ի Ի Թ Ը Մ Ե Ղ Ա Ն Չ Ո Ի Մ Է

Մի անգամ Դաւթը իւր Յովնաք զօրավարին ամոնացիների դէմ ուղարկեց, որ նրանց գլխաւոր Ռաքաթաւ քաղաքը պաշարէ, իսկ ինքն անգործ մնաց Երուսաղէմում: Մի օր թագաւորը կտրի վրա ման գալիս՝ տեսաւ իւր հարեան Ուրիայի կին Բերսաբէին և ցանկացաւ նրան թագուհի դարձնել: Ուրիան Յովաբի հետ պատերազմ էր գնացել: Դաւթը Յովաբին մի նամակ գրեց, որի մէջ անում էր. «Ուրիային պատերազմի վտանգաւոր տեղն ուղարկիր, դու ետ դարձիր, թող նա սպանուի»: Յովաբն էլ այդպէս արաւ: Երբ Ուրիայի կինը ամուսնու մահուան լուրն առաւ, սկսաւ սուգ անել: Սգի օրերն անցնելուց ետոյ՝ Դաւթը պսակուեց նրա հետ:

Այս վարմունքն Աստծուն դուր չեկաւ, ուստի Նաթան մարգարէին նրա մօտ ուղարկեց՝ թագաւորի սխալը նկատելու: Նաթանը թագաւորի մօտ եկաւ և հետևեալ առակը պատմեց. «Մի քաղաքում կենում էին երկու մարդ—մինը

հարուստ, իսկ միւսը՝ աղքատ: Հարուստն ունէր շատ հօտեր, իսկ աղքատը՝ միմիայն մի գառը: Աղքատը շատ էր սիրում գառանը, միասին էին



ուտում, խմում և իրա գոգում էլ քնացնում էր: Մի օր հարստի մօտ հիւր եկաւ: Հարուստը աղքատից իւրեց նրա գառը և հիւրին պատուեց»: Դաւթը բարկացաւ այդ բանի վրայ: Զարմա-

ցաւ, որ իւր թագաւորութեան մէջ այդպիսի անարդարութիւն է պատահել, ուստի ասաց Նաթանին. «Այդ մարդը մահու պատժի արժանի է»: Այն ժամանակ Նաթանն ասաց. «Այդ մարդը դու ես—դո՛ւ խլեցիր Ուրիայի կնոջը, իրան էլ ամոփնացիները սրով սպանել տուիր: Իրա համար Աստուած այսպէս է ասում—քո տանից քո դէմ անբաղտութիւն կհանեմ. դո՛ւ ծածո՛ւկ չարութիւն գործեցիր, իսկ ես քեզ յայտնի կերպով կպատժեմ ամբողջ Իսրայէլի առաջ»: Դաւիթը զգաց իւր սխալը և ասաց Նաթանին. «Ես մեղաւոր եմ Աստուծո՛ւ առաջ»: Այս ասաց ու գետնի վրայ ընկած զղջում էր: Նաթանն ասաց. «Վեր կաց. Աստուած ներեց քո յանցանքը, դու չես մեռնի»: Մարգարէն տուն դարձաւ: Բերսաբէն մի որդի ունեցաւ, որին Սողոմոն անուանեցին: Դաւիթը, Նաթանին յանձնեց Սողոմոնի կրթութիւնը:

53. Ա. Բ. Ի Ս Ո Ղ Ո Մ

Ա. Իսրայէլացիները մէջ Դաւիթ որդի Առիսողոմի նման գեղեցիկ մարդ չկար: Արիսողոմի ամենագեղեցիկ զարդարանքը նրա գլխի գանգուր մագերն էին: Սա առաւօտը վաղ վեր էր կենում և կանգնում էր քաղաքի դրանը: Թագաւորի մօտ գանգատի եկողներին դուր գալու

համար՝ ասում էր Արիսողոմը. «Դու արգար ես, բայց ո՛վ կայ այնտեղ, որ քեզ պաշտպանէ: Երանի ինձ դատաւոր նշանակէին, ես գիտէի թէ ինչպէս կպաշտպանէի ամենին»: Այս ձևով Արիսողոմը գրաւեց իսրայէլացիները սիրտը:

Երբ նրա համակրողների թիւն այնքան բազմացաւ, որ նա կարող էր ապստամբուել՝ ասաց. «Թոյլ տո՛ւր ինձ, հայրիկ, որ ուխտ գնամ Քերրոն»: Թագաւորն ասաց. «Ինձ խաղաղութեամբ»: Արիսողոմն առաջուց մարդ էր ուղարկել Իսրայէլի բոլոր քաղաքներն ասելու. «Երբ փողի ձայնը լսէք, ասացէք Արիսողոմը թագաւոր է դառել»: Արիսողոմը Քերրոն գնաց: Մեծ բազմութիւն հետևում էր նրան:


Երբ Դաւիթին յայտնեցին որդու ապստամբութիւնը, Երուսաղէմում եզոզ ծառաներին ասաց. «Վեր կացէք փախչենք»: Թագաւորը քաղաքից ոտով փախաւ իւր ծառաների հետ: Նրան հետևում էր մեծ բազմութիւն և դառը կերպով լաց էին լինում: Դաւիթն անցաւ Կեղրոնի վտակը և լալով բարձրացաւ Չիթննեաց լեռը: Սաւուղի տնից մի մարդ՝ Սեմէի անունով, Դաւիթն անիծում էր, քարեր արձակում վրան և ասում. «Դո՛ւրս, դո՛ւրս, Աստուած քո թագաւորութիւնը յանձնեց Արիսողոմին»: Արեստան բարկացաւ և ասաց. «Ի՞նչպէս է համարձակուում նա իմ տէր թագաւորին այդպէս անպատուել—իրաւունք

տողը, նրա գլուխը կտրեմ»։ Թագաւորն ասաց. «Թող, դա Աստծու կամքն է։ Անն հարագատ որդիս իմ ետևիցն է ընկել, ինչ զարմանալու բան կայ, եթէ օտար Սեմէին այդպէս է վարուում»։ Աբխաղոմը մտաւ Երուսաղէմ և առաւ այն բոլորը, ինչ որ հօրն էր պատկանում։

Ք. Սրանից ետոյ Աբխաղոմը իւր մարդիկներէրի հետ Յորդանանն անցաւ՝ հօրը հալածելու համար։ Դաւիթը իւր մօտ եղած զօրքը կարգադրեց և ասաց. «Ես էլ ձեզ հետ կամենում եմ թշնամու դէմ պատերազմի դուրս գալ»։ Ժողովուրդը պատասխանեց. «Դու մի արի, քո կեանքը մեզ համար տասը հազար մարդու հաւասար է»։ Զօրքը գնաց, իսկ Դաւիթը Յովաբին, Աբեսային և բոլոր գլխաւորներին պատուիրեց ու ասաց. «Իմ սիրու համար խնայեցէք Աբխաղոմին»։ Նփրեմի անտառում իրար պատահեցին։ Դաւիթի զօրքը յաղթեց։ Աբխաղոմը շորու վրայ նստած փախաւ և երբ մի մեծ կաղնու խիտ ճիւղերի տակոփն անցնում էր, մագերը ճիւղերի մէջ խճճուեցին, մնաց կախ ընկած, իսկ շորին անցաւ, գնաց։ Երբ այս բանը Յովաբին յայտնեցին, վեր առաւ երեք գեղարդ և խրեց Աբխաղոմի սիրտը»։

Աւետաբեր եկաւ Դաւիթ մօտ պատերազմի դաշտից և յայտնեց նրան յաղթութեան լուրը։ Դաւիթի առաջին հարցն եղաւ. «Աբխաղոմ պատահին ողջ է»։ Երբ տեղեկացաւ, լաց էր լինում և

ասում. «Որդնակ իմ Աբխաղոմ, Աբխաղոմ որդեակ իմ, երանի թէ ես մեռնէի քո փոխարէն, որդեակ իմ Աբխաղոմ»։



Յուդայի տան մարդիկը Դաւիթի մօտ դեսպան-

ներ ուղարկեցին և ասացին. «վերադարձիր դ՞ու էլ, քո զօրքն էլ»: Նրանք Դաւթին զիմաւորելու համար մինչև Յորդանան գնացին: Սեմէին ևս եկաւ դրանց հետ, թագաւորի ոտներն էր ընկնում և ասում. «Մի յիշիր իմ յանցանքը, ներիր»: Աբեսսան ասաց, «Նա պէտք է մեռնի, Աստծու օծեալին անարգել է»: Դաւթը պատասխանեց. «Այսօր ոչ ոք չպիտի մեռնէ, երբ ես կրկին իսրայէլի վրայ թագաւոր եմ»: Դաւթը երգուեց Սեմէին և ասաց. «Ի՞նչ չես մեռնի»: Դաւթը դարձաւ Երուսաղէմ:

54. Դ Ա Ի Թ Ի Մ Ա Շ Ը

Երբ Դաւթը ծերացաւ, Երուսաղէմ ժողովեց երկրի իշխաններին, դատաւորներին, զինուորականներին ու ասաց. «Ժողովուրդ, ինձ լսիր, ես մտադիր էի Աստծու համար մի քարաշէն տուն կառուցանել, որպէսզի ուխտի տապանակն ափստեղ դնեմ: Բայց Աստուած իւր ծառայ Նաթանի բերնով ասաց՝ ինձ համար դու չես կարող տուն շինել, զինուոր մարդ ես, շատերի արիւնն ես թափել—այդ բանը քո որդի Սողոմոնը կկատարէ մահուանիցդ ետոյ: Աստծու պատուիրանները պահեցէք, որպէսզի այս գեղեցիկ երկիրը ժառանգէք: Իսկ դու՝ իմ Սողոմոն որդի, ճանաչիր քո հօր Աստծուն և ծա-

ռայիր նրան ամբողջ սրտով—Աստուած քեզ ընտրեց իւր համար տուն կառուցանող: Ես մեռնում եմ, բայց մխիթարուիր, մի վախենայ, իմ Աստուածը քեզ հետ կլինի»:

Դաւթը ցոյց տուաւ իւր որդի Սողոմոնին տաճարի նախագիծը և ետոյ շարունակեց ժողովրդեան հետ խօսել. «Աստծու տուն կառուցանելը շատ մեծ գործ է. ես իմ կարողութեան չափ ոսկի, արծաթ, թանկագին քարեր, երկաթ, փայտ և մարմար եմ ժողովել: Իսկ ձեզնից ո՞վ է յօժար Աստծու տան համար կամաւոր նուէր տալու»: Ամենքն էլ իրանց կարողութեան չափ նուէրներ արին: Դաւթը շատ ուրախացաւ: Ժողովուրդը գոհանում էր Աստծուց. երկրպագութիւն էր տալիս. աղօթում և ողջակէզ մատուցանում: Քահանայապետն էլ վեր առաւ իւրի եղջիւրը և Սողոմոնին թագաւոր օծեց: Փողերը փչում էին, իսկ ժողովուրդն աղաղակում էր. «Յաջողութիւն Սողոմոն թագաւորին»:

Շատ չանցաւ, որ հին թագաւորը մեռաւ և թաղուեց Դաւթի քաղաքում: Նա թագաւորեց Իսրայէլի վրայ քառասուն տարի:




Գ. ՍՈՂՈՄՈՆ



53. ՍՈՂՈՄՈՆ ԹԱԳԱՒՈՐԸ

Ս. Սողոմոնը սիրում էր Աստուծուն և իւր հօր ճանապարհովն էր գնում: Երբ նա մի անգամ Գալատիոնում գոհ էր մատուցանում, Աստուծած տեսիլքում երևաց նրան և ասաց. «Խնդրիր ինձնից ինչ որ կամենում ես»: Սողոմոնը պատասխանեց. «Իմ Տէր Աստուծած, դու թագաւորեցրիր քո ծառային իմ հօր տեղը. ես մի փոքր տղայ եմ. չգիտեմ ոչ բարին և ոչ չարը՝ տուր ինձ իմաստուն սիրտ՝ քո ժողովուրդը արդարութեամբ կառավարելու»: Աստուծած հաւանեց Սողոմոնի աղօթքը և ասաց. «Որովհետև դու ինձնից երկար կեանք և հարստութիւն չխնդրեցիր, այլ միմիայն իմաստութիւն, այս պատճառով տալիս եմ քեզ ոչ թէ միայն քո խնդրածը, այլև հարստութիւն ու փառք: Եթէ դու իմ պատուիրանները պահես, ինչպէս քո հայր Գաւթը, քեզ երկար կեանք էլ կտամ»:

Ք. Այդ օրերում երկու կին թագաւորի մօտ գանգատի եկան: Նրանցից մինն ասաց. «Մենք երկուսով ապրում ենք մի սենեակում: Ես մի որդի ունեցայ: Երեք օրից ետոյ նա ևս մի որ-



դի ծնաւ: Այս կինը գիշերը ծիծ տալիս, երեխայի վրան պառկեց ու խեղդեց նրան: Կէս գիշերին ծածուկ փոխեց իմ կենդանի որդուն իւր

խեղդուածի հետ: Առաւօտը զարթեցի՝ երեխային ծիծ տալու, տեսայ որ իմ տղան չէր»: Իսկ միւս կիսին ասաց. «Այդպէս չէ, կենդանին իմս է, իսկ մեռածը սրանն է»:

Աստուած Սողոմոնին իմաստութիւն տուաւ նրանց դատաստանը կտրելու—թագաւորն ասաց. «Սուր բերէք, կէս արէք կենդանի երեխային—կէսը տուէք միսին, իսկ կէսը՝ միւսին»: Կանանցից մինը աղաչում էր թագաւորին և ասում. «Մի սպանէք»: Իսկ միւսը պահանջում էր բաժանել: Թագաւորն ասաց. «Առաջին կնոջը տուէք կենդանի երեխային, որովհետև նա է հարազատ մայրը»: Այս դատաստանը յայտնի եղաւ բոլոր Իսրայէլի մէջ:

Բացի հարստութիւնից, Աստուած Սողոմոնին մեծ իմաստութիւն ևս տուաւ: Նա 3,000 առակ և 1,005 երգ գրեց: Մարդիկ երկրիս բոլոր ծայրերից գալիս էին նրա իմաստութիւնը լսելու:

56. ՍՈՂՈՄՈՆԻ ՏԱՃԱՐԻ ՇԻՆՈՒԹԻՒՆԸ

Ա. Սողոմոնը մարդ ուղարկեց Տիւրոսի Բիրամ թագաւորին ասելու. «Դու գիտես, որ իմ հայրը պատերազմների պատճառով չկարողացաւ Աստծու համար տուն շինել, ուստի այդ գործն ինձ յանձնեց: Խնդրում եմ հրաման տաս իմ ծառաներին Լիբանանի անտառներից տաճարի հա-

մար եղենիներ կտրել, դրա փոխարէն ես կվճարեմ քեզ ցորէն, գինի և իւղ»: Քիրամը կատարեց նրա ցանկութիւնը: Երկու թագաւորները բարեկամացան իրար հետ:

Սողոմոնի թագաւորութեան չորրորդ տարումը Մորէա լեռան վրայ տաճարի հիմքը դրուեց—80 ոտնաչափ երկարութիւն, 20 ոտնաչափ լայնութիւն և 30 ոտնաչափ բարձրութիւն ունէր տաճարը: Տունը ներսից պատեց ամբողջապէս մաքուր ոսկէ թիթեղով:

Տաճարը բաժանուած էր երկու մասի—Սրբութիւն և Սրբութիւն-Սրբոց, Տապանակ ուխտին դրին Սրբութիւն-Սրբոցում, իսկ Սրբութիւնում՝ խնկոցը, առաջաւորաց սեղանը և 10 հատ ոսկէ աշտանակ:—Տաճարի շուրջը Սողոմոնը երկու գաւիթ շինեց—արտաքինը ժողովրդի համար, իսկ ներքինը՝ քահանաների: Այստեղ էր դրած զոհի սեղանը և պղծէ տաճանը քահանաների լուսցուելու համար: Եօթը տարուց ետոյ տաճարի շինութիւնն աւարտուեց:

Բ. Երբ շինութիւնը վերջացրեց Սողոմոնը, ժողովրդին երուսաղէմ հրաւիրեց տաճարն օծելու: Քահանաներն ուխտի տապանակը և սրբազան անօթները Սիօնի վրայից նոր տաճարը տեղափոխեցին:

Սողոմոնը և ժողովուրդը հետևում էին քահանաներին: Երբ ուխտի տապանակը Սրբութիւն

Սրբոցում դրին, թագաւորը չոքեց Տիրոջ սեղանի առաջ և այսպէս աղօթեց. «Տէր, Իսրայէլի Աստուած, երկիրքը և երկնքի երկիրքը բաւական չեն քեզ պարունակելու, ո՛ւր մնաց այս փոքրիկ տունը: Լսիր քո ծառային, լսիր քո Իսրայէլ ժողովրդին և դէպի նա ողորմած եղիր նեղութեան ժամանակ: Եթէ այլազգի ևս դայ այստեղ աղօթելու, նրան էլ լսիր: Եթէ ժողովուրդը քո դէմ մեղանչէ և ուղղուած սրտով քեզ դառնայ, նրա խնդրուածը մի՛ մերժիր»:

Աղօթքը վերջացնելուց ետոյ Սողոմոնը օրհնեց ժողովրդին: Թագաւորը ժողովրդի հետ շնորհակալութեան զոհ բերին Ասածուն: Սողոմոնը եօթն օր տօն կատարեց: Ամենքն օրհնում էին թագաւորին և փառաբանում Աստծուն:

57. ՍՈՂՈՄՈՆԻ ՓԱՌԻՔԸ, ԸՆԿՆԻԼԸ ԵՒ ՄԱՀԸ

Ա. 1. Սողոմոնը եղենու փայտից իւր համար մի սխալատ ևս շինեց: 2. Ամուսնացաւ Փարաւոնի աղջկայ հետ, նրա համար ևս մի երկրորդ պալատ շինել տուաւ: 3. Շինել տուաւ նաև դատաստանատուն և 4. փղոսկրեայ զահ՛ պատած ազնիւ ոսկով: 5. Թագաւորի խմելու բաժակները, ամանեղէնները ոսկուց էին—արծաթը յարգի չէր: 6. Նաւեր ևս շինել տուաւ: Բիրամը նրա համար լաւ նաւաստիներ ուղարկեց, որոնք

իրա ծառաների հետ հեռի երկիրներ էին նաւում՝ ոսկի, արծաթ, փղոսկր, կապիկ և սիրամարգէներ էին բերում: Այսպէս Սողոմոնը իւր հարստութիւնով և իմաստութիւնով առաջին թագաւորը դարձաւ աշխարհիս մէջ:

Ք. Հարևան օտարազգի թագաւորները բազմաթիւ կիներ ունէին, ուզեց որ այդ բանում էլ առաջինը լինի, ուստի 700 օտարազգի կին առաւ: Ծերութեան ժամանակ նրանք Սողոմոնի սիրտը դէպի կուռքերը դարձրին՝ այնպէս որ թագաւորը նրանց համար Երուսաղէմում կռատներ շինել տուաւ: Այս բանը դուր չեկաւ Աստծուն, ուստի յայտնեց Սողոմոնին և ասաց. «Որովհետև դու իմ պատուիրանները չպահեցիր, քո թագաւորութիւնը կխլեմ քեզնից, բայց ոչ կենդանութեանդ ժամանակ, այլ՝ քո որդու և նրանից չեմ խլի ամբողջ թագաւորութիւնը, այլ մի մասը քո հայր Դաւթի սիրոյ համար կթողնեմ»: Այդքան ծախսերը հոգալու համար՝ ժողովրդի վրայ ծանր հարկեր նշանակեց՝ այն աստիճան, որ այլ ևս չէր կարողանում տանել, այս պատճառով ժողովուրդն ապստամբուեց թագաւորիցը Յերոբոամի առաջնորդութեամբ:

Թագաւորը հրամայեց ապստամբին սպանել, բայց նա Եգիպտոս փախաւ: Սողոմոնը 40 տարի թագաւորելուց ետոյ՝ մեռաւ ու թաղուեց Դաւթի քաղաքում: Նրա որդի Ռոբոամը թագաւորեց հօր տեղը:



Զ. ԹԱԳԱՒՈՐՈՒԹԵԱՆ ԲԱԺԱՆՈՒՄՆ ՌԻ ՎԵՐՋԸ

58. ՅԵՐՈՒՅՈՎԱՄ ԵՒ ՌՈՒՐՈՎԱՄ




Մ. Ռոբովամը գնաց Սիւքէմ: Ամբողջ իւրայէլս այնտեղ էր հաւաքուել — կամենում էին նրան թագաւոր օծել: Ոմանք էլ մարդ էին ուղարկել Յերոբովամին կանչելու: Նա եկաւ և ժոժողովրդի հետ միասին ասացին Ռոբովամին. «Քո հայրը մեզ վրայ ծանր հարկեր դրաւ, մենք քեզ այն պայմանով կլսենք, եթէ մեր բեռը կթեթեւացնես»: Ռոբովամը հարցրեց ծերերին և ասաց. «Ի՞նչ խորհուրդ էք տալիս»: Նրանք պատասխանեցին. «Եթէ ժողովրդին լսես, քեզ հաւատարմութեամբ կծառայէ»: Ռոբովամը մերժեց ծերերի խորհուրդը և իւր հասակակից ընկերների հետ ժողով կազմեց: Նրանք այսպէս խորհուրդ տուին. «Ի՞նչ ժողովրդին այսպէս պատասխանիր — իմ հայրը ձեզ խարազանով էր պատժում, իսկ ես՝ մտրակով և կարիճով պէտք է ծեծեմ»:

Ռոբովամը երիտասարդ ընկերների տուած խորհուրդը յայտնեց Յերոբովամին: Երբ ժողովուրդը նկատեց, որ թագաւորն իրան չի ուզում լսել, ասաց. «Ինչ գործ ունենք Դաւթի տան հետ, մենք Յերոբովամին թագաւոր կօծենք»: Այսպէս ժողովուրդը ջախճանեց Ռոբովամից: Այլևս ոչ ոք չէր լսում Դաւթի տան թագաւորին՝ բացի Բենիամինի ցեղից:

Ք. Յերոբովամն ամբացրեց Սիւքէմը և մայրաքաղաք դարձրեց: Նա ասում էր. «Եթէ իմ ժողովուրդը Երուսաղէմ գնայ զոհ մատուցանելու, Յուզայի տան թագաւորին կսիրէ և ինձնից կհեռանայ»: Սրա համար թագաւորը երկու հատ ոսկէ հոռոթ շինել տուաւ ու ասաց ժողովրդին. «Բանական է ինչքան Երուսաղէմ գնացիք աղօթելու, անձ ձեր աստուածները»: Հորթերից մինը Բեթէյում, իսկ միւսը Դանում նշանակեց: Ժողովուրդը պաշտում էր կուռքերին: Սրա համար Աստուած մարգարէի բերնով ասաց նրան. «Քո թագաւորութիւնն իսպառ կջնջեմ»:

Յուզայի տունը ևս մոռացաւ Աստծուն և սկսեց կուռքեր պաշտել: Եզրիպտոսի թագաւորը, երբ իմացաւ Իսրայէլի թագաւորների երկպառակութիւնը, Երուսաղէմի վրայ եկաւ, Աստծու և Ռոբովամի տան բոլոր հարստութիւնները տարաւ: Ռոբովամն ու Յերոբովամն իրանց ամբողջ կեանքում պարապած էին ներքին պատերազմներով:



59. Ե Ղ Ի Ա

ա. Իսրայելի տանից շատ թագաւորներ ե-
զան: Նրանցից մինի պատմութիւնը միայն կտ-

վորենք—դա Աքաաբն է: Սա ամուսնացաւ Սի-
ղոն քաղաքի կռապաշտ թագաւորի Յեզարէլ աղ-
ջկայ հետ և նրանց Բահաղ կուռքին երկրպագու-
թիւն էր տալիս: Յեզարէլը խեղդել տուաւ բո-
լոր մարգարէներին, միայն Եղիան կենդանի
մնաց: Սա եկաւ Աքաաբի մօտ և ասաց. «Այս
տարի ոչ անձրև, ոչ ցօղ կիջնի երկնքից, որով-
հետև քո կինը նրա մարգարէներին կտորել
տուաւ»:

բ. Աստուած ասաց Եղիային. «Գնա և բնակ-
ուիր Բոռաթի հեղեղատի մօտ—Չուրն այնտե-
ղից կխմես, իսկ կերակուրդ ագռաւները կբե-
րեն»: Նա լսեց Տիրոջ խօսքին և գնաց: Մի քա-
նի օրից ետոյ հեղեղատի Չուրը ցամաքեց, որով-
հետև անձրև չէր գալիս: Այն ժամանակ Աստուած
ասաց նրան. «Վեր կաց և գնա Միդոնացւոց Սա-
րնալաա քաղաքը, այնտեղ մի որբեայրի կնոջ
պատուիրել եմ, որ քեզ կերակրէ»: Եղիան, երբ
քաղաքի դրանը մօտեցաւ, տեսաւ մի այրի կին
փայտ էր հաւաքում ու նրանից հաց և Չուր
խնդրեց: Կինը պատասխանեց. «Աստծու անունը
վկայ լինի, որ մի բուռն ալիւրից և մի քիչ իւ-
ղից աւելի ոչինչ չունեմ»: Եղիան ասաց նրան.
«Գնա, մի վախենա, պատրաստիր քեզ համար
էլ, ինձ համար էլ, քո տաշտից ալիւրը և ամա-
նից իւղը չպիտի պակասէ՝ մինչև որ Աստուած
անձրև կուղարկէ»: Կինը գնաց և այնպէս էլ ա-

բաւ: Տիրոջ ասածի համաձայն՝ տաշտից ալիւ-
րը և ամանից իւզը երբէք չպակասեց:



Պ. Սովի երկրորդ տարին Աստուած ասաց Ե-
ղիային. «Գնա՛ Աքաաբի մօտ և ասա՛, որ անձրև

պիտի թափեմ»: Եղիան գնաց: Երբ Աքաաբը Ե-
ղիային տեսաւ, հարցրեց. «Այդ դ՞ու ես, Իսրա-
յէլի խանգարիչ»: Եղիան պատասխանեց. «Ես
չեմ Իսրայէլի խանգարիչը, այլ դ՞ու և քո տունը
— դուք Աստուծու պատուիրանները մոռացել էք
և Բահաղին էք լսում: Հաւաքել տ՞ուր Կարմիրոս
լեռան վրայ ժողովրդին և Բահաղի չորս հարիւր
յիսուն քուրմերին»: Այդպէս էլ արեց Աքաաբը:
Եղիան գուրս եկաւ ժողովրդի ասօջ և ասաց.
«Մինչև ե՞րբ մոլորուէք, եթէ Աստուածը Եհովան
է, նրան հետևեցէք, իսկ եթէ Բահաղն է՝ նրան
լսեցէք: Եհովայի մարգարէներից միայն ես եմ
կենդանի մնացել, իսկ Բահաղինը չորս հարիւր
յիսուն են: Թո՛ղ մեզ երկու եզր տան. մէկը
սրանք վերցնեն, կոտորեն, զնեն փայտերի վրայ՝
առանց կրակի, իսկ միւսն էլ ես կվերցնեմ և
նոյնպէս կվարուեմ: Ետոյ՝ դուք Բահաղի անու-
նը տուէք, իսկ ես՝ Եհովայի: Այն Աստուածը,
որ կրակով զո՞հը կայրէ, անձ նա է ճշմարիտը»: Բոլոր ժողովուրդը պատասխանեց. «Ճշմարիտ ես
ասում»:

Բահաղի քուրմերը վեր առան մի եզր, կոտո-
րեցին ու սկսեցին աղաղակել և ասել. «Ո՛վ Բա-
հաղ, պատասխան տ՞ուր»: Բայց ոչ մի պատաս-
խան չստացան: Եղիան ասաց. «Բարձր ձայնով
կանչեցէք, գուցէ նա զբաղուած է, շատ կարե-
լի է քնած է»: Նրանք սկսեցին ևս աւելի բարձ-

րաձայն աղաղակել, բայց ոչ մի պատասխան չստացան: Եղիան ասաց ժողովրդին. «Այժմ եկէք ինձ մօտ»: Նա սեղան շինեց. շուրջը փո-



րեց. սեղանի վրայ փայտեր դարսեց. եզր կրտատեց և դարսեց փայտերի վրայ: Երեք անգամ ողջակէզի փայտի վրայ շուր ածել տուաւ՝ այն-

պէս որ փոսը ծովի պէս շրով լցուեց: Այս ամենից ետոյ Եղիան ասաց. «Ո՛վ Աբրահամի, Իսահակի և Յակովբի Աստուած, ցոյց տուր, որ դու ես ճշմարիտ Աստուածը, իսկ ես՝ քո ծառան»: Իսկոյն երկնքից կրակ ընկաւ և այրեց ողջակէզը: Բոլոր ժողովուրդը երեսի վրայ ընկաւ և ասաց. «Ենովան է ճշմարիտ Աստուածը»: Եղիան բոլոր քուրմերին կիսոն հեղեղատի մօտ սպանել տուաւ: Ետոյ ասաց Աքաաբին. «Լծիր կառքդ և վայր իջիր, որ անձրևը քեզ չթրջէ»: Այդպէս էլ արաւ—Եղիան կառքի առաջով էր գնում: Իսկոյն քամի փչեց, երկինքը ծածկուեց սև ամպերով և սաստիկ անձրև եկաւ:

դ. Աքաաբը պատմեց Յեզաբէլին այս ամենը: Յեզաբէլը դեսպան ուղարկեց Եղիայի մօտ և պատուիրեց ասել. «Թո՛ղ աստուածներն ինձ պատժեն, եթէ քեզ էլ քուրմերի նման սպանել չտամ»: Եղիան փախաւ Յուդայի անապատը, նստեց մի ծառի տակ, գանգատուեց և մահ խնդրեց: Նա պառկեց այնտեղ և քնեց: Ետոյ վեր կացաւ, քառասուն օր ճանապարհ գնաց մինչև Քորէբ և այնտեղ մի այրի մէջ ապրում էր: Աստուած ասաց նրան. «Ի՞նչ ես անում այստեղ, Եղիա»: Նա պատասխանեց. «Իսրայէլի որդիները քո մարգարէներին սրով կոտորեցին. ես միայն ազատուեցայ. հիմայ էլ իմ կեանքի ետեիցն են ընկել»: Աստուած հասկացրեց մարգարէին, որ մար-

դասպանութիւնը հաճելի չէ իրան. նա ասաց. «Իարձիր և Յէուլին Իսրայէլի վրայ թագաւոր օծիր, իսկ Եղիսէին՝ քո փոխարէն մարգարէ: Իսրայէլի մէջ դեռ եօթը հազար հոգի ունեմ, որոնք Բահաղին չեն պաշտում, մի յուսահատուիր»:

Եղիան գնաց և Եղիսէին գտաւ վար անելիս: Մարգարէն իւր վերարկուն նրա վրայ ձգեց: Եղիսէն թողեց եզները, գնաց Եղիայի մօտ և աշակերտ դարձաւ նրան:

60. Ե Ղ Ի Ա Յ Ի Մ Ա Հ Ը

Եղիան զգաց իւր մահուան օրը—նա ասաց Եղիսէին. «Դու այստեղ կ'աց, Աստուած ինձ Յորդանան է ուղարկում»: Եղիսէն ասաց. «Վկայ լինի կենդանի Աստուածը, որ քեզնից չեմ բաժանուիր»: Երկուսն էլ գնացին Յորդանան: Եղիան ասաց Եղիսէին. «Մահուանիցս առաջ խընդրիր, ինչ որ կամենում ես»: Եղիսէն պատասխանեց. «Թող քո հոգին կրկնապատիկ իջնի իմ վրայ»: Այն ժամանակ երկնքից հրեղէն կառք իջաւ՝ հրեղէն ձիեր լծան, Եղիան մէջը նստեց և մըրրիկը նրան երկինք բարձրացրեց: Եղիսէն նա յուժ էր նրա ետևից և աղաղակում. «Հայր, հայր, Իսրայէլի կանօք, ձիեր...»:



61. ԻՍՐԱՅԷԼԻ ԵՒ ՅՈՒԳՍՅԻ ԹՄԳԱՒՈՐՈՒԹԵԱՆ ԿՈՐԾԱՆՈՒՄԸ

Ա. Իսրայէլացիները յաճախ մոռանում էին Աստծուն և հեթանոս կեանք էին վարում: Բոլոր քաղաքներում կուստներ էին շինել և Բահաղին երկրպագութիւն տալիս: Աստուած մարգարէի բերնով յայտնեց նրանց. «Թողէք ձեր շարութիւնները և հետևեցէք իմ պատուիրաններին»: Նրանք ուշք չդարձրին Աստծու խօսքերին, դրա համար էլ պատժուեցին:

Իսրայէլի վերջին թագաւորն եղաւ Ովսէն: Սա Աստծու ճանապարհով չգնաց: Ասորեստանի Սաղմանասար թագաւորը սրա դէմ պատերազմի դուրս եկաւ: Ովսէն յաղթուեց և հպատակ դարձաւ: Բայց որովհետեւ նա Եգիպտոսի թագաւորի հետ դաշն էր կապել և տարեկան հարկը կանոնաւոր չէր ուղարկում Ասորեստան, ուստի Սաղմանասարը Իսրայէլի թագաւորութեան վրայ եկաւ, մայրաքաղաք Սամարիան առաւ և իսրայէլացիներին գերի տարաւ Ասորեստան: Նա իւր երկրից բազմաթիւ հեթանոսներ բերել տուաւ և Սամարիայի քաղաքներում բնակեցրեց: Երկրի մէջ իսրայէլացիներ ևս մնացել էին, որոնք Տիրոջը հաւատում էին: Հեթանոսները խառնուեցան այս մնացորդ իսրայէլացիների հետ և սրանցից յառաջացաւ Սամարացի կոչուած ժողովուրդը, որը թէև ազօթում էր Տիրոջը, բայց միևնոյն ժամանակ կուռք էր պաշտում:


Ք. Երբ Սաղմանասարը Իսրայէլի թագաւորութիւնը կործանեց, Յուդայի երկրում թագաւորում էր Եզեկիան: Սա կործանեց կռքերի սեղանները և պատուիրեց Աստծուն հաւատալ: Իեսպաններ ուղարկեց Իսրայէլի և Յուդայի երկրները և հրաւիրում էր ամենին Երուսաղէմ՝ Պասէքը միասին տօնելու: Մեծ բազմութիւն հաւաքուեց Երուսաղէմում: Իսրայէլի թագաւորութիւնից ևս մարդիկ էին եկել: Այստեղ ժողո-

վուրդն ինքը կործանեց Բահաղի սեղանը:

Ասորեստանի նոր թագաւոր Սեկեքերիմը Յուդայի թագաւորութեան վրայ եկաւ, վերցրեց շատ քաղաքներ և պաշարեց Երուսաղէմը: Քաղաքացիներին ասաց. «Ասորեստանի մեծ թագաւորին լսեցէք և ոչ եղեկիային. եթէ նրա Աստուծոն էր հզօրը, երկիրն ի՞նչու չազատեց Ասորեստանի թագաւորի ձեռից»: Երբ եղեկիան այս բանը լսեց, պատառեց հանդերձները, գնաց Տիրոջ տունը և մարդ ուղարկեց Եսայի մարգարէի մօտ աւելու. «Հեթանոսների թագաւորը նախատում է կենդանի Աստծուն, աղօթիւր մեզ համար»: Եսային պատասխան ուղարկեց՝ աւելով. «Մի վախենաք, նա քաղաք չի մտնի, այլ կզանայ այն ճանապարհով, որով եկել է»: Սենեքերիմը յաղթուած ետ դարձաւ Նինուէ:

Սրանից ետոյ Յուդայի տանից շատ վատ թագաւորներ եղան: Եսայիմը, որ Յուդայի թագաւորներից մինն էր, նմանապէս չար ճանապարհով գնաց: Սրա ժամանակ Բաբելոնի Նաբուզոդոնոսոր թագաւորը պաշարեց Երուսաղէմը: Թագաւորն անձնատուր եղաւ: Նաբուզոդոնոսորը վեր առաւ տաճարի և պալատի գանձերը, բոլոր իշխաններին, հիւաններին և զարբիներին գերի տարաւ Բաբելոն: Նմանապէս թագաւորին իւր ընտանիքով: Սեղեկիային թագաւոր նշանակեց Յովակիմի սեղ:

Սա ևս Աստուծո ճանապարհով չզնաց և սպրտամբուեց Նաբուգոդոնոսորի դէմ: Բաբելոնի



Թագաւորը երկրորդ անգամ եկաւ Երուսաղէմի վրայ և պաշարեց մէկ և կէս տարի: Սովը սաստ-

կացաւ քաղաքում: Սեղեկիան գիշերով փախաւ քաղաքից, բայց թշնամիները բռնեցին և թագաւորի մօտ տարան. որ դատէ: Սեղեգիայի որդիներին իւր աչքի առաջ մորթեցին, իրան էլ կուրացրին, շղթաներով կապեցին և գերի տարան Բաբելոն:



Միևնոյն զիշերը թշնամիները մտան Երուսաղէմ, կոտորեցին բնակիչներին, կողոպտեցին բոլորին, այրեցին Տիրոջ տաճարը, թագաւորի պալատը և քաղաքի պարիսպներն էլ կործանեցին, զեանին հաւասարեցրին: Մնացած ժողովուրդը և գանձերը Նաբուգոդոնոսորը գերի տարաւ Բաբելոն: Այսպէս կործանուեցաւ Յուդայի տունը:

62. ԲԱԲԵԼՈՆԻ ԳԵՐՈՒԹԻՒՆԸ ԵՒ ՎԱՍՃԱՆԸ

Ա. Նաբուգոդոնոսորը թագաւորը հրամայեց իսրայէլացիներէից գեղեցիկ և ընդունակ երեխաներ ընտրել, որ թագաւորին ծառայեն: Սրանց մէջն էր Դանիէլը իւր երեք ընկերներով: Թագաւորը հրամայեց իւր սեղանից կերակրել նըրանց: Բայց Դանիէլը իւր ընկերներով մերժեցին այդ պատիւը և խնդրեցին ներքինապետին՝ թոյլ տալու իրենց միայն կանաչեղէնով կերակրուել և ջուր խմել: Ներքինապետը տասն օր ժամանակ տուաւ նրանց և նկատեց, որ աւելի են գեղեցկանում: Աստուած Իսրայէլի մանուկներին իմաստութիւն, իսկ Դանիէլին երազ մեկնելու շնորհ տուաւ: Թագաւորը Դանիէլին և նրա երեք ընկերներին մեծ պաշտօններ յանձնեց:

Ք. Նաբուգոդոնոսորը մի ոսկէ արձան շինել տուաւ, կանչեց ժողովրդին ու ասաց. «Երբ փողի ձայնը լսէք, ոսկէ արձանին երկրպագութիւն տուէք, իսկ ով չի հնազանդի, հնոց կձգուի»: Փողը փչելուն պէս՝ ամենքն էլ ոսկէ արձանին երկրպագութիւն տուին՝ բացի Դանիէլից և իւր երեք ընկերներից: Այս լուրը թագաւորին հասցրին: Նաբուգոդոնոսորը բարկացաւ, կանչել տուաւ երեքին էլ ու ասաց. «Եթէ ոսկէ արձանին երկրպագութիւն չէք տայ, կրակը կձգեմ ձեզ»: Նըրանք մերժեցին:

Նաբուգոդոնոսորը բարկացաւ, կապել տուաւ երեքին էլ և շորերով կրակը ձգեց: Երբ թագաւորը նայեց, զարհուրեց, հարցրեց իւր խորհրդականին և ասաց. «Ձէ որ մենք երեք մարդ ձգեցինք կրակը. ես չորսն եմ տեսնում—նրանք ազատ ման են գալիս և անվնաս են»: Թագաւորը կրակին մօտեցաւ և ասաց. «Ո՞վ դուք Աստուծո ծառաներ, դուրս եկէք»: Նրանք դուրս եկան: Կրակը նրանց մի մագն էլ չէր այրել: Նաբուգոդոնոսորն ասաց. «Օրհնեալ է սրանց ազատող Աստուածը, ով այս մարդկանց Աստուծոն անպատուէ, խիստ պատիժ կստանայ»: Թագաւորը երեքին էլ մեծ իշխանութիւն տուաւ:

Գ. Մի անգամ, Նաբուգոդոնոսորը երազ տեսաւ: Երբ զարթեց, խիստ վախեցաւ: Կանչել տուաւ բոլոր մոգերին, որ երազը մեկնեն: Նրանք ասացին թագաւորին. «Պատմիր մեզ քո երազը», իսկ թագաւորը պատասխանեց. «Երազը մոռացել եմ, եթէ դուք չէք գտնի և չէք մեկնի, մահու պատիժ կստանաք»: Նրանք պատասխանեցին. «Երկրիս վրայ մարդ չկայ, որ թագաւորի պահանջածն իմանայ»: Թագաւորը բարկացաւ և հրամայեց Բաբելոնի իմաստուններին սպանել: Երբ Դանիէլն այս բանն իմացաւ, խնդրեց իրեն ժամանակ տալ, տուն գնաց և իւր ընկերների ժամանակ տալ, տուն գնաց և իւր ընկերների հետ աղօթում էր: Գաղտնիքը տեսիլքում յայտնուեց Դանիէլին: Նա գնաց թագաւորի մօտ և

և բաժանեցի: Քո թագաւորութեան օրերը չափած են. քեզ կշռեցին և թեթև գտան. քո թագաւորութիւնը կբաժանուի և պարսիկներին կըտրուի»:

Այդ միևնոյն գիշերում Բաղդասար թագաւորը սպանուեց: Պարսից հիւրոսն առաւ քաղաքը և Բաբելացւոց թագաւորութեանը տիրեց:

Ա. հիւրոսը իւր թագաւորութեան առաջին տարիներում հրաման հանեց՝ ասելով. «Երկնքի Աստուած Եհովան հրամայեց, որ Երուսաղէմուհն իրա համար մի տուն շինեմ: Ով նրա ժողովուրդըն է համարում իրան, թող Երուսաղէմ գնայ և Աստծու տունը նորից շինէ: Հայրենիք դարձողների թիւը 42,000-ից աւելի էր: Զօրաբարէլն առաջնորդում էր նրանց: Յետոն և քահանայապետը Երուսաղէմ հասնելուն պէս՝ զոհ մատուցին Աստծուն: Երկրորդ տարին սկսեցին տաճարը կառուցանել:

Երբ Սամարացիներն իմացան, որ գերութիւնից դարձած հրէաներն սկսել են Աստծու համար տուն շինել, եկան Զօրաբարէլի մօտ ու ասացին. «Մենք ևս կամենում ենք Աստծու տան շինութեան մասնակից լինել»: Իսկ նրանք պատասխանեցին. «Ո՛չ, մենք միայնակ պիտի շինենք»: Այդ օրից սկսած՝ սամարացիներն աշխատում էին խանգարել շինութիւնը: Բայց Աստուած իսրայէլացիների հետն էր: Նրանք աւար-

տեցին տաճարը և մեծ հանդէսով օծեցին:

Մի քանի տարի անց՝ երկրորդ խումբն եկաւ Եզրասի առաջնորդութեամբ: Նա վերականգնեց աստուածաշարժութեան կարգերը՝ Մովսէսի կանոնների համաձայն և հաւաքեց այն գրուածները, որոնք Մովսէսից սկսած յայտնի էին: Ժողովրդից ոմանք հեթանոս կիներ ունէին: Եզրասի ղեկավարեց նրանց, որ քան Սաստու անունով պատուիրեց նրանց, որ բաժանուեն իրանց կանանցից և բաժանուեցին:

Պարսից թագաւորի տակառապետ Նեէմին լսեց, որ Երուսաղէմի պարիսպները կործանուած են—գնաց թագաւորի մօտ և ասաց. «Արձակիր են՝ ծառայիդ, որ գնամ և իմ հայրենի քաղաքը շինեմ»: Թագաւորը թոյլ տուաւ: Նեէմին վերադարձաւ հայրենիք և սկսեց քաղաքի պարիսպներն ու դռները նորոգել: Երբ այս բանը սամարացիներն իմացան, սկսեցին պատերազմել հրէաների դէմ: Հրէաների կէսը զէնքը ձեռին պատերազմում էր, իսկ միւս կէսը պարիսպներն կառուցանում: Այս ձևով վերջացրին քաղաքի շրջապատը: Սրանից ետոյ Նեէմին ժողովրդին Յուդայի քաղաքներից Երուսաղէմ հաւաքեց: Եզրասը դուրս բերաւ Մովսէսի օրինաց գիրքը, քան զուրս բերաւ Մովսէսի օրինաց գիրքը, կանգնեց ժողովրդի առաջ և կարդում էր՝ առաւօտից մինչև երեկոյ: Բոլոր ժողովուրդն ար-

տասուում էր: Եզրասն ասաց. «Եկէք Աստու-
հետ նոր դաշը կապենք»: Նրանք խոստովանե-



ցին իրանց յանցանքը և երգուեցին, որ Աստու-
պատուիրաններից այլ ևս չեն անցնի:



Զ. ԻՍՐԱՅԷԼԱՑԻՈՑ ԱԶԳԻ ՎԻՃԱԿԸ ՄԻՆՉԵՒ ՔՐԻՍՏՈՍ



63. ԻՍՐԱՅԷԼԱՑԻՆԵՐԸ ՄԱԿԵԴՈՆԱ-
ԿԱՆ ԻՇԽԱՆՈՒԹԻԱՆ ՆԵՐՔՈՅ

Երուժիւնից վերադարձած իսրայէլա-
ցիները մնացին պարսից իշխանութեան ներքոյ՝
մինչև այդ տէրութեան անկումը:

Պարսիկներից ետոյ զօրացան մակեդոնացի-
ները Աղէքսանդր Մեծի օրօք: Սա նուաճեց ա-
սիական երկիրները և պաշարեց Տիւրոս քաղա-
քը՝ եօթն ամիս շարունակ: Աղէքսանդր Մակե-
դոնացին հրէաներից և սամարացիներից պահան-
ջեց, որ իրան օգնեն՝ թէ զինուորով և թէ պա-
շարով: Հրէաների Յաղղոս քահանայապետը մեր-
ժեց այդ պահանջը՝ ասելով, որ Պարսից թագա-
ւորին հպատակութեան երգումն է տուել, իսկ
սամարացիները կատարեցին նրա պահանջը: Ա-
ղէքսանդրն առաւ Տիւրոսը, մտաւ Քանան և 332
թ. Երուսաղէմ հասաւ: Հրէաները պարսիկներից
օգնութիւն չստանալով ստիպուեցան անձնատուր

լինել: Յաղոս քահանայապետը մեծ հանդէսով ընդունեց Աղէքսանդրին: Չնայելով որ հրէաները մերժել էին օգնութիւն տալու, բայց Աղէքսանդրը ներեց այդ շքեղ ընդունելութեան համար և սիրով վարուեց նրանց հետ—իրաւունք տուաւ իրանց ազգային օրէնքներով կառավարուել: Այսպէս Քանանը ենթարկուեց մակեդոնական իշխանութեան:


64. ԻՍՐԱՅԷԼԱՅԻՆԵՐԸ ԵԳԻՊՏԱԿԱՆ ԻՇԽԱՆՈՒԹԵԱՆ ՆԵՐՔՈՅ

Քանանը նուաճելուց ետոյ՝ Աղէքսանդրը տիրեց Եգիպտոսին և Պարսկաստանին ևս: Բաբելոնում յանկարծամահ եղաւ: Մահուանից ետոյ նրա չորս զօրավարները թագաւորութիւնը բաժանեցին իրանց մէջ: Ասորիքը կառավարում էր Սելևկիոսը, իսկ Եգիպտոսը՝ Պտղոմէոսը: Բայց որովհետեւ Պաղեստինը գտնուում էր Ասորիքի և Եգիպտոսի մէջ, ուստի յաճախ վիճում էին, թէ Պաղեստինին ով պիտի տիրէ: Այս պատճառով էլ վերջինս երբեմն մէկի, երբեմն միւսի իշխանութեանն էր ենթարկւում: Սկզբում Պաղեստինին տիրեց Պտղոմէոս Լագոսը:



Սելևկիոս

Հրէաստանը մօտաւորապէս հարիւր տարի գրտնուեց Եգիպտոսի իշխանութեան ներքոյ: Պտղոմէոս Լագոսը հրէաների հետ շատ մեղմ էր վարվում—հարիւր հազար հրէայ գաղթականներ բնակեցրեց Եգիպտոսում՝ մանաւանդ աշխարհընչակ Աղէքսանդրիա մայրաքաղաքում և նրանց շնորհեց մեծամեծ արտօնութիւններ: Պտղոմէոս Լագոսի յաջորդ պտղոմէոսները շատ հրէաներ գրաւեցին Եգիպտոս և բնակեցրին նրանց Միջերկրական ծովի ափերում, որտեղից նրանք տարածուեցին շատ հեռաւոր հեթանոս երկիրներ: Այս հանգամանքը շատ նպաստեց ապագայում աւետարանի տարածմանը:



Պտղոմէոս Լագոս

Հրէաները գաղթելով օտար երկիրներ, մոռացան իրանց մայրենի լեզուն և խօսում էին յունարէն: Մայրենի լեզուից խորթանալով՝ մոռացան նաև հայրենի սովորութիւնները: Այս վտանգի առաջն առնելու համար Պտղոմէոս Փիլադէլֆիոսը եօթնասուն գիտնականների ձեռով թարգմանել տուաւ հին ուխտը, որ կոչւում է Եօթանասնից թարգմանութիւն (մեր Սհակ Պարթև հայրապետը իւր աշակերտների հետ այս բնագրից



հայերէն թարգմանեցին Աստուածաշունչը և այնքան հարազատ, որ կոչուում է թագունի թարգմանութեանց), որպէսզի հրէաները կարգան և իրանց ազգութիւնը չմոռանան: Բացի սրանից Երու-

Պողոմէոս Յիւլիէֆիոս սաղէմում հիմնեց 70 հոգուց բաղկացած մի բարձրագոյն ատեան, որի նախագահն էր քահանայապետը: Այս բարձրագոյն ատեանը կոչուում էր Սինհոդոս կամ Ժնրակոյտ:

65. ԻՍՐԱՅԷԼԱՅԻՆԵՐԸ ԱՍՈՐԻՔԻ ԻՇԽԱՆՈՒԹԵԱՆ ՆԵՐՔՈՅ

203 թ. Գրիստոսից առաջ Ասորիքի Անտիոքոս Մեծը Պաղեստինէն խլեց պողոմէոսներից: Սրա օրերով իսրայէլացիները պահպանեցին իրաց ազգային իրաւունքները՝ իսկ նրա յաջորդ Անտիոքոս Եպիփանի ժամանակ սկսեցին հալածանքները: Թէ խորամանկութիւնով և թէ բռնի միջոցներով աշխատում էին հրէաներին հեռացնել իրանց կրօնից և հայրենի սովորութիւններից: Անտիոքոս Եպիփանին իրան չար դիտաւորութիւնների մէջ օգնական հանդիսացաւ դաւաճան

Յեսու քահանայապետը, որը տիրող իշխանութեան գուր գալու համար՝ իւր հրէական անուներ յունականի փոխեց—Յասոն անուանեց իրան և Երուսաղէմում զոն մատուցեց յունական գո-



Անտիոքոս Մեծ

հաբերութեան եղանակով: Սկսուեցին խռովութեան օրերը, որի ժամանակ Անտիոքոսը իւր ձեռները արիւնի մէջ թաթախեց: Նա քարուքանդ արաւ Երուսաղէմը. այրեց, հրդեհեց, 80,000 հրէա կոտորել տուաւ,

իսկ 40,000 գերի տարաւ: Տաճարը անարգ կերպով սրբապղծեց և յունական շաստուած Արամազդի համար սեղան կանգնեց: Յայտարարեց, որ հրէական կրօն չկայ այլ ևս, իսկ խոստովանողներին մահուան պատժով սպառնաց: Չնայելով այս խստութիւններին՝ հրէից ազ-



Անտիոքոս Յպիփան

գը դարձեալ ամուր մնաց իւր հաւատին—ծերունի դպիր Եղիազարի և եօթն որդւոց մայր Շամունէի նահատակութիւնը յոյց են տալիս թէ հրէաները որ աստիճան հաւատարիմ էին իրանց ազգային սովորութիւններին (պատմել):

66. Մ Ա Կ Ա Բ Ա Յ Ե Յ Ի Ք

Այս նեղութեան օրերին իսրայելացիները համար Մակաբայեցւոց քաջ ցեղը փրկիչ հանդիսացաւ: 167 թ. Մաղաթիա քահանայապետը իւր հինգ որդկերանց հետ իրանց շուրջը հաւաքեցին շատ հայրենասէր հրէաներ. խմբեր կազմեցին. յարձակուեցին Ասորիքի տիրապետողները վրայ և մեծամեծ վնասներ հասցրին նրանց:

Մաղաթիայի մահուանից ետոյ՝ նրա որդի Յուդան, որ քաջութեան համար մակաբէ, այսինքն մուրճ մականունն էր ստացել, հօր սկսած պատերազմը շարունակեց: Մա դուրս արաւ թըշնամուն Երուսաղէմից և սահմանեց, որ զոհաբերութիւնը ազգային ծէսով կատարուի: Ի յիշատակ այս յաղթութեան՝ տաճարի անունով աւանձին տօն սահմանեց: Անտիոքոսը չկարողացաւ տանել Յուդայի յաղթութիւնը, ինքն անձամբ Պաղեստինի վրայ կամեցաւ յարձակուել, բայց ճանապարհին մեռաւ: 161 թ. մի անյաշող պատերազմում Յուդա Մակաբէն սպանուեց: Սրան յաջորդեց իւր եղբայր Յովնաթանը, որը վաղուց արդէն Ասորիքի իշխանութեան կողմից ճանաչուած էր իբրև քահանայապետ և աւատական իշխան: 143 թ. նրա կեանքի գէմ դաւածանութիւն եղաւ և մահ ստացաւ:

Սրան յաջորդեց իւր եղբայր Սիմօնը, որի

օրօք Մակաբայեցւոց տունը իւր յաղթական բարձրութեան հասաւ—Ասորիքի իշխանութիւնը անկախ ճանաչեց Յուդայի իշխանութիւնը: Երախտագէտ Ժողովուրդը Սիմօնի յաջորդներին ժառանգական քահանայապետ և իշխան նշանակեց:

Սրա որդի Յովհաննէս չիրկանոսը նուաճեց Սամարիան, Գալիլիան, Եզոմը և կործանեց Գալիլին լերան վրայ գտնուող սամարացիների տաճարը: Սրա որդի Աքիստաքուղոսը արքայական տիրոգոս կրեց: Յաւօք սրտի՝ սրանից ետոյ Մակաբայեցւոց տան մէջ ներքին խռովութիւններ յառաջացան, որը և պատճառ դարձաւ նրա կործանման:

67. ԻՍՐԱՅԷԼԱՅԻՆԵՐԸ ՀՈՌՎՄԷԱԿԱՆ ԻՇԽԱՆՈՒԹԵԱՆ ՆԵՐՔՈՅ

Արեստաբուղոսը ունէր երկու որդի՝ չիրկանոս II և Աքիստաքուղոս—որոնք վիճում էին, թէ ով պիտի վարէ իշխանութիւնը: Այս վէճը որոշելու համար, իբրև դատաւոր, հրաւիրեցին հովմայեցի քաջ զօրապետ Պոմպէտին, որ այդ ժամակներում գտնուում էր Ասորիքում: Պոմպէտը չիրկանոս II-ի օգտին որոշեց վէճը և անուանեց նրան իշխան և քահանայապետ 63 թուին այն պայմանով որ հրէաներն ընդունեն Հոովմի

կայսրի գերիշխանութիւնը: Այսպէս Քանանն ընկաւ հոովմայեցւոց իշխանութեան տակ:

Թոյլ տկար Հիւրկանոսը իւր իշխանութիւնը յանձնեց եգոմացի խորամանկ Անտիպատրին, որը 47 թ. Օգոստոս կայսրից կառավարիչ նշանակուեց: Իսկ սրա որդի Հերովդէս մեծը 40 թ. հոովմայեցւոց ծերակուտից թագաւոր նշանակուեց Յուզայի երկրի վրայ: Սա ամուսնացաւ Մարիամ անունով մի աղջկայ հետ, որը մակաբայեցւոց տանիցն էր և սրանով կամեցաւ վիրաւորուած իշխանական տան սիրտն առնել ու այսպէս առ երեսս ապահովել իւր թագաւորութեան խաղաղութիւնը, բայց այս վարմունքը երկար չտևեց: Հերովդէսը կոտորել տուաւ մակաբայեցւոց տան բոլոր ժառանգներին, նոյն իսկ իւր կին Մարիամին և նրանից ծնած երկու որդիներին: Եւ որպէսզի հրէա ժողովրդի սիրտն առնէ՝ 20 թուին ձեռնարկեց մի հոյակապ տաճար կառուցանել, որ իւր յաջորդների օրով միայն վերջացաւ: Նա մեռաւ սարսափելի մահով—կենդանի-կենդանի հոտեց մարմինը:

Այս Հերովդէսի ժամանակ ծնաւ Քրիստոսը:



« Ազգային գրադարան



NL0145934

